

Литература Дагъистан

16+

Гъалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



6/2017
ноябрь - декабрь



Мягчыкъалалис - 160 дус



Гъалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство печати и информации РД

РУКОВОДИТЕЛЬ - БЕКІ РЕДАКТОР
Мурад ГЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
ХІ. Къурбанов (журналла редактор)
Къ. Мигърабов
Т.СягИдов

ЖАМИГІЯТЛА СОВЕТ
А. Гъабдулманапова
И. Ибрагимов
Ш. Мяхіяммадов
Х. Хлябірова
Х. Юсупов
И. Мяхіяммадов

6
—
2017
ноябрь - декабрь

Кел базли гъачам
дурабулхъан

Выходит один раз в два месяца

1952 ибил дуслизиб
акІахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ПРОЗА

Аминат ГЯБДУЛМАНАПОВА. Мекълис Пергъи.....	3
Къасум-Бег МИГЪРАБОВ. Шахли дигубти къар.....	12

ПОЭЗИЯ

Имин МЯХИЯММАДОВ. Назмурти.....	27
Тавсултан СЯГИДОВ. Индура маймалагра.....	32

ПРОЗА

Ибрагим ИБРАГИМОВ. Щализib ва хилизib.....	35
Хадижат ХИЯБИЛОВА. Дигай – гъяжайби щакъ.....	46

ПОЭЗИЯ

Мяхијаммад ХИЯЖИЕВ. Назмурти.....	58
-----------------------------------	----

НУШАЧИВ ГЯХИЛАДЛИ

Наби ГИСАЕВ. Назмурти.....	61
----------------------------	----

ПОЭЗИЯ

Мяхијаммадшапиг БЯХИЯМГИЛИЕВ. Назмурти.....	64
Мяхијаммад ТАХСУРМАНОВ. Агъ, дубурти, дубурти.....	67

ПРОЗА

Жамбулат МЯХИЯММАДОВ. Хабурти.....	71
------------------------------------	----

ПОЭЗИЯ

Писки МЯХI. Сатирала назмурти.....	81
Абдуслем ИСМЯГИЛОВ. Кел гъяламат.....	87

ПОЭЗИЯ

Гляшат БИБАЛАЕВА. Назмурти.....	90
ХIяпиз АБАКАРОВ. Багъишлаби.....	93

ФОЛЬКОЛОР

ШяхI МЯХИЯММАДСЯГИДОВ. Буралаби.....	96
--------------------------------------	----

Регистрационный номер ПИ №ТУ05-00369 от 23. 12. 2016 г.
Выданный управлением Роскомнадзора по Республике Дагестан.

Типография: Издательский дом “Дагестан”.
Адрес типографии: 367018, РД, г. Махачкала, пр. Насрутдинова, 61

ГЬАЛМАГЪДЕШ №6 2017 г.

На даргинском языке

Выход в свет 24. 11. 2017 г. Тираж 341 экз.
Заказ № 1115 Цена свободная.
Печать офсетная. Бумага офсетная.
Формат 70x108 1/16.
Усл. печ. л. 8,4.
Усл. изд. л. 8,7.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:
litdag@mail.ru

Проза

Дагъиста халкъла поэт
Аминат ГЯБДУЛМАНАПОВА



МЕКЪЛИС ГИЕРГЬИ

Повесть

Умурайбатли се дигара баріб, сунела урши Абакарлизи сунес къабули ахІенси рурси гелешмеш хІераахъес ва иличил ариш-бариш тамандараахъес. Уршилис биалли Разият школализив учІухІелил гІяхІрилзулри ва иличи дигай дихылри. Школализиб бучути баҳъал цархІилти гІулухъабасра Разият гІяхІрилзулри ва иличил гъалмагъбикес дигути баҳъал лебри. СенкIун, Разият школализир гІахІил ручІулри, суратрикIулри, дурадуркIути жур-журала далдуңунаизирра жигарла бутIакъянчи сарри. Баҳъли сунечи пикри битIакIесигъуна жагаси ва сарерхурси, зумати духъяна чурмала регI рурси сарри. Сунела жагадешличила суненира гІахІил балусиван, Разиятра гъамадли тянишриэс яра чичил-биалра гъалмагъдеш дарес гъалакрикIули ахІенри. Абакарла биалли кIантI-кIантIли аръализибад гажин шинни бирцIусиван, сабурличил мяхIкамли рурси шакли ва шакхIерикесли сунела уркIилизибси дигайла лами пархХебухъесли, ил бағылали ванадешли ламбикIесли гъалмагъикилри. Гъаланачиб рурсилира ил секIал пикрилра бирули ахІенри. Сунечи хІербикIутала баҳъдешли ил бара тянишсилизи халирули, илизир цархІилти пикруми дирниличила гъанра биркули ахІенри. Школа таманбарили, Разият институтлизир ручІулри, амма институтлизирра ил цархІилти гІулухъабазирад зубразиб Шалкаван декIаррулхъулри. Абакарра Разиятлис гІелавад вашес, рурси ил сунела хІерлиур мурталра хІеррарес дигуливан, илра ил ручIуси институтлизи керхур. Гъаннара школала гІямру, дурхIядеш, гъалмагъдеш хъумхIертес дигуливан Разиятличил варх ахІенси уэс вирули ахІенри. Ахирра илини рурсилизи аргъахъиб гІязизти жанничирра ил дигни. Гур рурсира ца тамашали макълатIисливан гъамрариб ва Абакарличил ца парталичи карииб. Цалис-цали белчIудилизибра кумекбери. Институтлизарад хъайгIи ва хъайгIирад институтлизи Разият илини мурталра гъунир-ралтулри.

Абакарла бегІтас биалли, ил рурсиличилти тянишдеш дигули ахІенри ва ил пархъратахъес маслигIятбикIулри. ГІайиб ца сабри – Разият чула миллатла хІерильни ва илдани илала бегІтира балули ахІенри. Институт таманбирулри, Абакар рурсила бегІтачи сукни букъяхъес ил сунес гелешмеш

прахъес нешлизи мурталра тиладиик^Гулри. Нешли къаршидеш дирни багъандан ва рурсиличи пикри бяг^Ічих^Іейъни багъандан Абакар барх^Іехъуназив уч^Іуси виалра, х^Іянчиличи ваши, ва сунес дигуси рурсилис савгъатуни асахъес нешлизи арц-булан луги.

Урши барх^Іехъуназив хъайг^Іи къанни вашес вех^Іихъиб^Хели Умурайбат^Гурра гъимтурк^Іиб ва уршилис гъаларашес рех^Ірихъиб. Ца гъачам нешли Разиятла някъ буцили парклизыв къунзик^Іули Абакар чеиб ва къасриуб.

«Се дигай сарти ишдала? Набзи хъаралра х^Іебаили ну рузикъарла уршилис шери редира. Дигай х^Іедагъурра, гелешмешличил къунзх^Іерухъунра. Уршби баркыра, набчи хъарти х^Іянчи дарира, мурулла ихтияр агарли селра барес х^Іериубра. Уршилисра рузила рурси кариэс вяг^Іда сабри. Себирути урх^Іла рурсби кабиили, вег^Іла лайкабак^Іили ва мучлах^Іебарили? Ил сек^Іал аргъахъес рибули ах^Іенра уршилизи», Умурайбатла илди пикруми къябаиб хапли гъамируси сунела мурул Мирзани.

— Гъу, се бибулри уршилис г^Іеларарад рашули ил ватухъахъес дигултив урх^Іла ургъурлизивад?. Нуник^Іун жявлил бурира х^Іези, ардуха т^Іулека, палтар, савгъатуни, дила узикъар Х^Іяжимурадла рурсилис, багъахъа лебтазилра ил гелешмеш риъни. Х^Іергъири дила х^Іунира, рашен гъанна уршилис г^Іеларарад. Х^Іерик^Іус сецах^Іи рашудал.

— Х^Іехис, х^Іехис, рати х^Іела узикъарла рурси, ил х^Іяжатли ах^Іен! Ил х^Іед узикъар виалра, илала хъунул, сунезибад берцуди бараб, я Аллагъ. Х^Іяжатли ах^Іен! Х^Іу диргалах^Іейк^Іуси виадри, Абакарла жявлил гелешмеш риусири. Ил урх^Іла някъбази иркуси ах^Іенри. Х^Іеррик^Іус, рати сунес дигуйг^Іи рукаб, наб г^Іяг^Іинили ах^Іенси «гелешмеш». Х^Іеррик^Іус секъядыа дила хъайг^Іи леркул илини. Сецах^Іи х^Іериараал иличил; х^Іеррик^Іус ламус-х^Іяя детахъибисичил, урези-урехи агарсичночил.

УРШИРА НЕШРА

— Неш, дила ах^Іерси неш, нуни бек^Іил хъунул как^Іеририс, дура аркъяс, г^Іур бек^Іил чарх^Іелхъас, наб дигуси Разият кариахъес х^Іелтули г^Іергъи, — иб Абакарли, нешличи шишимъайра, анц^Ікъилира, гъимилира диц^Іибти ц^Іудара х^Іулбачил х^Іеризурли.

— Нуни савгъатуни х^Іелугас, я мекъ х^Іебириис, аргъирив урши, чинар дигара арц дарга, х^Іу узен, хъунул кариэс дигалли, аргъирив? — Уршила вях^Іилизи бяхъиб паргъатагарриубли Умурайбатли.

— Аргъира, неш, аргъира, х^Іушазибад селра х^Іяжатли ах^Іен, арц нуни дидис, нук^Іун узра-узулра, мекълисра нуни дургис, гъарил х^Іяжатси сек^Іал асану, сукникъяниб бархъа. Дила урк^Іилизи г^Іяжаибси дяхъи бибулра х^Іушани, селра г^Іайиб агарси Разиятличи гъимили диц^Іилрая. Х^Іязлис нура инжитиирулра, я ил рагъес дигули ах^Іенрая, гъу риаб гъари дила мез х^Іедалуси, нунира дила мез илцадра г^Іях^Іил х^Іедалулрагу. Урус мез далулра нушани, дурх^Іини ак^Іубх^Іели, илини нушала мезра руркъу. Дурх^Іназира да-лахъа, х^Іечилра, неш, ралкариркур. Дебали г^Іях^Іити бег^Іита рурси сари ил.

— Г^Іях^Іити бег^Іита ирив? Г^Іях^Іити бег^Іитани чула рурси хъайг^Іирад дурах^Іе-рулхъахъа барх^Іехъуназир, урх^Іла уршиличил къунзх^Іерик^Іахъу, аргъирив?!.

— ЛехІахъи, неш, ну илис урхI ахІенра, чумал дус цахІнар дучІулра, цали-ца гІяхІил далулра. Наб иличирра дурхъаси агара. Тилади саби неш, хIу иличила вайтIа гъаймариkIуд.

— Гъу, гъу, диур, аргъира, абдалварилри хIу илини, се барибал барии сари, дармай вахи ургуд къурумсаxъли! Балути саби нуни илдигъунти рурсби. Гъанна духути, ламус-хIия лерти рурсби лебтив?

ВАЙТИ ПИКРУМИ

— ХIу сейкIадра дила мурул, нуни гIур гъандуцес рибули ахІенра, нушала урши дигайли абдалварили сай. ЛевгIев гIякылулизивад ухъайчи се биалра барес гIягIибиркур. Ил мялгIуйзи нушала урши хъумартахъеси секIал пикрибасе хIяжатбиркур. Багъа бедалли, адам пяхIли ветахъахъесра вирулигу ишбархIи. Сен нуша гIямалагардиркутира, гIямаля баргес вирухIели. Яра ил хъайгIи арицIухIели больнициализира байхъала дус дурахIерухъесли кариахъес вирусигу, — иб Умурайбатли, муруйчи ташмишдешличил хIерризурли.

— Дила пикрили, хIу сарри гъанна абдалриубси, Аллагълизирадалра урухрии. Дяхъес, дяхъи-хъаслизи рикахъес, карушахъес, се ибси или ибси? ХIукIун илцад гIясикар ахІенри, се бетаурли хIед гъанна? Пикрирухъен, рурсицун ахІен хIуни дяхъи-хъаслизи риркахъуси, уршила уркIира саби, иргъултив?

— УркIи ирив, уршила уркIи, чинаб лебси ил, неш дудешла хIергъуси, сай икIуси ахІенси хIебиуси. НушакIун илала душманти ахІенра, сунела талихI багъандан дургъутира, сай багъандан дузутира, шишимдикIутира. — Рурсила бегIтира хIяяагарти саби. Нуни илдала унрализира аргъахъирагу, нушаб ил хIяжатли хIериъни, илдазира иргъахъис.

— Се рикIусири хIу, унрубази дурутив илди секIулти? Унрубани се биуруси? Илдас хIейгахъу гъудурбис. Вайси барилри, лебгIеб вайси. Унрубазира дурхIачила бурни. Аррякы чула хъайгIи, илала нешлизи бурадри.

— ХIебурис, ну илцадра къиматагарриубли ахІенра, наб хIяжатли ахІенти адамтачи арацIес. Бати, нуни балас биуси.

— Се саби хIуни балуси, набзи бурес асухIебиусив?

— Дила рузила рурси леркис иса ва шантази балахъас ил уршила хъунул ретаъниличила.

— Секъайда, урши къабулхIеркалли, рузила рурси хIуни бекIлил раткамайдира, хъунул ретаэс секъайда риуси? — Дати, хъунул абдал пикруми, хIуни нушала урши тIутIукайридра, нушала лебил къиян заябирахъидра.

— ХIебиалли хIу разили валанри урхIла рурси иса какъес?

— Гъайгъай разили ахІенра. ХIези буррагу наб чи дигулрал илизи кариахъес, хIед биалли хIела рузила рурси кили дигулри, чебиултив анцIбуку селичи бетикилил? Нуша ца-ца шайчи дулкIухIели саби илгъуна бетаруси. ХIед, хIела рузила рурси, наб, дила узикъарла рурси, уршилис урхIла, бекIлил нушани хIебалутала рурси. Нушани уршилизи кIантIидеш чедаахъилра. Неш къайдали, хIу жагали гъайкарухъунси риадри, лерил секIал гIяхIил детари.

КIелра някъли бекI буцили карииси Умурайбат, харчизурли, муруйчи черухъун.

— XIу мурул адам сайри, уршби нешанани ахIен руркъути, замайчив хIу-
ни вяркъес хIяжатсири урши, чуйнара хIези рикIира, дурхIначил ляв-кIуш
дирути ахIен или. ЖугъутIли хъайГивад урши дуравхъес гъалав итуси сай,
хатIахIейкахъес багъандан. Се гIяхIдеша, хатIа барили гIергъи витаб, май-
таб? Амма нушазиб жугъутIуназибцад гIякълу ва духудеш агара, я дурхIни
илданиван духули бяркъес дирули ахIенра, — Умурайбат, унза хямкдали,
дурарухъун.

— Дудеш, се биубли хIед? — Абакар мякъла гъамиуб. Урши хъули айцIини-
личи дудеш шакалра хIейкиб. ГъанкIлизивад чеваргъибсиван, уркIухъунси-
ван уршилизи викIар.

— XIуни, урши, нушала юрт уб-чеббарилри, неш гъимрукIили сари, ну
къабулли ахIенра хIечи. Нушазибад ихтияр агарли XIуни рашибиси гелеш-
мешличи. ХIебалас, нуша сунечи къаршили, XIуни секъайда мекъ биридал,
гъяннакIун ца гIяхIти харжанира хIяжатли сари, илди харжани дарес чинар
арц дургидал, чина леркидал XIуни ил пикрилра ухъунтив?

— Дудеш, хIунира хIед ригуси ахIену карибси? Сен асухIебируси наб дигу-
силичи хъайчикайэс? Иличил лерил гIямру деркIили, дурхIнира абикур-
ли хIеркайэс хIяжатли биалли. Нуни балули ахIенра, дудеш, секъайда кай-
русил вегIлис хIейгусиличил, селичила гъайикIусил, севан хIерикIусил.
XIушани, дудеш, ну иличи хъайчикайахъес хIелтасли, илра аррукили нура
гIур XIушани гъачамалра нуша чехIедиъна аркъехIе. Узра-узус, арца дир-
къехIе. ГIе, харжани хIяжатти дильнира нуни балулра. XIушазибад селра
хIяжатли ахIен, дирадалли мекъ баая, хIейрадалли, илра мабиридая. Наб
рурсилизивад цIахбилзули саби, илала бегIазивадра урузкIулра. Илдас се-
гъуналра хIурмат барес хIейубра, рурсилисра савгъатуни дарес гIягIнитири.
XIуша къаршили кадизурхIели, ца нуницун селра барес вирули ахIенра.

— ГIе, урши, бегIатчи лехIхIейхъухIели сари илди лерилра секIулти вайли
детарути. XIу хъяшали левай нуни узикъарлизи чIумали бурибсири, илала
рурси числалра хIередахъес. Набра илдазибад, хIедичибра цIахбилзули саби.

— Диур, дудеш, илди гъайра духънадаили сари, хIела узикъарлара ну се-
налра чеблалиув ахIенра, сунес дигусилис шери аррукъяхъес рати илала
рурсира.

— Агъ, дила урши, дигай лерти ахIен, илди пархдухъунти, манзиллис
пяхIли детихъути, гIур чархIедулхъути хIялани сари. ХIерикIен, хъуммар-
тид нуни хIези буруси. ГIямрула гIягIниахълумани илди цIакъти дигай пяхI-
ли детихъахъути сари.

МАГЬАР ДИХЬНИ

Магъар дихъес бархъес Мирзала узила уршира, Умурайбатли хIядурва-
рибси сунела гъараҳъси тухумра бакIайчи, мекъ барес гъалаб бакIибти гъа-
лаксаурли итара-ишара къунзбикIулри.

Умурайбатли сунела узикъар мякълабси хъайгIи живарий.

— Гъа, дила узи Мухтар, ишбархIи хIечи хъарбирауси ва игъдибар бирхъу-
си хIянчи бегIлара жавабкарси саби. Магъар дигъяхъес бархъес цархIилтира
лебригу, амма наб гъандикиб нушала дурхIядеш, нуша гъараҳъти диахIелра
тухумтира, амма тян бегIлара гъамтиван хIердирулра. Гъанбиркуру? Дила
дудешли XIушала хIурматири ва нушази бирахъи.

— Баркалла, Умурайбат, набчи илгъуна игъдибар барнилис ва ил бегІлара жавабкардешла барькудиличи вархъахъес ну живарнилис, — иб Мухтарли, уруз хІяцІли Умурайбатличи хІерикІули.

— Умурайбат мякъла гъамриуб ва лихІилизи чилилра хІергъесли, дурасили кисаларад дарш-даршла чумал кагъар Мухтарла кисала къуздариб

— Мухтар, уршилис хІяжатси гелешмешличи нуша, мурулра нура разили ахІенра. Нушачи урши лехІихъули ахІен, илис дигуси бирулра. Амма илдала мурад бетхІерхахъесра вирусигу, наб дила хала нешла унра Бахули бурибси гъанбикіб. ИтхІели ну балугъраили ахІенри, амма илини бурибсили-чила гІямрулизиб хъумартес рибули ахІенра. Наб хІяжатбиркни балусиван, ит хабар лезмила удиб дахъал дусмазиб хІербарьира. ИшбархІи Аллагъли набчира илгъуна бараҳъес хъарбарили сай. Гъарил секІал хІезирад дигахъу. Магъар дирхъуси замана, хІера ишди унзаличи диршути мегъ чилилра чехІедаэсли, умхъули гІекІла, дигІай чилилра чехІедаэсли, аргъирив? Гур набзи умхъу чарбара, аргъирив? — Умурайбатли Мухтарла някъ цацІабарили, чебхІевдуси хІерличил илала хІулбази хІеръиб.

ҮркІухъунси Мухтарла вяхІла ранг булан дарсдиуб ва се сабрил бурес вализур. Умурайбатли гъайахъес хІетур.

— Нагагъ наб дигуливан бетаалли, пикрибарибси, хІед гІурра савгъат бипар, аргъирив? — Ишди мегъли гъарил секІал бекІдиру, хІеррикІус секъяйда хъалицІа детарарап чула, неш-дудешличи къаршили далдурцути. Гур нуни дила уршилис сагали мекъ бирис, наб дигуси гелешмеш тІалабириис. Дила Аллагъ, наб хІела кумек хІяжатли саби. Бартаахъа дила мурад. Умурайбат къукъубачи каризур ва бекІла чеди някъби духили рулгесрииб.

2- ибил бутІа

БУГЪТАН ЧЕБИХЬИБ

Умурайбатла савгъатличи карцІкайубси Мухтар, алавчарли хІералра хІе-или, лявкъу-аркъусилра чехІейули хъярхъли Мирзахъала юртличивяхІ ляв-къулри. ЖаняхІличирад дурабяхІ башутачи хІеррикІуси Умурайбатли Мухтар хІясибвариб ва дүцІли, илис гъалараэс гъаргала дурагухън.

— Гъу, Мухтар, хІела хІерлизибад хІясибирулра, гъарил секІал наб дигуливан детарусигъуна саби.

— ГІе, хІела хъарбарь жагали таманбарира, хІера, хІуни набзи гибити мегъ, тяп магъардирхъуси замана пянкъясахъили гІекІира ва иш умхъули дебъадарира. Ма, ишди гъанна хІед дигна духа, амма ну декІар илдигъунти «сихІрула уюнтачи» вирхуси ахІенра, хІердикІексе сегъуна ахир бирарап. ИлхІели хІед дигуливан мекъла ахир бехІихъайчи таманбирахъехІе.

Умурайбатла разидешла ахир аги. Лаг-кад башутачира пикри бяхІихІе-или илини Мухтар кІапІуциб ва някъ цацІабариб.

— ХІела азир мурад даъ, нагагъ дила мурад баалли, илхІели хІу нуни сав-гъатунала бекІализи гІелауршури дила Мухтар.

— Ил бекІализирад гъаннара гес рируд, нуникІун убяхІси хІянчи барилра, адамтани багъалли се бикІара. Аллагълира банагъ икахъу.

— Гъу, гъу гъандуца, урши виргІес, илала гІайиб нушачиб кахІелаҳъес ца багъаналис бируси мекъ саби. Гъамли, гъамли ил секІал бекІбирехІе. ХІура

вайли хIелтари, аргъирив? Ит мянгIун, Разият бикIан дила урши агарли хIе-руан, сен биалра руахъес къайгъни сари ишди, гъаннала жагътала хIая де-тахъилигу, гелешмеш ахIен, нушаб ил чилра ахIен, сунела бегIтазирадалра урухкIули ахIен, бархIехъуназир дила урши Абакарличил къунзкарикIули сари, суркадатурли хIедемхурти чурмира, дакили никубира, къукъубала че-диси хIевара чегъурли. Илис гъанбиркули бургар, сунечи нушара карцIка-дирехIе или.

Сен наб дигуси барес хIериусирав нуни, дила рузила рурси риштIали лерай рузичил вягIда бигъунсири, ил уаркъес ва цархIиллис хIередахъес. Рузилира рурси числарта хIередиб, илисра шери рукъес замана баили би-алра.

Ваши, ваши хъайгIи, унзала дурап се сари нушани дурути. Умурайбатли Мухтарлис нусира къацIра гъала гъала балбариб (кадихъиб) ва стакайзи Гярякъира кертIили стакан гъабуциб.

Бержа, бержа, бацIбара, гIур нушани чедибдешлара бужехIе.

Стаканти къутIдарили кИилинра дацIдариб.

– Гъу, дила Мухтар, айзи гъанна дила мурул чарухъайчи хIура арукъен, дилара дирути дахъал лер. Мекълис хIяжатти секIултагIир къунзрухъес ГягIили саби. Мекъра мекъ ахIен хIейгули бируси, саби вайли беркъабну. Урши виргIес, тухум-агълу Гяйитба хIебиркъахъес, нушачиб сегъуналра Гяйиб кахIелахъес пикри саби. Мухтар гъунивватури Умурайбатли, азбар-ла бяхIлизибси бухънабаиси лацлизибад къаркъа дуракасиб ва буркъиуб-си хIевализибад кесек бакIахъили, илизи мегъ дергурли ила дигIяндариб ва сунела мерличи къаркъара дебъабариб, умхъу мякълабси Гямилизи къ-узкабариб. Аллагълизира тилади rhxun, сунела мурад бетерхахъес кумек-барахъес, бунагъуназирад рерцахъес. Къукъубачи кариили, някъби зубрази зуздитIахъи. «Ва дила чевягIси, дурхъаси Аллагъ, хIела уркIецIиличира, кумекличира хъарлира, дила урши, Абакарлара, илис ГягIини къянчикъ Ра-зиятлара сегъуналра бархбас хIебиахъес дигулра, дила уршилис сесад ГяхI-деш биубли дигулихъар, дила юртлизир ихди садакъачибала рурси чераэс дигули ахIенра. Ва дила дурхъаси Аллагъ илис цУдарбиахъа дила юрт. Наб хIяжатли ахIенти адамтачил ариш-бариш дигули ахIенра. Илини баркъиб-ти дурхIни дукла кабатес хIядурли ахIенра, я Аллагъ баахъа дила мурад». Мукъри дехIихъайчи дуги-хIери Умурайбат илкъайда рулгусири.

МЕКЪЛА БАРХИ

Унруби, тухум-агълу багълали ХIяжимурадхъала хъайгIи учибиркулри. ДяхIлизибси разиагардеш дигIянбарес хIериуси Умурайбат гъарил айцIу-силис гъунириули. Илдала халаси Гяйниб лебтасалра кабиэс мусни хIя-дурдарили. Мурул адамти ца шайчи, хъунул адамти цархIил шайчи каби-рулри. Урши биалли, сунела гъалмагъуначил деркести ва держести лерси столлис алав кабиилри.

Абакар сесад тилади кIулихъалли мекъ хъайгIиб барес ахIенси бегIти къабулхIебикиб. Уршилис дигулри шагъарлизиб къайда цИкурличил варх кайили, узи-уршира алав кабатурли шадси мекъ бетерхахъес. Ватухъи сунес дигуливан делхъ-далуйти, гъарил секIал ункъли детерхахъес. Илала бекIли-

зи сегъуналра пикри башули ахIенри, сунела нешли гьарил секIал ургIерли пикридириличила, дудешра разили ахIенри ил мекъличи, биалра урши гъимхIейкIахъес. Клинайс уркъубяхъуни хIедарахъес ца багъаналисан гIевуцилри.

Гъугу, хIейгу-хIейгули гIевурцулра урши, сай икIуси бирулра, нагагъ бетаэсгу уршила уржибси хъалибарг. Нушаб хIериэсгу илини рагибсира, цалис ца дигули гIергъи, балтехIе чус дигуси бараҳъес, – викIулри ХIяжимурад сунела узи ГIялибулатлизи.

Шимазиб юкурти къанси дайдугила замана гелешмешличи бикути гIядат сабри. БархIи ахъиб, гIяхIли арбашес бехIихъиб. Мурул адамти биалли, цацабехIти бержили кеплизиби, хъулрази арбукеес хIейгули гIела битIикIулри. Хъунри биалли, багъла-багълали, хъа бегIтас баркаллагъра багъахъурли дурабулхъулри. Абакарла гъалмагъуни юкури ракIайчи кабиилри. Арукъес дигуси цалра аги. Йикурилизи хинкIи дараҳъили ахIенси архIякъяхIе или чумали кабизурлири.

Щябдешла варгъили ши кIапIбарибисван сабри, ши алавлара, шиличи дубурара, берхIи гIелабикибхIели дунъяличи шала дурхъуси бацли шалабарилри. Дубуртазиб бацла шала имцIа-имцIали шалабикIусиван билзан. ЦацахIели хIереливан лерил секIал чедаэсера виар. Рурсбира гъараҳъси гIинзи шичи башар. ХъуцIрумачи чехъили, бацла шалалиур рурхIути къянурбира сабира, иш гъакIизибра, мекъюла бархIи биъни багъанданра рурсби паргъатли буули ахIенри. Цалис гIергъи ца шичи башес даймбиублири, юкурлис дучIути далуйти дакъес карцIилири. Ахирра хъаршила шилизир лайлала жагати тIамри адердиб. Йикури хъарша аркути далайла пергер устнани адам гIяшикъиести чиллайтира ярга-яргали дучIулри.

**Юкури аркул гъуйчи
Щуб арцла марка даркъаб,
АрацIибил юртлизи
Баракат хъурабиаб.**

**ГIяшикъти жагъилтани
Щакъти дигайра ахъаб.
ДурхIя мирхье варъаван
Мурили гIамру деркIаб.**

* * *

**Дунъяла къугъадешлис
АкIубил хъаршлан шалай,
Хъар ши шалабарахъес
Леркулра бацла хIулбар.**

**Къарлизир вавагъуна
Вавназир варъагъуна,
Юкури – арцла гъайкар,
Агу хъаршар хIугъуна.**

**Жагъилтала дигайли
Вавна бяхъяхъяб хъани,
Рангла пулукIмабиаб
ДакIалра чилла – яни.**

**XIу арацIиб юртлизи
Маар мургъила заб даркъаб,
Хъурагиубил анкъи
АнкIи – ЧIянкIили бицIаб.**

Юкури гъайраибата къяйлизиб хъярчибира чебаэслири. Щала туприра гIайсначи даршили бируцад ахъихIи ахъдуили гъайбиублири. Ил шилизизиб тамашала гIядат лебсири. Юкури рукес, уршила шайзидад бакIибтани рурсила хъайгIибад бигIи чула някъбази бикибси секIал арбихулри.

Гъарил мурул адамли се-биялра бикахъили архути секIулти чедаэслири. Гайбарили эмхIера лебри, декъла гавлаг чекабихъили. Иличи ил гавлагли-

чи каралтусири цИкури. Хъунул адамтанира се биалра бикахъилри, генала, гъйнибси гъалайхъан, тас ва цархилти секли.

Ахирра цИкурира ила леркутира хъар шила шилизи абаиб, Хияжимурадхъала гъаргала хъурабариб. Хъалчирад хиви, кемпетуни цИкурла бекличи кадикахъиб. Унра Азайли каш бицли цИкурила бекличи декъ ихъуб.

— Багъа агарли цИкури хелутехъе, — иб илала някъ цацали буцибси ца хъунуй.

— Мая иш кигъа, — или Абакарла дудешли кигъа дуракаиб. — Камси саби, арац, — иб итилли. Дудешла узили арца дедиб. Жаняхлизир делхъ далуйти демжахъур. ЦИкури биалли декъла гавлагличи каратур. Цуба гулмендила кИанали ил кИапкарали чилилра чераэсли ахIенри. Ахирра жагъил рурсбани цИкурлис буруш балкъахъур, бакИбти гъяхи берк-бержла барили дуракаиб. Жагъил уршбас арбукеес дигули ахIенри. Нушаб хинкIи, цИкурла хинкI хIеберки архIякъехъе или чумали кабизур. Сецад къяннни биалра цИкурили хинкIира дарип.

— Буруш бячес, или цацабехъти цИкурмала буршаниб гербикIес балбизур. Сунела вегIебш, Разиятлис илцадра къяннси дуги гъачамалра бакИбси ахIенри. Шала шикъдиэс камси заманари калунси. Гужгужли дуракаиб Пулухъабира. Кадерхур Тама-гъамара алавчарли паргъатдеш ва лехIдеш хъурабиуб ила. Жагътас къарауичир калунси ца Умурайбатцун сарри. ГъанкIизиб бара бетурти жагъти унзализи къутIла тАмали чебаргъахъиб.

Умурайбатла рузикъар ва илала гъалмагъ жагътала ухъа ахтардибарес балбизур. Чебушлуми ахъдурцули, убушлуми ита-иша дирули гъямзила гинириубси Разиятличи илдазирад ца дугъаризур.

— Гъари, чинара, ишар диэс гъягIинти?

— Разиятли буреси хIебалули, нургъби кIантIкавхъахъун.

— Ваши иша, — дугъабизур Абакарличи.

— Нушаб иш хIела хъунул умули риъни, хIед шери ракIайчи, рурсили калнила бикъри баргес дирули ахIенра. ХIу сейкIуда? КIелра лехIкахъилляя? ХIу дурагухъи лебтазилра бархъдеш бура. Чичил калунрил, сен урзхIе-риубсири илкъаяда иша ракIес, иш гIулухъа виргIявиргес ва илала бегIтас гъалар цАхкариэс. Ишди институтунази бархъитбачи дирхала бирусив, арцлисра, чархра бицли дипломти кайсули балан.

— ЛехIахъи, лехI, ца иткъи бугътан чемабуршид хIуни нушачи, иб Абакарли.

— ХIушачи ахIен бугътан чебуршуси, хIу лехIахъи, иш хIуни рашибиси жаваб гес гъягIинли саби, — балултив сегъуна цАхдеш кабикили ишизийад? Дураг нешра лехIли сари. Рурсила бегIгазира багъахъес хIяжатли саби, — или илди кIелра чебушлуми пялхъядарили дурабухъес балбизур.

Абакарли унза гIекIиб ва дурабухъахъес хIебатур.

— ХIушала мухIлуби дуцая, ил секIал нушани бекIбирехъе. Разиятла умудеш наб саби хIяжатси, хIуша чихъалира, се барес дакIибтира, хIушаб се къуллукъя? Нуша цалис ца дунъалис берхIиван хIяжаттира. Цалис ца хIялизирра, яхIлизирра, дигайлизирра умутира, — или.

Унза ахъили илди дуракаиб.

Ил хIайзир Умурайбат арацIиб.

— Гъу се буридая набзи, хIушала нешлизи? Се рикIусира ну тухум-агълумизи? Рашен хIела хъули, нушаб хIугъунти гъягIинли ахIен? — дугъаризур Разиятличи.

— Ту, хIу арикъуртачи нягIна дакI, цАхдеш дила юртличи хIуни хъурабариси.

- Разият рисисрииб.
- Неш, иша лехIизи, набчи, – иб Абакарли.
- Гъу, се бурида? Нуша цIахдарилра ишини, сари гIяхIулали аррукъяхъес рати, яра шанти хIербикIахъули нуни иш дуракайисра.
- Неш, – ахирра гъимукIиб Абакар, ишичил селра гIяйиб агара, урузрии, неш. ЦIахдеш бируси хIу сарри, цIахкариусира хIури. ХIуни илгъуна барадли, нунира шантази балахъас.
- Се саби хIуни балахъуси? Бура набзи хърхъли!
- Неш, нуша кахIедисунра, ну иличи гъамхIейубра, нушаб замана га. Шаладикайчи нуша кIелрацун хIедатурра гъалмагъунани, гIур, ну вамсурли ускаунра, Разиятлис русаэсра хIебикиб. Сен неш хIергъусири хIуни, гъанна аргъирив се сабил бетаурси?
- Агъа, нуни илкъаяда бурусив адамтази, тухум-агълулизи, рурсила бегI-тази. ГIур селра пикрибарес хIейубрив?
- Неш, хIуни тIама-гъама дахъдарадли нура ишичил варх дура аркъяс. ХIушаб ахIен нуни иш тIалабралис. Наб лерсигъуна араили риуси сари. Нуша паргъатли датабая. Тилади саби неш, хIуни бархъиталара хIелара мухIлуби дуцадалли гъарил секIал ункъли детарар. Рати Разиятра, хIязлис ишалара уркIи мадалкъахъад. Разият нуни школализив учIухIейчивад ралуси сари. Ну сайри ишис гIелавад вашуси. Ца адамалра гъамиахъес хIетурси, чилра хъячIхIейкахъиби. Иш сари наб гIягIиниси. Нуша датни тиладибирулра неш.
- Ну тухтуртачи аркъяс хIечил рапх, илдани кабилзахъа бархъдеш, ну умуси риъни, иб Разиятли, нургъби ушкули.
- Гъа, тухтуртачи ирив, илданияра бемгуртазибад рурси бетарахъути саби арцлис, аргъирив, арцлис.
- Нукун ца дуги-бархIи сарра хIушачир калунси, сен хIуни бемгуртатачиле бурусири? Илди мез наб хIяжатли ахIен. ХIечи нешличиван рирхес дигулра, Абакарла гъалар ну умулира, илкъаяда биъни хIунира иргъулри. ХIела уршиличи лехIахъи, хIуни цIахкайуси ил сайну.
- Се рикIусири хIу, уршбазибад тIалабириули цIикурила умудеш чинар дагъути хIуни? ХIуша институтуни делчIунтани гъарил секIал гIяхIил далули дуилра.
- УргIебси институт белчIи руилри хIуни.
- Неш хIуни нуша паргъатли хIедатахIелли, дура аркъехIе, гIур нуша чархIедулхъехIе се рикIадра, – иб Абакарли.
- Агъа, илкъаяда набзи гъайикIахъес айкъурси руилра ну ахмахли, – или унзара хямкасахъили Умурайбат дурагурухъун.
- ХIеррикIус хIушачи, бизахъур унзала гIелабад.
- Абакарли Разият кIапIруциб, байрариб, духъяна чурми хIяршкадариб ва бурушла геркариб.
- АхIерси Разият, иш гъакIлизив нура гIяйибла вегI, хIу черрерхи, набчирад, нушала хIергъуси нешличирадра. Нунира балули ахIенра набчи се хIял бакIилил. ХIейрулра ну хIечи гъамиэс. Нуни хъунул адамти чебаисти биалра, ца хIу кIапIруцили мурулдеш дарес хIейрулра.

(Хъараҳъуд гIурла номерлизиб бирар)

Поэзия



Къасум-Бег МИГЬРАБОВ

ШАХЛИ ДИГУБТИ КЪАР

(Хъараҳъуд)

Хатир гІяхІцадхІи илизив узули кали, сусдалхунти биркІанти датдулхъ-ахъули, чуйнарил бурхани зуздали някъби чикъитІун, айзурли къакъла чала шайчибад шайчира ругбарили ил къябЧарбухъаҳъун. Улкъайлизибад кабинетлизи гъуршдешли ширбарибси шала хІербикІулри. Улкъай гъаргба-рибмад ил, уфбарибхІеливан, дяхІличи чаяхъбухъун ва чархла сусбалхун-деш тІутІубариб. Илис гІергъи хъа бухІна урхънала цІуэри гъигъбухъун. Удибси парклизи бархІехъла къунзличи шагъарланти дурабухъири. Иларад хІязтазиби дурхІнала ва илди вайта хІебиркъаҳъес маҳбикІути халатала тІамри чедихулри. Тугъли дакІибти пІялпІялагуначира илатанна галгуба-нира урхъула хъанцІа берша гъабарилри, амма иличирра дубларра сакІуб-деш сарри. Ил гъанбик марбаресван, лабарлизи чарбулхъуси гамила дядла чехиб. Ил секІал Хатирли жявлил хІясиббарилри: гъараҳъси архІяличи ду-рабулхъуси гамили дядбирхъу гІеркъали ва пашмай; чарбулхъусила ил къ-антІси, амма лебгІеб чихъли ва разили зайбулхъан. Гъав гъатІира ахъбиуси Хатир устІулличи чарухъун ва, кІапІи някълизи касили, ил сагали бучІес веҳІихъиб:

**Мекъ сяхІбатла пергер уставан дила
Дагъистан балули саби цахІнаб дунъяли.
Мургъили белкІунси дарган дев «Дерхъаб!»
Бузахъу лерилра миллатунани.**

**Севан умегІличи ил балбикилил.
МягІанализиб сеңад балбикилил ил.
Держ сеңад диалра кадурхар, амма:
МягІна сийхІебирар ил девла бекІилил.**

**Дерхъаб верхІкъяркъыли! Унзанибадли
Гъуни кайсеная берхІиличибяхІ.
Ил девла дурхъаси мягІнала дерга
БитІикІалли севан шадлил инса дяхІ.**

**Дерхъаб! Кавказлизиб риганайличи
Сукни бурхъу устни хIекъли магъирла.
Дерхъаб! ГелабяxIли мурад сархили
Чарбулхъаб, гъарбилзаб сапар гъарилла.**

**Дерхъаб! Урши акIуб дубурла хъулив,
Бурхализи арцур хIярхIуби, хIера.
Дерхъаб или хIунтIен чягъирла чарма
Ибхъу дагъистанлай рурси акIалра.**

**Дерхъаб! Гъунчив юлдаш цугикаллира!
Дерхъаб! Душмай гъуни байбяхъяллира!
Ну мякълавра – хIела хъяйхъи ханжал,
Къуллукъчира сайра, сайра анхъчира.**

**Мадиабгу дургъби иш дунъяличир
Гъими-къясмабиаб адамти, Дерхъаб!
Дерхъаб! Жаланазир чихъли диресли!
ГIямрули делкIицун дунъя балтесли!**

**Мурадли диули ахъанайтачи
Даабая хIуша, адамти, нуни
ХIушала гъарил ганз чебяxIбирули
Тикрарбирулира дарган дев – Дерхъаб!**

Сенрил илис ил ГIахIизур, хIятта уркIилизиз къабулдешла рамч балли парчбухъун. Цазаманализир Александр Алексеевича, институтла семинарла бекIла гъайра гъандикиб: «... белкIунсиличи хIулуркIни ва лебгIеб ГIахIил саби или паргъаткайрни – ил писательла бекIа саби...». Амма биубси биублири, ил харидешла къялшубазивад ватхIевхъун, илбагъандан ил белкIличи чархIевхъесли барили, ил мухчала бухIна кабихъиб ва театрла адрес белкIун.

БархIи дугIли хIеберкIилизи халбарили, ил шагъарлизи дуравхъун. Къакъализибра бархIехъла сакIубдеш сабри: цабехI парклизи, цабехI урхъулизи аркъулри, цархIилти, иличи ургIебли, хъулибахI къалабалири. Жярлара ахъси ПIяллPялаглара ургаб тIашси ерсле шайчибси халаси фонарыла шалалис алав дугила къабулданти ласдикIулри. Илдазирад цацадехIти, буцIарбиубси фонарыла шишаличи кадиръули дииши, дигубти дуклумачил, удидяxI, дяжIила някъишван, кадиркулри. ТIалла удир илди ГIахIцад Хатирли хIясибдариб ва, илдала къяркъси къисматличила децIличил пикриухъи, сенрил сунела повестьла бекI игит Дунгармара гъанрикахъили, сецад уркIи парклизибахI гъуцIбикIулихъалли, ил лагвияxI, Ленинна уличилси къакъализиси «Тавхана» кафелизивияxI ватихъиб.

– Кагъарра назмура ил секIал барести сабабтази халдарили илини.

* * *

Муриси ахIи, чархла ари гъулачкабируси декIси гъанкIли Сарим-азила бекI гъянаичи битIикIулри, къяпIикIуни къяпIакадиулри, амма ил дугила сунела назикси чархла ва аргъалала цАкъани, кайрулри. Илкъайда ил лехIси гъаза гIяхIцадхIи гIеркъабитIири, цалра чедихIеркули. Илгъуна аги сабри гIергъити чумал баз, гъар дуги. Дай дуги баибХели, гъанкI магъбарибХеливан, кIунбицIулри. Илкъайда биуб ишгъакIлисра. Ил каркардикIути, сусдалхунти къяшмачи кайзур ва анхълизивяхI ватихъиб. Илаб уршили гъалабван, саби ихтилатбикIес, гIахIли бакIибХели, илдала хIурматбирес бариси урца бурх – чатирларти утначи кайили пикриикIес дигулри илис гIергъиси замана. ИлавяхI ватихъили ил, дякъла кIелра шайчи катIунти тIулри ургавад ватихъиб. Илдала чедир шишала лугIянти тахтаби сарри. Къямкаути илдачи хIерикIули ухъна, шишала диалли сен хIядялчулира или пикрира ухъунсири. Амма гъанна се-дигара биэс бирниличи жявлил вирхуси ил, икI шишала хIебийсра асубираар ибси пикриличи вакIибсири. Дякъ ахъили ил бурхлиу ветацIиб ва харгличи хъарихъи заки хIеризур. Бац, гIядатли биубли, дуцIрумлизиб лебгIеб гIашлири. Ил хъалила хъар музала дубхъиличи гIашбиубсиван сабри, илбагъандан илала дяхIцIи лебилра анхъра, азбарра кIапIдарили, хъа удибси гIинизличи балли кабайлри, ил дяхIцIилизивад уремала линкIличи хIерикIесра гIахIил биарар. Итил шайчирад, Артузей гумилиу бухIнайхъуси мерличирад чейхулри кIанрабала иштихIдухъести тIамри. КъячIкаути дерхъибити гIинцила ва хъярла галгубала гъярцIа къялубаудяхъибити кIикъяран тIерхъуби бацла шалалиур лямцIдикIулри, цедеш дикъурили хIедиалра, илдашибадли гъар шайчибахI, хIятта анхъла дурабяхIра, бизиси тIем пухIбухъири. Кункси, лебгIеб ванаси цUэрили ва бархIи ахъайчи цIахI-бикIуси берхIила дуцIарти нурли цацадехI дуҳъумала, хIятта галгубалара далли шулдиубти кIапIри сагали мицIирдиубли, чула агиличи чардукъири. Бурх-чатир алаб дакIибти къар илини даг къялкъяли къисдарибири, ишбархIи илдазибадли дурабулхъуси тIемли цедешла тIем бетахъахъиб. Ухънани, урца зугъаси уталичил сунела жагъдеш гъандикахъиб. Дуръути къарли ил гъараҳъси уршбачи арукби. Иларра Дубрирра дири колхозла мурала сагни...

Лебилра шанти дурабухъи, мурул адамти удес, хъунул адамти хурег барес, гIинзирад шин дихес, мурала хIянчи дехIидирхъутири. Гъала-гъала илди удутири, гIур, хъунул адамтани дерни дарили деръаҳъубХели, мер-мерли-чир гIебни дирутири. Ил хIянчи бири бегIла къиянси. Бабзи мурала махлизи бухIнаили къяга, гIур, буцили илала каттихIван лугIянси ар, убяхъили къукъаличи, чеди иргъусири, гIебала усталада гъала. Илини мура устадешли-чил алавчарли ганздарили тIинтIидиртири. ЦацахIели, гIеба халаси бетарули биалри, устачил вархси мурал ганздиррана вири. ЦацахIели, ахъдурцути мурала декIдешли кани изахъи. ГIеба ахъбикIухIели чедирад удивсила бекI-личира хъябличира къарла дугати мурсира тIизанира чегибси мер къисбири-ли кадиркутири.

Илдигъунти сари илди, мурала хIянчи. Маргълизир лералхIели, маркалиу дикилихъалли, илди заяхIедирап, амма дерализи дучибХели дикалли, чараагарли, заядирап. Гъала-гъала цУдардирап, гIур, тIизри пашихъур...

Чуйна дарифтирил илди хIянчи Саримлира сунела Салиматличил.

Гъаларизурси илини ухънала уркIи гъатIира цУмбухъахъун.

... – Рахъхи хIерли хIералтари, Салимат, хIу нуни... – иб илини гIяшли, тIамаличиб ахъли гыгъ дурабуршули. – анцIмабулъхъид, гъамли лявъясну. Усес хIейрулра, биркIанти лехIихъутигъунти ахIен, амма уркIи жаллизиб саби илдачил... Излуми, вари, илдигъунти ахIен, илди, нуни хIедураслира, хIуни далулри...

... Сунела вегIебш, дусми дягIван арцурли аркъухIели, пикрира хIеби-руси, гъанна гъар бархIиличи иштяхIлицун ахIенрану, сесад цIахли биалра, хIясратли ва гъаргълира. Черрерхи хIу, амма урухкIулрагу гъари цацахIе-ли усаэс... чевхIергъишагу или урухкIули хIейасри, илда виркIирав гъатIи ну?..

Хатирлира къакъаварилра. Илала хъалициала аги гIурра вайтIа биэс викIулра, или хIебиалри, набчи декIарли хIебаши илди. Гъанна дусра-сера гъачамалра барх хIебакIиб.

Камси децI бужахъули ахIен Сабурлира. Бахъ урехила саби илала хIянчи. Ну илини паргъатибулра, илини наб дурути тамашала хабурти, виштIасилис гардла далуйтиван, ва нуни селра хIебалусила гIердирулра. ИштяхIличил иличи лехIихъулра.

Се бариша гъатIи? Барсбируси леб хIебиалли? Нуша илдигъунти, зугIлу-ми ва къияндешуни агарли хIердиэс хIебалути, диахIелли?

Излумас урухкIуси дигахънира балули, Чумалира, Салимат. ВацIализи имцIали вашулра, тухтурличи камли вашес ва ил сай набчи камли ва-шахъес багъандан. Ишди нургъби багъанданра черрерхи, чяхIдикIаб, илдани вебкIахъибси левси ахIен, изай сай убкIахъуси. Гъанбиркуру хIуни гъачам или: «Их адам кIелра някъли къацIли укулри, декIли зягIипли виэс гIягIинли сай». Ну илкъайда ахIенра, ца някъли укесра иштяхI агара.

Амма гIямруличи гъира лебал... Сепайда, авадан майдайчир дерхъили даkIибти къарван тухълира вируси, хIекъли салхIира вируси, гъанна ну цархIилти къарван сайра, шахли дигубтиван...

Гъугу, лерилра дурасли, тамай уркIи бацIбулхъан. Дила биалли хIези ду-рутни камли ахIен. Черрерхи цадехI пикруми гъаман тикрадибули виасли.

Мякъла вакIибхIели ил секIал хIебиар.

ХIура гъайрикIудну.

Гъу, дуги гIяхIна бакIаб... нура калхъас...

* * *

«... Нуни чизибадрил аргъибсири, гъарил адам сай гIяхIулали ясирикес дигуси саби или. Гъайгъайра, ил хъул дигIянаси саби, уркIила лутIилаб, пукъа барии, дигIянбикили. Ил секIайчила илини хIебурилихъалли, ил-цад шакхIейкесира къалли, сенахIенну гъарил села-биалра, ясир сай: ца – давлала, итил – поэзияла, хIябъибил – жагадешла, илкъайда лебилра... кIел гIяшикътазибадлира цалис дигахъу, бикIар, итилли – сай дигахъес ихтияр биру...

Чумал бархIи гъалар сунечи ляркъуси Набисат автобусла вегIли, гъалабси автомашиналичи къячхIейкес багъандан, къалабали тормоз буцилри, буцеси агарси гIелабси мерла кариибси Набисат, хIярхIяван арцурли гъалар рагъар-риублири, къяшми биалли гъаларти меранала байгъарси мегъла дукIилизи чегили кIелра къяшла кIинкIри хIи удуцили, демдурлири. Зулмули чегибси-лизирад хIи дашулри. Илкъайда, рисра рисули, кIелра шайчи ралкIра рикIу-

ли, кабинетлизи рухIнарухъун ил. Серил лукIули кIапIиличи вяхIудиикибси Хатирли гъала-гъала унзаличибахI хIеरра хIеиб, амма лехIдешлизиб илала лихIбани аргъибси симкъла тIамали ил кабинетлизи чарухъахъун.

Нургъбани дакиби дяxI, демдурти хIулби чедаили ил харчли айзур ва илала гъалав вагъариуб. Гъабатурси някъ буцили ил устПула гъалабси кIантIиси уталичи кариib. Биса цаагили кIантIдикIулри, дабрила къячIуби чIябарличи Гинидарили риалра, къяшми руржулри.

– Се бетаура?.. Карикирив, гъари?.. – Хатир се бирусил хIебалули, манзил-манзил дяxъурби уфдирули, илала гъала гугиилри.

– Се... Се?! СекIун маршруткала рухIнар, ца шупир бихъибси хIяжарли турмузбарили, карикахъира. ДухIнар лертира нуша кIел пассажир сарри: нура ца гъятIи хуунул адамра. Ил шупирла Гела кариилрину, илис селрахIебиуб, ца бара анда чегиб гъалабси, шупирли къакъирхълизи, ну – Геларадли арцурули гъалар рагъарриубра, ЧIябарличир хIусрухъи. – илини тIярхъубадиубси турсикIра, шайчирикили чебаахъиб.

– Чуйна буруси хIези ца хъали буца или? Се авара сари ишди, кабинетлизир, хясала бадира шулгIи кабихъили? – Илини кагъуртани бицIибси, устПулла гъалабси бадира ванцIбарили, ЧIябарличи герайб.

– Ягъари, бурцис хъали. Сабурбара, – иб Хатирли иличивахI зузиубли, руржуси удибси кIентIличи сунела кIунтIби цIапIалкахъули.

– СецадхIи сабурбируси? Чум баз ишар цугдиркула нуша? Иш кабинетуни умудириусилизирад уруzkIулра ну... ил шакхIеририкули рургар викIултив хIу?

– ХIу ахъли вявмары... – илини буруси таманхIебариб, итира халати хIулби, кIийнали халадаили вякъдизурли чедаинбу.

– Ну сарра ГIяйибла регI. ХIуни хIечибси хIебарни багъандан, ГIяйиб набиб балан... хIуникIун балулри наб chir гъунидаэс бетхIерили биъни, хабарагарли чи-дигара: бегIти, узби-рузби, гъамти бакIес асубиарну. Ит бурули, иш бурули, селра бирули ахIенри ва иша хъусли риҳули хIура, виаркайилри... гъайла къантIа, ГIур ну иша хIякъяс. Ну харабат ахIенра кабинетла бяргIибси ЧIябарличи карилхъес...

– Тиладибурулра хIези, паргъатрии. Гъар секIал ГIяxIил дирап. Нуни вируси...

– Нунира тиладибурулра хIези, майкIуд илкъаяда – вируси бириис... Гъм, хIукIун мурул адамри. Илцун ахIенри, машгъурси адам сайри, хIела балути леб... ихтияралра каса икI дила хъайзи басахъи ца тавхана чебатахъес. Илди агарси цалра юрт агара ишаб шагъарлизиб, хIятта шуибил дерхIличи дикайчи. Шагъарла бекI къалли валуси сай хIуни. Кредит мага кайсехIе.

– ГIяxIси, гъар секIал хIед дигуливан дирехIе, ЧIянкIли хIу паргъатрии...

– Паргъатли руасли гъар секIал сари лертиван кавлан. Наб биалли анцIбукуи саби икI къакъаси тавханара, иш хIела ЧIябарличибси хясала дигайла бурушра...

– ХIед ну гъимукIахъес дигултив?! – Хатир чIярухъи айзур, ванцIухъи гъалабси бадирилизи, ил ГIямзила арцахъурли, сунела мерличи кайиб. – ХIед се саби хIейгуси? Набчи рашес?

– ХIечи рашес хIейгули риасри иш куцличир иша хIякъира ну, дила хъули чарририра... Наб дигултра, гъарил хуунул адамлис дигуси гъарзадешра умудешра. Яра илди дигахъесалра дила ихтияр агарсив?

— Леб, гъайгъай... Амма илкъяйда гъамадли детарулив?.. Гъаннара, хъали багъандан иша бикайчи, — илини хъябличибад хъат арбухид, зуглуми дахъал лерли, хъябличи бикайчи илдази кягилра ибси иргъахъули, — гелай-килра къалмагъарлизи. Хъунул аррякъи сари... Э-эгъ... — хъяршбарили някъ, улкъайличи ласяхъиб ил.

Набисатли сумкализирад дурасили бизили тлемдикюти хъябъти салфет-каби, дяхъуби умудариб, гур лейкопластирти чеди дасун.

— Ну аркъяс, — иб илини, салфеткаличил гъала-гъала хъулбала алав гур лерилра дяхира умударили, иличи хъеррикюли, гъинчизур. — нуни ху ба-гъандан къяшми дялчули хъилхи калунра, ху виадли набчи вявикиулри. Гъанна хъези хъянчиличила гъайэрса урухкюлра. Анцбукъи саби пъкъирти-ра, гулухъабира, хъулкнира балтахъули гъайрикес суданачир.

— Хъукъун адвокатла хъянчи мяштибраси рикъади!

— Ге, рикъаси. Амма ишаб гъарил судъяла сунела адватуни леб, жявлил вягъдурти дигъи. Наб ва нугъунти цархъилтас садиркути дигъянти, багъа агарти делоби сари.

— Нуни дила юлдашлизи гъанбушира, илини буриб, гъамли чула юрист пенсияличи аркъуси сай или. Илини гъай гиб ху юристли руцес. Чиянкли камси сабурбарес гъягъили саби.

— Баркалла, — иб илини ва, аризурли, устюлчи някъби удяхъиб, гур бара шайчибуцили беки, кунтюби гъамдарили, иб: байраба ну...

Хатирли, илала хъяблис алавбарили някъ, сунечи ритакъили, хекъли цацтарили, байкун...

— Гъунирратаба... таксиличи.. раайчи, — иб илини, гур уммайла дуцъарили гъигъ гъалакбарибхели, гъар дев багълали бурули.

— Чеввверхи, гъимрукъили итди гъай дурибирину. Гъягъиси?

— Гъягъиси.

— Гъари, такси жибара.

— Бусягъят...

Ил гъунибаънила асарлиув пикрикюли кайилри Хатир кабинетлизив, гъарли-марли чумал аги къайдала ясир ветаъни дурусли аргъили я илди ясирдешли чина виахъул ва се чекасес чевкъарал, илини балуси аги...

* * *

Шагъарла югла шайчир шагъарлантала дачаби гъар журала галгубала ва чули удатурти цедешла галгубала ургар кягъили дири ца вецъал дус гъалар. Гъанна илдас дачаби викъесра хъейрап, сенахъенну гъергъиси замана закличи ахъдиубти къел-хъябал дерхъла юргани галгубачирра ахъли сари. Илди гъа-ларван гъядатли, авмузси къаниванра дариби ахъен. Цацабехътани хабурта-зирти къялгъиниван, чумал балконничил, сумса авибачилти, гъасадухъахъун-ти мигърабуначилти, урла мижитуначи ва киласабачи мешули сари.

Ил мерлис гъанна, гъалабван, «Дачабар» бикюлира ахъен, сенахъенну ша-гъарла бекъили дирути харжанала бекъахъличи кабатурли илис ура цархъил бе-дид. Гъанна илис «Шушибил поселок» бикюли саби. Багъла-багълали шагъар-ла лерилра лишантачи бегъбарибси илала къакъурби къирли дуцили сари, ерсле тюлрачир чиргъми сари. шагъарла бухъинбван ишаб арзес къиянси, гъайгъайра, шинна масъала саби. Амма ил масъала шагъарлизиб гъаннара архъерзили лебал, амма илаб дачабачиб хъербирути шагъарлантани ил ма-

съала жявлил арзид, – къюби дарили, шин адитIун. Мурталра дяргIибти ва хIяжатси къадарлизир камхIедируги илди, дачалантала» бегIла халаси давла саби. илди, шагъарлантиван, помидорти, хиярти, зерхъи ва цархIилти берк-берж асес базуртаки дуцIикиIули ахIен. Гъар секIал хъа гъалабси анхълизир адаили гIеладухъеслира лер. Чули шагъарлантас дирцули сари. Шагъарла дайларад маршруткаби дашескадиила гIергъи къалли район бегIла дигусили бетаурули саби. Чумал дусла бухIнаб, цархIил даражаличи ахъбиубси илала ванзурби кIийнали-хIяйнали дурхъадиуб.

Дусра-сера хIедикили сунела дача АсхIяблира цархIил даражаличи бушиб. КIел дерхIла юртла шайчид, анхълис къакъбараҳъили илини ца гъатIи хъали ташбатур. Гъал дусра-сера колхозла председательли калунси ил, хIяндешла сирисли уцили хъалли, чарх-бекIлизив вайтIа ахIен, амма камли ахIен илала юлдашунира. Илдала гIяхIедешли узули сай ил шила хозяйствома берк-бержла министерстволизив. Хъули чарухъунхIелира паргъатли уэс хIебала, мурталра анхълизив, азбарлизив вархили вирап. ГIергъиси замана ил паргъатли уахъес виштIаси Саримлира валтули ахIен. Амма сесад вархилихъалли уркIи тамай батбухъес бирули ахIенри. Ит цаибил инфарктлис гIергъи гъамли верхIел дус диркулри, пикриухъалри илра гъанна изусигъуна ахIенри, амма 1993 ибил дусла июль базла буцIарси бархIи телевизорлизибад дикторла мухIилабад Таджикиста дазурби далтахъуси Москвала веџIну кIира ибил заставаличи афганти-таджикуназибад цалабикибси, сунезиб кIидаршлим шуцIалицад мужагъид лебси къукъя чебухъи саби ибси багъахъни аргъибхIейчибад ил цараван бузули саби. ГIергъила бархIи, июля веџIну авраличив районна больницализи викиб. Кабушисти-бяхъибти лебниличила лебIеб къантIси, амма ташмишикIеси багъахънили хъурабиуси белгиагардешли гъатIира гIядаббилзахъулри...

Къанинван, гъар секIал якындиубхIели, къакъадешла изай бируси барилри – инфарктличил больницализи викиб.

Гъала-гъала илди «Тург ва «Меркурий» заставабачи чебухъунтири, илабадли лугIи чебицIахъили, СултIай къуллукъириуси веџIну кIира ибил заставаличи. Урегал пограничник Россияла Игитла орденниччи, гъал пограничник – «Гъабзадешла», калунтира ордентачи ва медальтачи лайикъикибири. Ил лугIилизив – СултIанра. Илав бегI гъалав вагъариубси Хатаб Кавказлизив дакIуухъун. ИшбархIи ил дунъялис сунела зулмукартачил декIарухъунси, баҳъал вайнуқъяби лебси къукъяла бекI сай.

СултIай, гъайгъайра, чебетаахъили биубси дергъличила хIебуриб, я ишбархIила аглиличила гъанна бурули ахIен. Чарулхъулра ГIярасайлизи викIули гъанна чумал дус виубли хъалли, я чарулхъули ахIен. ГIядабли биэс, урехи акIубхIели, ну цархIил мерличи шурватаба викIес. Ил секIал баралри, се ири юлдашунани? Сегъуна пикри алкIиба илдала?

Таджикиста Республикалира Россиялира вягIда сагабарили, пограничникинала ихтиортала тяхIяр-къайда ва илдала дазурби кадизахъурхIели аги ункъбиуб. Ил вягIидали илдала, бикIуливан, дигъунти някъби азаддухъахъун, сенажIенну мужагъидуни ишил шайчид, Таджикистайзибра лебри, ит бархIи Афганна шайчибадси чябхъин дянгаибхIели, ишил шайчибад, вершадешличил таджикини чебухъунтири.

ИшбархIира АсхIяб шакикIулри СултIай буруливан аги илцад ункъли хIебиъни, биаллира, коммунистла, дубурланна ламусли имцIати гъайра ава-

пара дарахъес ил валтули ахIенри, илала чеди пархли хIерриуси Баинатлира ил ташмишти пикрумази илхIахъири. Селра или хъарбаэс илала адабли къабулбирули ахIенри, Ханумлира кабизурси жаваб лугули ахIенри, ит-иш бурили дирхахъулри. Гъала-гъала Хатирра лявкъули сай рикIули абзур дерхI балкъаахъурсири, гIур къалли хъалибарглизир багаладиэсти хIямам, кIухни, ашхана балли, хъа гъаларра тIашдатур. ДурхIни талихIчебли биахъес ил се-дигара барес хIядурлири, бирра бирулри...

Ахирра илис имцIати сунела къайгъни анцIдукун, сесад сай ишбархIира кайзурси, илала къиланас вершахIейруси коммунист виалра, Аллагълизи шукру барили, паргъяткайуб.

Илис гъанна бегIлара гъамти Саримра, анхъра, хIянчира сарри. Гъайгъайра, гъанкI агарти дубуртира...

Ахирра ускаунси рурсила урши илини сунела дивайчи кайхъиб, сайра сесад балули виалра, гIяхIцадхI гъанкI хIякъни, сунела хъули ухIнавхъун.

Дудешли къяпIдашиби унзала гъичIла тIама бакъайчира русули ахIенри. Мурталраван ахIи децIлизирри ил гъанна чумал бархI Саят Иминов-начил бетаурси ихтилатлис гIергъи ил дебали мурхъли, чедихIяртдеш тамай хъумартурли, сунес, Хатирлис, дигуливан гъар секIал дарес сунечил сари вягIдалариубси манзил, илини Хатир цархIил хъунул адамличил чехIейув?

Севан къайгъилизикили, гъачам ца шайчи, гIур – ишил, дуцIикIули – ралкIрикIуси ил таксиличи каратурал илини ва, сайра иличили кайили, барх арбякъунал. Ил дуги илала улкъайла шалара дай дуги баибХелира атхIебал-кун...

Илини аргъиб ил дуги Хатир хъули чархIевхъни, ва ил пикрили ламбухъ-ахъунси къакъаси ламили михъирла бухIнала бигуб, илабадли ил чуйнарил чархкадли бет-садберхур, гIур къакъарлара михъирлара урга, цIубхъбикIули, барцбики...

ГIур биалли ил илабад дурахIебухъун... дяргIибти шин дужас или ил кухнилизи сарацIиб. Шала алкунмад, улкъайличи деръахъес или нешли ка-дихъиби авхазантачирадли базухъи халати тIунтIри арцур.

– Улкъай сен гъаргли батурсил хIебалас... – иб илини, ил къяпIбирули.

– Лацличибси сягIят, царугли гъар ахъибси секунд буйгIули, анцIбукуес-ли къутIбикIули. ХIера илини вецIну кIира дикни балахъули, бухъянси, амма сунезиб сгъуналра макъам агарси аги вякъярбариб. Удирти хъулрабиб лехIдеш сабри, дусури чеббяхълизирти къузрира, хIятта харгличи гъар бархIехъ хамли абацIили гIу-гIу бучIуси дагъара.

Графиннизирад, истакайзира кахIефтIили, кIунтIбачирад михъиртачира дутъдикIахъули шинни ружиб ил, графин кабихъили унзара гIекIиб. ХIул-бала хIер калунси, хIунтIена ляжубар гIинц кассес гIурра ахъиб. Гъава бахъ дямбуцили къалли или гъанбикили, холодильникла унза гIекIили, илини ул-къай ахъиб. КIухнилизи, бара тяхIубиис бекIбиуси гъаваличил, галгубау кадикиби дикъурти цIедешла тIеманала гъудурмайра пухIбухъун. Баинат илди пухIдухъунси цIябдешла барглизи хIерризур ва – тамаша ахIену – ила-бад тянишси – тянишли ахIенси къарапди хIербизур ва, бара ланкIбухъи, къ-акъбарили кабизур. Илини риругIеб хъяб улкъайла дурабяхI зузбариб, амма аркъуси къарапди хIерхIебизурли бетахъиб.

ХIулби нургъба дицIилри ва, къяпIикIуни гIяшдарили илди чяхIдулхъни балули, ил, къарапди бегъубси мерличи атIахъи хIер, цухризурли лералри.

Сегъуна-дигара агилизиб берцуди камхIебирууван, улкъайла шалалиур илини, закирадли кадиркути забла халати кIунтIри чедаиб... Сунени сен или биубал хIебагъур, амма забла кIунтIрани илис гъамаддеш хилри. Къалабали ил бягIила халаси галга улкъайтаки абаиси сунела хъули ракIиб ва кIелра улкъай къали-къячи гъаргдариб. Клухнилизирад сунела хъули рухIнарухъ-айчи заб илцадра зумадиублири, хIятта кIапIрачи чегиби уряхIдикес бекI-диайчи чеди цархIилтира чейгули, кIунтIри улкъайла къасурбачи чархI-дикIулри. Дикъурти хIунтIена бягIли заблиур лямцIдухъун ва забла декIти кIунтIрани гъаш-ахъиди тури кIапIрала гIела дигIяндиркули вякъдилзули, хIязлизи ахъиб. Къядаличи тури гъяргIя-дагъа разиагарли чуласун хъутур-духъун.

Байнатли хъуцIрумачи кIана чебушиб ва къалабали азбарлизи дурагурухъ-ун ва анхълизи аркъуси мегъла хIярила гъалар тIашризур, се гъанбикибал, багълали бекI гIелабягI ласбатур. Лерилра, сунела хъа ахIенти улкъайти цIя-блири. Чилра хIерхIейкIнилици умутбихъили, ил анхълизи рухIнарухъун. Тамаша, анхъла бегIла гъарахъси гъямзилабси галгаличиб гъанкI бемцIурли чебсаргъибси булбул чатIала тIама чехиб. Юх, ил забличи разиагарли ахIен-рину, иличи ургIебли, разисигъуна сабри, сенахIенну Байнатли аргъиб илини пялхъярди тури дуклумала – хIебиалли ил марка ши бизули саби. Гъалаб-ван димбуцибси гъава ва декIси лехIдеш детахъилицуна ахIенри, илдала къел-хIерзира аги. Гъарахълиб, анхъла ца дублабси кIиибил къуюличириягI Байнат ратрихъиб лугIянти гIенбала гъярцIа дякъгадли. БархIиахъайчи цIяр-бикIуси берхIила цIали душIардари тури илди ачамлис тяхIудиэс бекIдиубли ахIенри, сенахIенну дякъгадли цайкъяшмали ратрихъилри. Галгуби цараван, курлавад дуравхъунсили умуси гъававан, тяхIудиэс ва сагати цIакъани касес дигутиван сарри илди, мурхъли гъигъдикIули ва иштяхIличил кIапIрала дягI ицули... Булбулли гIурра тIамадариб, камси замана лехIкахъили, гIурра...

Байнатлис гъанаур забла удив анхълизив гIурра чи саял лев или, ил ба-гъандан цIиваили хIулби, шинна тумутуни ургаб бекIлил хъяши чехIе-биухIели, къянала гъабизуни дийниличи рирхули риалра, мигла халаси жу-руга гIулуд алаб утнала мерличир кадихъи тури гIулудунала цаличи кариб. Сагали гIурра къарапдила ас-къалип делкIун заблира ила кIапIри ургабад чябхъбулхъуси фонарла шалали.

Илис илцадра ил къарапдил илаб лебли дигулиахъиб, хIятта сари гIелавад гъамиубли хъябсаруцибсиван, ва илала някъби сунела михъиртачир лерти-ван, илдала чеди сунела хъутрира кадихъили, илини хIулби къяпIдариб... «Хати-и-ир...» гъашли иб илини.

Амма чилра аги, илбагъандан илини сунела михъиртачирти хъутраз-ирад урузиубли, сари урхIмешуахIенси барьудилизир чераибсиван, тирхърухъи, аризур. Заб детахъилри, хъуцIрумачибси забли белкъунси кIана чIумали цIапакири. КIапIрачирад, зярхIбильни багъандан, азгъинни бухъунси анхъла цIуэрли гъакIиди тури къялубачибад марка кIантIбикIули лебалри. Удирти къялубачибад ил дугъбулхъулри, амма шинничи хIясрата ванзали илди бусягIят супIакадибулри. Алавчарти галгуби, духълуми, гъаб-бакIили – бетихъуси цIуэри, хIятта белхIунси булбул балли талихIчерлири, ца Байнатцун сарри пашманси.

Ил манзил илис сунечи серил гачбикаб или гъанаур. ГIурра...

ХIулбала гъалаб Вихърила шинкъа бируси майдайчибси Хатирличилси

гъунибаъни багъарбиуб. Ил цалис ца гъаргиубси цаибил гъунибаъни сабри. Ил секIал барахъес илди гъирбарибси дугилицун дурабулхъуси исакъ арцай сабри. ИтхIели ил илдашиб, яргали сунела кункси дукала хIяршибиули ка-лунсири...

- «... ХIуни икI чебаирив? – ГIяшли иб Хатирли.
- ГIе, чебаира, – гъатIира ГIяшли иб Баинатли.
 - ЧархIебухъесара?
 - Чар?
 - ГIе.
 - ХIергъира.
 - Сен?
 - Ил чарбулхъусив? Гъар дуги абалхъуси биалли.
 - ХIу селичилари?
 - ИкI муза кIапIабарибси вацIала хIярили гъалабарибси бацличила. ХIу?..
 - Арцайчила.
 - Се арцан?
 - Гъанна нуша дукай хIяршдарили бетахъибси.
 - Ил арцанрив гъатIи?
 - ГIур сери?
 - Нушала дуклуми сарри.
 - Се дуклуми?
 - Нушала хIяланани акIахъубти.
 - Маркали рикIулрив?
 - ГIе.
 - ВяxI. Марли чархIебулхъану?
 - Чар?..
 - ГIе.
 - Чарбулхъан. ИкIра абулхъан.
 - ХIябила гIяхIси бетаур.
 - Се?
 - Нуша цали ца даргни.
 - Цализи ца даргахъни.
 - ГIе, даргахъни.
 - Наб хIу дигахъулри.
 - Наб – хIу гъатIира...
 - Баркалла.
 - Селис?
 - Дигахънилис.
 - ХIед гъатIира баркалла.
 - Селис?
 - ХIуни илкъяйда ибнилис.
 - Се?
 - Дигахъулри.
 - Нуша меxIурдиублирав?
 - ГIяшикъти меxIурти саби.
 - ХIебиалли биаб илкъяйда.
 - Биаб.

Бац, музурбала чедибси вацIала чеди дурабухъи хIязла тапван кIай-бяxIиб, виштасила амъурси хIуливан чедибад хIербикIули, шипIбяргIиб...

- Ну урузкIулра.
- Набзирад.
- ИкIизирад.
- ХIергъира...
- Бацлизирад.
- ХIеръа севан вякъкабизурлил.
- ХIясадли саби...

Илала хIулбазирад нургъби сагали кIантIдухъун... илис гIергъи демхIурти гъезличи сагали серил хIяршбухъун...

Маркала дугъ лямцIдикIули лералси анхълизиbsи цайли цаси биризла галгаличи гъамриубли иличи къакъ ГинибарибХIели, илини Гячихъли ляв-бикIуси, лебгIеб тянишси тIамара аргъиb, ил цуэрили арбухибХIели, кIапIрачирад кIантIдикIути забличил илала нургъбира ца гIяхIил тяxIубиуси ванзаличи кадикиб...

ХIярила гъалар датурти хъулир чеlgъту шяркъни, къяшми хахамдикIахъули, даргили чегъур, шинкIабиуси кIана палтар деръахъес бигъунси гъяр-циа гъаяличи сурбатур ва хъули ратрихъиb.

Ил улкъайла гъала тIашризурли урхъура закра цапIакунси мусисиртли-чи хIерризур. ГIяшикътала ургаб алкIули бетихъуси дурхъаси бархбасла ди-ГIяндешван мяштIбаресли дуги бацIили шала хIунтIена мусисиртла къелли-чир шалала нур алкIуси сихIрула ГIяламат илала хIулбала гъалаб алкIулри. ЦIябдешла гъурша шаршав, илини чебиули, гъала-гъала цIубкабухъунси, гIур хапли, дяхъилизирад дурадухъунти хIили жунаван гъагултала къят хIунтIенбариб.гъава умубикIулри, гъигърикIес гъамадлири. ШалабикIухIели ил мурхъбикIули саби или гъанбиркуси закла капарайлизиb забла кIантIван каркарбикIулри.

Заб-маркаличи, анхъличи, галгубачи, савлила бархIи алкIуси дурхъаси манзилличи, Шалдаличи диги лерси Баинатли сунела уркIилизир ур агарти цIаличи дигай акIни аргъиb.

Тамашали дурхъаси ва гъатIира дигIянси – муриси манзил сабри ил.

* * *

Чухнала мах хIеркIла дублабси, гъар шайчи халаси дяxIциIи кабалту-си, авадан хивла галгалиу кабихъили, муртрил шинкъа бируси хандакълизи Мухлисат-адай рухIнарухъун ва, дяргIиb шин къялши-къялшили держи-ли, хIунтIендиубти дяxIра дирциб. Гъалар ил урунжла шин держес вируси ахIенри, сенахIенну ухълаубад башуси хIеркIли ил сунези бархкабирхъулри. Илис гъигъбатес биркули бири шинкъа хIебузахъули, хIеркI цархIил шайчи бяxIчиаibХIели. Шинкъаличи хIяжатдеш бетахъибХIели, ил гъал дусра сера гъалаб аязбарибсири. Ца кIел дусли ил хурдабиub, гIур тамай гъятIкабиub, ардухили сунечил дарх чумра дигIяндешра адамтала дагъри-аргъалали та-рих жявли хъумуртули биъниличила бикъридешла къел-хIерзира.

Ил сагали сунела махличи гъамриуб ва, Чукъати хъуцIрумас алавбарили, муртрил сунес кIишан ГIяхIлани гибси, билан, къияйчил аризур. Гумиличи ласрухъес пикрихIебариb илини. ХIеркIла мер-мерличи, ветицIес багъандан кадихъиbти къаркъубачира гъамхIериub, илдачирадра ретацIес хIерири ил, сенахIенну илала ганзлис илди дахъ гъарахълири цаличирад ца. ИлабяxI хIерцун или, илини хIеркI, шиннизи рухIнарухъи, ахъиb. Илди къукъаличи

ахIи адиулира ахIенри. Шила чедибси гIинизла мякъла раибхIелира карииб ил, бара гъалар хIеркIла дубларван, дяхIра дирциб шиннира ружиб.

– Агъ, адай, се дирутира хIед ишди чIухIни? ХIела азбарлизир къалли урцул дургар Хасайли кадихъили, – иб школализи къалабаси ХIяпизли.

– Ишгъуна чIябчалра агара, – иб илини, сунела гъярца някъла газаличи някъ кабирхъули. – Ну шагъарлизи хиртала хъули аррукес багъандан кадирхъули ахIен, адайла. Бухънаби хIербируси хъули. Илар базцадхIи калра-калунара. – Илини някъ хIяршбариб. – ХIейги. АнцIбукуеси, уркIеци агарти адамти тебси мер сабри.

– ХIела уршилакIун шагъарлизиб халаси кIялгIя теб. ХIякимра ил виштIа-си ахIен, аргъира налогунала палицай сай или.

– ХIебалас, адайла, чи саялра... ХIебалас... Ил тебли хъалли, кIялгIя, илар илала Аллагъ вагъурси хъунул агара. РазихIерикиб ил ну... – Муслимат-адайли Ѣудара бухъяна хIевала сурили нургъби душкиб ва, мах сагали бигъи, аризес ралризур. Гъачам-кIийна аризес ралризур, амма хIериуб, илхIели кумекбара рикIусиван, ХIяпизличи хIерризур.

ХIяпизли дерубти чIухнала мах ахъбуциб, илала уди сунела къакъ балбушес багъандан къайгъилизирикибси рухъна хIясибарили, иличи гIяшба-риб.

– Баркалла, адайла, хIед. Някъби-къашми арадараб хIела? – Шайчирад шайчи рулкIули, ил ратрихъиб, гIелавад хIерикIуси ХIяпизла мякълав къандакъчи Мутай Ташизур.

– Се рикIули? – иб илини, рухънас гIелавад хIерикIули, цазаманализиб ХIяпизла някъ бурцули.

– Се рикIеса? Къисматлис рургъули сари, бухънаби хIербируси хъули рукира, хъулир хIеррарес хъунул разихIеририккули... – ХIяпизли хункIлизи хъехIбушиб, рухъна цархIил къакъализи расриубхIели, Мутайличи хIеризур.

– Гъядабси масъала саби, – иб Мутайли, мурхъси гъигъбалтули.

– Сен?

– СенахIенну, гъм... хIу пикриухъенну диван бара... Масала, уршилис дигулихъалли, илала хъунуйс хIейгули риалли, се бируси? Хъалица дулъу-тив? Яра хъунуйс дирхъутив? Масала, дяхъири илис... Гурра къабулхIерири-кули риалли, сунела вегIебш, хIейгули риалли илис! Се бирида, каруршиду?

– ХIяпиз гъаннацун шакикиб, тяп илгъуна агилизив Мутай калниличи, ва, нешличи хIеруди барес багъандан, шила дура хIевкъи ил калниличила. Гъаларван илини неш хIярихъибсири.

– Валлагъ, уртахъ, масъала лебгIеб бархибси саби. Чичилра къадармаба-раб!

– Ге, мабараб... Гъамадли саби адамличи гIяйббарес, амма илала аги аргъес къиянни саби.

– Хасайли къалли вири ил масъала арзес, итгъуна юртра давлара терхIeli. Ишар шилизир иличи хIеруди бируси сен чи биалра хIерурцуси? Бедили багъара... Имканти тергү. Ита арякъи гIергъи ил варскайбули сай... Сен-би-алра, масъала, шантала мухIубази хIейкили арзес вирусири... Чилра шакхIейкахъили. Давла, дила юлдаш Мутай, дебали урехила секIал саби. Илини, гъала-гъала, ил бурчухIели, чумли адаб-хIяя дулъулил, чум убяхIби-рулил... Гур биалли, ил бучибхIели, ил бучибси паргъатли хIериэс вирули сай викIултив? Вари ахIен. Цаибилгъуна, ил кIирка-хIябкабарес хIейадра,

камхIебаресалра гIягIиниси саби. КIиибилгъуна, ил ахIерабарес, батахъес гIягIинили саби, сенахIенну ил-алав мурталра тамяхIкартира хIясадкартира бибути саби...

Гъайла къантIа, цацабехIта ил гъазализир чула дяхI детихъахъули би-
пар. Даxъал секIал хъумурту... Чархла кам умули бихIу, амма рухIла, ур-
кIила умудешличила пикрихIебулхъан. Хъумурту гъараxълиб, чинаб-сабил
укабиили бебкIа леббийниличила. Илдани хIезирти нукъсандешуни чедиу,
амма чула рухIла даражаличила пикрихIебулхъан...

Иш Мухлисат-адайличи, сунела рузикъарли хIеруди бирули бургар гъа-
ри... юх, Зайнабли.

– Илди гъайбикIути ахIен гъанна чумал дус, Хасайли дурашан карииб-
хIейчибад. Сунела Къизбика кахIериили или гымрукIиbsи сари.

– Ягъари, хIуни илдигъунти далад къалли?

– Сенг хIедалусира, дила хъунул къалли пенсия буртIан сари, панали
буkъяб сабину...

ХIяпиз ахъли дукарвяхIиb, гIур сагIятличира хIеризурли, къалабали
школализивахI ватихъиb.

Мутай, абалки къалиян, цазаманализир гъигъра, гавра хургърази супIда-
рили, гIинизла чедибси хивла галгала дяхIцилиуб ихтилатбикIути чебаили,
илдачивахI ватихъиb...

Мухлисат-адайли къапула гъала мах кабихъиb, сари биалли лацла уди-
бад кIел-хIябал метрцад бухъянси чимкъличи карииб. Андаличибси майа
иш гъакIлис илини, гъалабяхI ласбатурли, чутхъала сурили бушкиб. Лацла
бегIла дублаб, дярхъла унзала шайчиди кабихъунси гамушличира гъанна ахIи
пикри бяхIичихIеib. Ил хIябал базра-сера вацIализиb сабри, сунес дигути ме-
раначи башули.

– Чарбухъунрив, дила бали? – иб илини, иличи ласрирхъули ва, адам-
лисван някъ гъакIибурили. Гамуш, ил чераили, халаси угъбушили абизур,
гъала-гъала гъалабяхI, гIур гIелабяхI чикъбитIун, гIур сунела регIличибахI
батихъиb.

Гъамиубмад рухънани илала удибси хъайхъайла удибси кIантIиси кабц
хIяршбариb, гIур лихIбала мякъи. Гамушли хъа регIла ляв гIяxIдизурли,
къйрукъ ахъбутили шайчи балкIахъун, бекI заки зузбари.

– БахъхIи бетахъири къалли иш гъакIлис хIу. АнцIхIебукуну вацIа?
Азаддеш бикили или нура хъумкартуррав? – рухънани илала къакъличиба-
дра сунела назикси някъ каберкIиb, гIур, гIелабяхI ганз кацIили, цализи ца
хъутри дяхъиb. – ХIукIун убякъунсигъунари. ХIера гъари, илбагъандан бу-
илри хIу беткахъиbси, гъалмагъ баргибхIели. ГIяxIси барилри, дила бали.
Ну разилира хIечи, вари гымрукIили ахIенра. Жагаси къял-гудег баркальи
хIуни.

* * *

Овоот хIеркIла дублаб аргъиbси хабарла ахир белкIи, кIантI кабатурли
ил айзур, амма бусягIят чариубли иличи кIел гъатIи кIантI имцдариb, или-
чибли ил таманхIебиъни аргъахъес дигулрил, ахIи учIан пикриухъахъес ва
илала хъараxъуд даймбараxъесрил... Илини аргъилри, илди лергIер декIар-
ти кIел дунъя. Ца – тIабигIятличи гъамли лебси къадарлизиb харжбирули,
гIур ил харжбариbси чебирцIахъули, хIятта имцIараbирули, амма сеннира
саби тIабигIятла ца бутIализи халбируси – дунгъя...

Итил – манзил-манзил сагати г҃ямру лушулра или, маҳлукъатличи гъабашанти хъарихъули, мягІничерти ва чебяхІси даражала мурадуни илдачи чедигъи, амма чус буйрухъбикІути агарли хІебалутала – дунъя.

Цаибилгъуна аркъуси наслули чула къасани, умутуни, хъулани, аги-къяйда ва хІялани аманатдирули сари чеалкІуси наслулис; клиибиллизир, къасанас, хъуланас, умутунас, аги-къяйдалис ва хІяланас нушала наслу аманатби-рули саби. хІятта хъарра хІебаили, къабулдиркулрайв хІуша, хІедиркулрайв или, ца г҃ядатлисалра хъархІебаили. СенахІенну илди хъулани ва къасани нушази илдани нешла ниъличил хъуродирили сари ва мактаблизи дякъун-хІели, нуша илдачи дегІдиубти, хІядурти дургъанти сарра.

Цаибиллизиб наслу гъайличилван ахІи, баркъудлумани руркъули саби ва илдала цАкъ дугъбазиб ахІенну, рухІлизиб ва уркІилизиб саби.

Ишабси дунъя адамла някъба лушули саби, белшунси, наслубази чеба-ахъесцуң ахІи, иличилла мурталра хъумхІертахъесра дигули, журуга лугИи саби или пикридарили байрумти, манзил-манзил памятникуни тІашдалтули сари, адамла дагърили мягІничебси анцІбуқь хъумуртусиван.

Ца шайчик гъамаддешра леб – умцІес, инжитииэс г҃ягІнидеш агара, хІед къадин илди мурадуни пикридарилину, илала дуравадра, хІу илдас аманатварибси, хІед илди ахІенну... Урехи акІубу?.. илхІели нуша цаван ахъди-эс г҃ягІниси саби, илди мурадуни датахъес багъандан. Гтур къанни нушани г҃ячихъли иргъулра нуша хъулани гъанни ахІи, илди хъуланазир хІердирили дильни. Илди г҃ядатла ца бархІи дуи детихъулира дирап, сенахІенну гъала-вияхІ хІешуси, г҃ямрулизи сагадеш хІехуси адам черяхІти мурадунас г҃ягІни-си ахІен, ил илдас ца бархІи анцІулкъян.

Амма тІабигІятли хІед анцІхІебулкъахъя. Илини бала хІи сагадирес, са-бира сагабикІес...

Илди пикрумази вархили кайилри Хатир, манзил-манзил Дунгарма уркІила раشاҳъули ва илала хабарла ахир илис г҃яхІхІебизесгу или урухкІули. Ва, илини пикрибариб, иличи, мурт-биалра, чараагарли чарухъес. ЛебгІеб халаси асар барилри иличи ит тамашала дунъяли ва гъамадли хъумартести хІячми кадатурли ахІенри илини сунела уркІилизи.

Ил аги сабри пачалихъла хІукумат барсбиайчира, илис г҃ергъира, дахъ-ал партиябачилси, демократ хІукуматлизибра чебаэси барсдеш агара. Къумур-алавти хІяракатчиби чидил мявализibal, илизибад дигахъули саби ни-замра. Илди, мявни, биалли дахъал пер. Илди алкІахъусира ца сай, бегІла халал.

БекІсигъуна, сунела вегІебш, низам агара. Адамла г҃ямрулизи, хІятта бе-Глара ахІерти дигІяндешуназира гъудурбиэс бибули саби пачалихъ. Сабаб – къачагъуни имцІабиъни ва илдала хІяракат къелгІеббикес г҃ягІнили биъни.

Сен къелгІеббикни бибуси ил, ца лебгІеб чихъси къуллукъличивси хІя-ким дубуртази вакІили илдачил къаршиикибхІели, илини телевизорлизирад дурибити гъайли дубурланти тамашацуң хІебарибну аъбяхъяшиб. Камси замана дикибхІели чумал «Камаз» ил шилизи дакІиб дармунтачил, берк-берж-личил ва цархІилти г҃ягІниахълумачил. Камси замана дикибхІели, илдани,

гъар мерличибадти къачагъунани, дубурла шими дуциб. Дархъибти дармунти илдас лергIер багаладиуб итхIели.

Азирлим урчIемдаршлим урчIемицIанну... ибти дусмала бехIихъудлизив Таджикистайзи гIярабунала улкализивад вархъибси Хаттаб гъанна ишав илдала халал сай, сунела ватIайзивван, авараагарли, ганздирули нушала хамти дубурти, къугъна иркъули.

ГIядабси аги саби.

Амма гъар секIал ункъидрииличи умут уркIбази хъурабарили сай сагали вакIибси премьерли.

Цаиси архIя дураберкIиб илини дубуртар улкализи, бегIла дубуртазиб дергъ бемжурхIели илини пигъала ахъбуциб, амма хIебержили кабихъиб. Илини иб: «Душманти бячIунхIели, бужехIе!» Дубурланти илди гъайли уркIичеббариб.

ХIердикIехIе...

ИтатIиб гъатIи Овоотла дуба-карчIализибтала гIямрула тIалабуни цархIилти сари, чуои, тIабигIят чула уркIбазиб бихIули сабину, саби илала ца бутIабиубли. БуйрухъбикIуси ахIи, барсурли гIеббурцули цали ца...

Илданы замана-замана мурадуни дарсдирулира ахIен, хIятта черяхIти сабати гъаннира.

Ил агили жагIаячи бирхауди бубкIахъули ахIен.

Адамлис биалли ил саби гIягIинисира.

(Хъараҳъуд гIурла номерлизиб бирап)



Поэзия

Имин МЯХИЯММАДОВ



АРИ БУЦИЛИ ХIEВЬУС

* * *

Шантази хIебурибси
ХIебиуб дила дардра,
Шантани ахъхIехъеси
ЧехIебуркъиб къиянра.

Шантазибад дигIянси
Биубси ахIен къасра
Тяп узи-уршиванра
Дила шантира нура!

* * *

Гъачам цIала дуцIрумван,
Гъачам чиллала аргъван,
АЗир хIялбирап уркIи,
Вагъариасли дурав.

Шабцун чераргъар чархра,
Ганзра хIулбала хIерра,
Ну, дила шанти-ургав,
Баршибси чутурванра.

* * *

Дила гIязиз нешливан
АхIерли хIерварибти
Шантас хIебарибси гIяхI
Нуни гIур чис бариша?

АхIерси дудешливан
Дигиличил айкъурти,

Шантас харжхIебарибси
Чархла цIакъ себариша?

Бирутиригу дила
ГIяхIица да юллашуни!
– Гъанна?
– Гъанна агара...
ДекIардарра гIямрули...

ЦабехIти ахъкабиуб –
Ахътацил саби къунзли,
ЦабехIти гIяшли кали,
Чейулира ну ахъли...

* * *

– Ва бархъдеш, чинабри хIу,
ГIяламлис баҳъ гIягIиниси!?
ХIу агарли, иш дунъя
Чили гъунчибуршуси?!

– ХIуркIиван хIи гъалакил
Ну хIела тумазибра,
Урхъуван лутIи мурхъил
ХIела уркIилизибра!

Бацван шалабикIули,
БерхIиван пархбикIули,
Ну хIела някъбазибра,
Ахъри халаси Адам!

* * *

ВегІл ис дейгІунти дусми
ДеркІес хІейубли сагъли,
АтІхекІубси ва вебкІес
Шантазибадра цІахли...

Шанта уркІибарести,
ХъумхІертести наслули,
МицІирти къел датесра
Чархла ахърира камли...

* * *

Вайгъубзнази дяхІ-дяхІла
Бархъдеш бурнира балагъ,
Занзиван къизбикІули,
Бахъ уркІи буцІулину.

ГлянцІаван лехІкахънира
Балагъ кІелцада бунагъ:
ХъанцІ бецІли мукъарлаван,
ДецІли чарх бугулину.

* * *

Чили гІяйибахъалра,
Чи набчи гъимукІалра,
ХІялал-залалси, марван,
УркІилабси бурулра:

Бержес балути гъубзилас
Гляякъира шараб сар,
Беркес дигути гъубзилас
Мучарира чакар саб...

Дахъдиралли, заблира
Хъубзурала хъу дулья,
ИмцІадаралли, держли
Гъабзала багъа булья...

* * *

Ну вайхъу гушли узус,
Вайхъала гъаргли вашус.
ДугІрухъван, бекІла чедиб
Бурх агарли хІерирус.

Дила ахІерти шанта
Шавад веркІасра уус,

Амма «ахърила» бегІта
Ари буцили х!евъус...

* * *

Багурли хъайгІиб хІерли
Хъярхъил мурадла гІяхІли,
Дай дугила хІябдяргъи
ХІердизайчи шадяхІли,

Бархъдеш агнав ну варгес
Маращуд хІу умцІери,
Ну шямван бархътачилра
Ша-ухІинав левли гІергъи.

* * *

ХІурхъазиб багъарбухъи
Глянжи-къаркъала къири,
Дила паргъятси улка
Мерсли бехъесгу или,
Къакъали уркІ ира леб...

Урхъначиб дакІубухъи
Хъярхъил келекла бурям,
Дила рахІятси ВатІан
Рамчана булья или,
Урух-хІякли хІялра леб...

* * *

Иш дунъяличив адам
ХатІахІейкес хІейралра,
УрхІла шелцад хатІаби
Дилара лер диалра,

Чилалра чеблалиув
АхІенра иу.. Чилалра!
Илгъуна бугътан набчи
Чемабихъаб чилилра...

* * *

Дигайлисцун хІябкубта
ЛукІас или кайрулра.
Чина хабара, гъари!
Шан гала зугІлумани
Чучила лукІахъулра...

Карцайлисцун далуйта
УЧас или калзулра.
Чина гъяма, гъари!
Гъяламла зуглумани
Чус учахъескайулра...

* * *

Гаплис муштар ахленра,
Хлехахъис гапъалара,
ДубхI ейхъули уэсра
Хлебаррагу вягидара.

ХIу вайгъабза ахленри,
Унра дила пергерла.
ГъяхI бибулри, ГъяхI келцад
Глеббиахъулри вайра...

* * *

Балулра, къацла-шинна
Къумур саб дила улка:
Милигси, гушиубси
Велкъайчи ужар, укар.

Амма, сенал, ца-хиябли
Къумур буцили саби:
Хиябдарш - къунтИби ижули,
Алав лукъули саби!

* * *

Къяпидарили хулбира
Къапидарили къунтИбира,
Гела хъулив, гъямзилав,
Аллагълизи улгадра,

Вайси лезмили кункли
Ургури хIу илавра!
Я паргъатли хелтари,
Мурхъси курла ухинавра

* * *

Берхилира заблира
Хъумарталли хъубзара,
Тяп хъубзарла уркИван
Децлизи биркур хъура.

Илда лявхебиралли,
Ургуба батхебулхъан...

Шантани гъевхевцалли,
ГъяхIгъабзара къардулхъан.

* * *

Гъарбизли хамбарили,
ЦабехI ахимакъли, хамли:
Агрили гужбарили,
ЦабехИти баҳъ харабли.

Хъям-къацла гъарализеб
Ватланра леб бархили...
Се лебху вара нушаб
Жягиялла аргъ-бархили?

* * *

ВиштIахIелил неш рикли:
– Вари, игит ветаи!
ГъяхIгъабзала уличил
Шантас вагалавии!

Ну игит ветхIеурра.
Гъайгъай, гъяйибла вегIра!
Дила хатIабар Ватлан,
Бургар гъяйиб хIечибра!

* * *

Хиял-гъянал далдикалли,
Ну – сяхIбатра, ну – мекъра,
Ламуслиса гъяхIлиса
Сахаватси саб някъра

Алавта вамкъахъасли,
Ну – лямцIра, ну – къукъура,
Гъараҳтасра гъамтасра
ТлагIямагар варскъара!

* * *

Иш дунъяла давлали
Хелукъуль кепек хулбар,
Шантала хазнализи
Калхъули делкун тулбар,

Дуравра мижитлавра
Гъания гъякъума угъар.
Алжайзи хъуликIули,
Аллагълизира улгар.

* * *

– Чебаирив?! – бикIаргу,
 – ХIебаира! – викIулра,
 Чедаитбани ургус,
 ХIулбазив сакъатварра.

– ХIебакъирив?! – бикIаргу,
 – ХIебакъира! – викIулра,
 Дақыитбани вииша,
 ЛихIазивра гIянцIварра.

* * *

КъацI-шинна агри ахъес
 Кисалаб арц агарти,
 Зулмуличи къаршили
 Ахъбиэс гъунар камти,

Иш дунъяличиб лебай
 Ну хIябалван гъарибти,
 Бунагъгу, ишди гIямру
 Сари викIасли гIяхIти.

* * *

Азир хъалла шилизив
 АтIхIейхъулину мурул,
 Шантала гIяхIра вайра
 Нартливан ибгес вирул,

Дила сабурла шанти,
 ЧериркIexIe ца хъунул,
 Арц-мургъила рушбатлис
 МицIирли мутIигIхIякул?!

* * *

Ца хъубзара – шантала
 Хъу ибгили бекIхIейрар,
 Сеца «Дерхъаб!» бикIалра,
 ХIедегIунхъу-хIедухъар...

ХIяракат хIебаралли,
 ХIебла хъу кавлан хIерли,
 МаранкIила ургуба
 Бурцу, буга хъалтали...

Гажийзир шин дихули
 Шинкъан букъахъес хIейрар,

Шанти цахIебалгалли,
 Усурби дацIли кавлан...

* * *

ГIяхIсицун къадарбараб
 Аллагъли ГIяхIти гъубзнес,
 Шантас гIахдеш булгули,
 ГIяхIбаркъуна биркъутас!..

Сен-сен гIяхIдеш булгуси
 Адамлис гIяхI агарта,
 ГIяхIличи шантала хъул
 БячIи, чедибашутас?

Лебри бикIули хъалли,
 Бархъдеш аги гъалабра.
 Убай нешван хIербикIи
 Набчи, лебри биалра...

КарцIли дигули хъалли,
 Агара ил гъаннара.
 Къянара къалпра сари,
 Чина вяхIагадлира.

* * *

ХIябилра хиб биса-яс
 ГIяламлис душмандешли,
 ХIябилра картIиб нургъби
 ЧебяхIси Чедибашлис.

Нургъбани хIебирцибси,
 Марли, улка агарсив?
 Дургъби агарли, Дунъя
 ХIербиэс хIебирусив?

* * *

Дай хIерела берхIиван
 Шилизив абалкунти,
 Дай дуги шихъла бацван
 Шантас шалабикIути,

Леб дурхъати адамти –
 Уми, бебкIаагарги –
 Зак зупартаван, ВатПан
 Жага-чебяхIибути.

* * *

Хъар даргазиб – Гибратла,
Хъарибтасра – хабарла,
Бурибти уссантала
Шила багъа бууни
ХIу хяким ветаурла.

ГъянцIа-Гърга виалра,
Шав ГъяхIси гъабза левли,
Хурда мурда хункIизи
Мабикаб шила ари!

* * *

Улка сунечи хъарси
Шагъла таж чебиили,
Гап-чаяхIли кIапIущалра,
КIарза кIарзали кавлан...

«Гъяржакъ сай, дугIверхурси
КIукIайгъуна», – бикIули,
Чум бугътан чедихъалра,
Гъабза гъабзали кавлан...

* * *

Нура хариварили,
ХIура хIулрукIахъеси,
Разидешла хIялана
Шантира багахъеси,

Агара ГъяхIла хабар
Гъанна нуни иргъуси,
Илис сайрагу, гъалмагъ,
Ну Дунъялис ургъуси.



“Бомбейла макбамтазидаг”



Тавсултан СЯГИДОВ

ИНДУСРА МАЙМАЛАГРА

Дураб буцпархелира,
Киласалав Буддала,
ХIу рахIятирахъури,
Гъиръалали цуэрла.

Мургъила Будда дайм
ХIерикIар пишахъили,
Индусуни булгули
Саб илис кабяхIили.

ХIерикIадра илини
АхIенри хIу чейули:
Илала хIер хIезибад
Саби дурабиркули.

Селичилра ил ахIен
Тамашара вирули,
Алавчарли я селра
АхIен хIясибирали.

Имиулала ургав
Пилжакъаван сай тIашли.
Илван зурба адамти
Биэс бираю, марли?

ЧIянкIули сай хъяшаван
Бара гъалав акIубси,
Ца хIяйчив сай мурталра,
АхIенхели убкIуси.

Иш дунъяла зугIлуми
Илис агарти дургар,
Мерсли мижит бульалра,
АхIен улхъули зигар.

Чилалра я селалра
Лебу авара илис?
Нирвана буэс бирул
Агарли саби илбис.

АЗир дус виубли сай
Пишахъили кайили,
Селичи хIерикIулил
АхIен багъес вирули.

Я гуштас, я пакъиртас
АхIен ил кумекбирули,
Мургъила виаллира,
Сайра сайгу чIянкIули.

Халал базар саб дунъя,
Вачуртази бархили,
ГIямал лебу адамлис
Уэс виаркайили?!

УркIи къакъабакIиси
Буддачи лявкъули сай,
Лявварес се-билра
Савгъатлис бихули сай.

Цайкъяшмачив ташли сай
Пакъир, Буддала гъалав,
Сайгъунтала херкI саби
Херизалли ил алав.

Буддасван, илис дунъя
Хъумарtes дигули сай,
ГъяхIти-вайти лерил гъай
Дикили цагъакIли къай.

Аллагъ булгутас гъала
ЧянкIули кайили сай,
Селра агар сунечи
Ил тамай разили сай.

«Алжайзирра сен хуша
ДирхIули хердиулрав?
Дагъриагар маймуйчи
Мешути детарулрав?

Ца лямцIван чедаахъес
Саригу гъамру гибти!
Пакъирти сарра хуша
Илдас ясирикиби.

Дила бекIличиб маймун
ШалкIу саб хъарбикIули,
БекIли саб гъакIбикIули,
Хушачи хербикIули.

Хушала уонтас ил
Балулрав се бикIули?
«Набчи шурбухъес ишда
Сецад пишни дирули...

НукIун маймалаг сабра,
Се гъанбикалра бирул,
Хушала аллагъира
Биругу нуни бурул.

«Гъякъулкартира» или,
Хамси куцра бирулра,
Ухъализи гъяргIянан,
Мурталра адархилра.

Къарапултас дузули,
Азадтира дикIулра!

Азадси лебра иш ну –
Буддачи кабиилра!

Киласализибра ну
Хушала хужаимра:
Хебиасли, бурая,
Хуша наб сен дулгулра?»

Чилирил бедиб банан
Саби умубибули,
Чердердиг кумри саби
Булгутачи иргъули.

Буддала хъуцIарличиб
Маймалаг саб булхъули,
Булгути индуесунас
Яргали мегIдибули.

Къялван, дурхъаси саби
Индуслис маймалагра.
Сели биркъаллира ил
Сабигу балтулира.

Маймунтала абзур хенкъ
Киласала анхълаб леб,
Мякълабси базарличир
Даим сари илдас хеб:

БуцIарбиалли, илди
Нугразир дизули сар,
Сели-дигара диркур,
Хебиу чизилра хъар.

Дазала дирутала
Кисназира кадицIур,
Баргибси бикахъили,
Галгубачи адицIур.

Буддала бекIличиб ил
Хиязтази саб бархили,
Илала уонтачи
Будда сай пишяхъили.

Маймалагра индуесра
Илис цагъунти саби:
«Муртрил нура хушачи
Мешуси вирусири».

Алжанала тIемана
Киласа бицIили саб,
Эдем лебси биалли,
Марлирагу, ишаб саб.

Банан бикибси индус
Севан разивиубал!
Булгутала гъалаб ил
Байриули сай чуйнал.

БукхIебука, арху ил
Чебаахъес дурхIнази.
Разибиубти илда
Халбиру савгъатлизи.

Ил индус вашули сай
Буддази уркIи бурес,
Сунес савгъят бедибси
Маймалагра чебаэс.

Алжайзи виули сай
Маймун къячбикун индус,
Ил пикриикIули сай:
«Нура Будда ветарус!»

Къанси дуги кашишли
Шалмира дилшули сай,
Буддала къяшмау ил
ГъанкIахъес калхъули сай.

ТяхIуси чIябарличив
Муэртази илхIи сай.

Дугила цIябдешлизив
Будда дукаркIули сай.

Чевсаргъибси кашишли
Шала сай улкахъули,
Гъямзилаб, кабиили,
Маймун сай чебиули.

«Нуша дусаунхIели,
Ишра булгули балан,
Илис бургар иш маймун
Бургуси ишаб гъаман»,—

Някълизиб чирагъличил
Кашишли бекI ахъбуциб,
Пишяхъибси Буддачи
Урехиличил хIеръиб.

Будда хIерикIул шайчи
ХIера кашиш шуряхъиб –
Зубартани вахбаршиб
Закла майдан чебаиб!

Агъ, илала жагадеш!
Агъ, илала дигIяндеш!
Заклизибси умудеш!
ХIебургар цархIил мурхъдеш!

Заклизи хIерикIули,
Кашиш сай пишяхъили:
Будда сен пишяхъибсил
Илини сай аргъили...



Проза

**Ибрагъим
ИБРАГЬИМОВ**



ЦАЛИЗИБ ВА ХИЛИЗИБ

(хъарахъуд)

Дагънала гүгүла ва къулала мяла тәама-гъамали Къурейш къала чебаргъахъиб. Шила удибси, гъалли Гъяпрахъу ургубаличи гачбиклуси, хивла зумати галгубани алабарибси диркъбикличир хъябал чатир лерри. Илди хуракабиубти Абулхъянапила муршидунира муршидунира сабри. Илдира, гъатира жавли чебаргъили, Къурейш къалала мижитлар гъянручла дахилалара дарили, балга-дугъяра делчил, сагали гъанклизи мурхъбикилри.

Келра цархилтачыб циила ахъси чатирлизи Гъазигъяли ухнаухъун. Илав сайри Гъяскарла бекіра.

- Хурматла Абулхъянапи, асубираду?
- Бирад, дила узи, - иб Гъяскарла бекіли, Гъяндан варгын убушыбси урца тахличивад харчилзули.
- Гъяхімад чарухъи лев.
- Гъяхіси саби, ванавиахъес, къаці-къякълавиахъес иқъалабара.
- Ил сайңун ахіен.
- Гур чи варх кили?
- Тяп даг бархіехъ гъунирратурси хъунул адам Сумайғанатра иличил рарх лер.
- Секъайда?! Рурсила бегіти кабушилив? Астагъипиуллагъ, хүни илизи къалабахейкахъес буйрухъбарибси виадри...
- Гъазигъяли камси манзиллис вас-васухъун.
- Дила вегібекі, Гъяхімад чилра кавшибисиличи мешули ахіен.
- Сумайғанатла бегіти... Рахли ил къабуларес къаршили кабизур би-алли?
- Ил секілді нуни бурес хіерус.
- Чинава Гъяхімад?
- Дурав хіерли лев.
- Махыкан хъунул адамра рарх кили сай викіули ахіенрив?
- Илра лер.
- Жибара набчи.

Камси замана дикибХели, Гъяскарла бекI левси чатирлизи ГъазигГялира, ГъяхИмадра, Сумайгъанатра абацИб.

ГъяхИмадра Сумайгъанатра вегIбекIла гъалаб къукъусбикиб. АбулхЯнапини селра хъарбаайчи сабурхIебаили, ГъяхИмад гъайухъун:

– Чевверхи, хIурматла АбулхЯнапи... Чевверхи...

– Се бетаури? ГъяхИмад-узи, сен Сумайгъанат бегIтала юртлизи хIераахъири?

– Нуни гъар секIал иргъахъис, хIурматла вегIбекI... чянкIли пурбанбара чатирлизирад Сумайгъанат дурагурухъес. Наб ил нушачи лехIихъули хIейгахъира...

– Асубирап, – иб АбулхЯнапини, хъунул адамлис дурагурухъес пурбанбирули.

Чатирлизиб мурул адамти сабицун калунхIели, ГъяхИмадли уркIигъаргли гүнчиди бетаурси анцIбукуличила буриб. Хабар бурухIели, ил къакъавакIни чебаэслири: майъализи Гелайкиб, урезили тIама чебудахъулри, маъ-маъикIахъулри, тIашилзулри, камсиван лехIкахъили, гIурра гъайикIес даймирулри...

– Юх, хIераахъира нуни Сумайгъанат сунела бегIтачи... ХIурматла АбулхЯнапи ва ГъазигГяли, дила динна узби! Ил умуси чехъери рурси сари, шери руқьнила дамгъа чеаки биалра... Ил бегIтани хъурахIерирни нуни аргъира. Ил дила юртлизи хъуарес ну хIядурлира... ну пикриухъунра... Сумайгъанатличи дила уркIи кабилзули саби, илини дила юртлизиб талихI бургу, нура талихIчеввирура... Нушаб, хIурматла вегIбекI, хIела пурбан хIяжатли саби. Щахбилзули биалра, ГелавяхI чарухъни бархъсили чебиулра. ХIу викIуси барес мурталра хIядурси муршидра сайра, иличила хъумуртули ахIенра...

АбулхЯнапира ГъазигГялира гъала-гъала тамашабиуб: илди илгъуна баркъуди чидил-дигара муршидлизибад яра муридлизибад дурабурхи или гъанхIебирки, аммаки ГъяхИмадли бариси къабулбарес хIебиулри. КIинайс, бетаурси таманни якъинбиубхIели, кIелра пишбяхъиб.

ВегIбекIунала пишбяхъни ГъяхИмадлис лебгIеб децIагиб: «Илданни ну мучлахIейулра, пайдаагар падахъуслизи халиулра. Мурул адамла баркъуди буили ахIен нуни бариси, муршидла уличира ил балбикли ахIен. Нукиун АбулхЯнапила Гъяскарлизи тилади-бусравтаси вакIисири. Илисра илини тIинтIбируси бусурман диннисра мардешла хъя барисири. Марли, нуни дила гъай къянабирулрав? ВегIбекIла гъалабра дурхъаси динна гъала-бра?»

– Дила виштIал узи ГъяхИмад, – ахирра ахир тIама чехиб АбулхЯнапила, – хIела баркъуди бархъсицун ахIен, гъарли-марси гъабзала баркъудира саби. Ну хатIахIейкира хIечила пикрумазив. Нуни гъалабра хIушази аргъахъибси саби: муршидунас, муридунас даймти цундеш чедаахъибти ахIен, илдас хIялалти сари ва дурхъати сари саби-бегIти Гъямрура, хъалибаргунира, минара. ХIуни черрикIиси рурси Сумайгъанатра талихIличи лайикъли сари. ЦархIил хIебиалра, илини дазала-дахIибала дирни, бусурман дин уркIи-уркIили аргъили риъни илала игъбар саби. ХIебиалли, ил къадарриубси гIулухъара игъбарла вегI сай. Иш дунъяличивра ахиратлизивра. ГъяхИмад-узи, хIед пурбанцун ахIи, ГъяхIси сягIятра булгулра, аммаки хъуммартид Гъямрула рапхъя заманалис черриркIуси хIериъниличила, иличили лерил Гъямру

дарх ардухес ГягИнили биъниличила. Хиу иличила пикриухъунрив? Хиу хЯ-
дурли сай riv? Къалабаикили ахIенри къалли?

- Ну пикриухъунра, ну къалабахIейкилра, хIурматла АбулхIянапи.
- Сумайгъанат се рикIули?
- Илра разили сари.
- ГяхIси саби, аргъира, или биалли, хIушаб дила пурбанцун баиси
ахIен, рурсила бегIтала xIяжатбиркур.
- Иличила хъумуртули ахIенра, дила пикрили, Сумайгъанатла бегIти къ-
аршили хIебирар.

- Гъу, хIуни се бурида, бекI муршид? – вегIбекI ГъазигIялихи хIеризур.
- Наб ГяхIмадла барьудиличил къабуликес гъамадли ахIен.
- Сен или викIуда?

– СенахIенну гъазализив сайгъуна залум цалра муршид агархIели...

Гъанна ил Гяскарлизивад аркъян, наб илкъяды биубли хIейгахъира.

– Дила узи ГъазигIяли, нуни иргъулра хIела пикри, нура уркIила ухIнав
хIечил къабулли сайрагу... Биалра, гIур се биру, нушала виштIал узи ГяхI-
мадлис сай-вегIти Гямру дехIдихъес дигули сай, лайикълира сай. Илала ду-
рабадра, нушала дягIватунира тIашаэс замана баили саби.

- ХIурматла АбулхIянапи, ГяхIмад хIела пурбайчицуун чарухъи ахIен.
- ГъатIи се леба?
- Се ахIенну илис нушази магъар дихъахъес дигули сай.

– Ил секIал гъамадли бариша, дила узи, шукру биаб Аллагълизи. ТIалаб-
бирехIе Сумайгъанатла бегIти, чедяхIихъесхIе Къурайш къалала мижитлизи,
илар магъарра дихъили, жагъилти гъунеббалтехIе. Абикиб къуллукъ!

– ШаригIятла тIалаб хIясибли, муруйзирад декIаррикибси хъунул адам-
лис хIябал баз дикайчи сагали магъар дихъес асубиуси ахIен къалли?

ГъазигIялила гIергъити гъайлис Гяскарла бекIли ришхантличил жаваб
чарбариб:

– Нушаб ашкарбильни хIясибли, Сумайгъанат МухIизарла магъарла хъу-
нул ретаурли ахIен, илди-ургаб чурхрала бархбас хIебиуб, хIебиалли, илдас
хIябал баз хIерли кабиэс ГягIиницешра чебиули ахIенра. Дила пикрили, ил
суал Къурайш къалала имамлира лайикъли чебиу. Ишар вас-васъала диэс
хIедирар, дила узи ГъазигIяли.

– Хъайчикайлихъар, Гяскарлизивад арукъес дила къас агара, - иб ГяхI-
мадли, гъачам АбулхIянапичи, гъачам ГъазигIялихи шурихъули.

– Баркалла биаб хIед! ЧевяхIисилис марси лагъ сайри хIу, ГяхIмад. Гя-
скарлизив калес сегъуналра хIяжатдеш хIебирар, сенахIенну хIела юлдашу-
ни муршидунира муридунира гъамли хъали-хъайIи чарбулхъан, – АбулхIян-
апи мякълав тIашси ГъазигIялихи хIеризур: – Дигахъира хIу Сумайгъанатла
бегIтачи вали, нушала узи ГяхIмадла шайзивад вакил виубли.

- Аргъира, хIурматла вегIбекI!

АбулхIянапила чатирлизиси савлила биштIаси диван таманкабиуб.

ГяхIмад Гяскарла халалла чатирлизивад дуравхъунхIели, Сумайгъанат,
урчила ургъурра някъбазиб ЦацIабарии, хивла галгала мякълар иличи са-
бурагарли хIерли сарри. Урчили ванзаличири хивла галгала кIари мухIили
ита-ишадирхъулри, юх, цалра кIапIи бугули ахIенри, итатIирван аварагли-
зир шинишли дурадулхъути кIинякъла къарличи букеэс иштяхIли сабригу,
ургъурли буцили ца мерличиб кавлулри.

Сунечи гъамиубси ГляхІмадлизи Сумайнгъанатли селра хъархІебаиб ри-
алра, илала хІулбала хІерлизир азир суалра, сабурагардешра, вас-васъалара,
къакъаракІнира гъамадли чедаэслири. ГляхІмадли аргъиб рурсила хІер ва
Гляшли шивкІивбариб:

– Паргъатрии, Сумайнгъанат, гъар секІал гъунчидикили сари...

* * *

Лябкъули! Лябкъули! Гъунибарай! – вявбяхъиб Курку бехІличи тІашизур-
си манкъушли.

Къямхъу диркъаличи цахІнабикибси лебилра махлукъат, уркурла гъуни
гъаргбирули, кІелра шайчибяхІ хихбиуб. Авал урчи дабгибси халаси шини-
ша пургъум диркъала ца дублаб кІялгІяван къугъали баршибси чатирла гъа-
лаб тІашизур. Илаб пургъумличи хІерли тахличи кайили Гъазагала талхъ-
ан Чамсудин, балуй шайчиб дурхъаси халгІятчевси илала урши Сайдухан,
рурсби ва гуяви, илдала дурхІни, сагати сукъбантира чедяхъили, ханжул-
тира вайлиу даршили нукерти; алгъай шайчиб Гъазагала талхъандешлизи
кадурхути махъурбала узденти ва илдала хъалибаргуни, узи-урши лебри.
ЧіянкІли илди-ургав Халал Гляяла вакил аги: Глярсличирад ил бархІи илда-
чи Глябдулмажидла рухІ хІердикІутыван сарри.

Къямхъу ургубала ағылу Хайдакъ-Даргала уцумила пургъумлис къяшма-
чи тІашли гъунибаиб. Айзурли гъуниваэс хІейруси Гъазагала талхъанцун
сайри: изай таманни къяшми керасибси ил тахличи кайили калун.

Гъамиубли нукертани пургъум алавбариб, ца нукерли пургъумла унза
абхъиб. Илабад цУба халгІятра ахъси хІярила бегІ пес къапІара чевси ургар-
ти Глямрула мурул адамра, илис гІелавад къакъумушси, цУдара хІябсурчев-
си ва назиси къаркъа вегІ хІяна ухънара дурабухъун. Ухънала някъбазиб
дубсила булмачилси биштаси къанира лебри. Хайдакъла уцуми РяхІимхан
аги. Ил анцІбуқь Гъазагала талхъайс циила хІейгира бизур: шадлихъличи ил
ГляхІлад вакІесгу или, хІерликийбисири. Ца шайчибад ил халахІерибсиван
ва мучлахІерибсиван бетаурлри.

Кам-гъамти салам-каламлис Гергъи уцумила шайзибадти дурхъати
ГляхІлас Чамсудинна мякъла къалтинничи удушибти назбалишуначи каби-
ахъес маслигІятбариб.

Ил бархІи гъазагантла халаси шадлихъ сабри: ухънакаибси ва цАкъанани
вархъватурси Чамсудинни сунела талхъандешла ургъур Сайдуханизи ама-
натбарес пикрибарили. ЖявхІейчибад Глядатлибетаурси ил хІяракат, гъай-
гъайрагу, бекІ талхъан уцумила пурбан хІясибли ахІи бетхІерусири.

Дубурлантала Глямрулизир байрумтира шадлихъунира дахъал хІедири.
Ил байрамра цархІилтачи мешуси ахІенри: чини бала, гіур мурт Гъазагала
талхъан виркІуси шадлихъ жамигІятла Глямрулизиб биравал? Илбагъандан,
хала бегІтала Глядат барили, гъазагантра алавти махъурби-Гляябала адамти-
ра Къямхъу диркъаличи савлиличибад цахІнабикилри. Къямхъу диркъа
Глядатла ахІенри, бурни хІясибли, лергІер жывти замунтазибадал алавти
шими-махъурбала жамигІят ил диркъаличи челукъути суалти арзес, душ-
мандеш тІашиути, шими-ургарты къалмакъарлис ахир кабирхъути мажли-
суни дурадеркІес, ванзурбала масъулти хІердарес ила цалабиркутири. Ил
табула диркъагъуна бетаурлири, ва илаб бариси хъя числарпа буэс асубирү-
си ахІенри.

Талхъай шадлихъ хъумхIертесили бетаахъес пикрибарили: мер-мерлар абзаначи кибти урчас, бугънас ва кигъмас хасдарили, декIар-декIарли чялурби дараҳъилри. Тамалидиркути мицIирағ, цакътазирад цакътигъунти чердикIили, абзикахъес ила кибти сарри. Чялурби-алав ташбизурли мицIирагла бегIтира лебри.

«ИшбархIи нушала талхъан левгIев сахаватиубсигъуна сай, - бурулри чи-лирил. - Валлагъ, бикIар, дузаб сархибси урчила вегIлис Гъямузган усталла ханжал бедлугуси саби, кигъа чедибикисилис хIябал кигъа пешкешдирути сари, абзлизиб чедибикиси бугъала вегIлис биалли – ца унц. Къямхъу дир-къала ца дубларти хIябал чаландарла удир цАбилькъуначи чедизурли дубсила халати верхIел къазанра лерри. Ил бархIи Гъазагала талхъа хинкIла тIем лебилра мерла адамтанира дурабад бакIибти ГъяхIланира багъес бирар.

Уцумила вакилтала ца иала наиб АйдамирхIяжи сайри, итил къуллукъла хIянчи дузахъуси ХIялим сайри.

ХIера, гъапулси хIерличил Гъазагала талхъан мякъла кайбси Айда-мирхIяжичи хIеризур:

– XIу араваркъ, АйдамирхIяжи, нуша хIурматла уцуми РяхIимханничира хIертиригу? Аллагъ разивиаб сунечи!

– XIурматла Чамсудин, РяхIимханнис, хIушачи сапарли дуравхъунна, ташизес чебуркъиб: Дербент къалала вегIбекIли ил сунечи живариб.

– ГIе, халаси талхъа къуллукъунира халати дирап.

– XIунира балуливан, нуша уцумила вакилти сарра. Къуллукъчи ХIя-лимлизиб уцумила мугъурра леб. КъакъамайкIуд, Чамсудин-ази, ишаб бета-ур-кабикибси гъарил гъай булан РяхIимханничи диути сари.

– Ил ГъяхIси саби. XIушара мурадличи даабая!

ЛехIдеш чебихъунхIели, Сайдухан дудешличи гъамиуб ва шивкIивбариб:

– XIу араираби, дила талхъан, шадлихъ бехIбихъахъес пурбанбириду?

– Бирулану, бехIбихъая. Гъанна набчи хIерхIейкIули, къушум хIербара.

Сайдуханни ГъяхIлала ца шайчив, някъбира гIеладуцили, дадкайзурси манкъушлис някъ гъакIбариб. ИлхIяйзив манкъуш майдайчи дуравхъун ва, иала шадлихъ бехIбирхъни иргъахъуси, хир-хирли бучIуси таша ургубалаб гIеб-гIебагъур.

Къямхъу диркъа чебиргъахъули, гурдухъун дам-дяд. Демжур делхъа-ни, далай-гъалай, ихтилатуни. БегIлара шадлихъ бемжурси манзил тяп ил манкъушли ихтилат ташаиб.

Уцумила вакилти кIелра цугли абизур. КъантIа муцIурра хIяршбарили, АйдамирхIяжи гъайухъун:

– XIурматла Гъазагала жамигIят! Шадлихъ абзур бархIи даймбарес дир-хIе... Биалра, гъала-гъала нуша дакIнила вазипа таманбарни лайикъи чебиулра. Илбагъандан ихтиярбирехIе РяхIимханна марси къуллукъчи ХIя-лимлизи гъай бурахъес.

Къакъмушси къуллукъчи ухъна ХIялим гъайличи-декIар мяштиубсигъ-уна ахIенри. Илини дубхIехъили гъанна бикайчи дуклаб хIербарибси дубсила булмар къани ахъиб. Илабад табтарла кIапПигъуна суранна кесек дура-сиба АйдамирхIяжис гъабуциб.

– XIурматла наиб, нушала бекI талхъан уцумила мугъурличилси иш амру хIела някъбазибад вегIличи баалли, къулайли бирар.

– Биха, хIебиалли, – иб уцумила наибли, суранна кIапПи сунези сайсули.

— Ассалату-вассалам! Хурматла динна узби! Гъазагала талхъунти муртала гъялдеш-мардешлис буриби сабри. Илгъуна пикри аргъахъиб, сай Аллагыли гурра чевяхъваркъ, нушала уцуми Ряхимханнира. Наслулизирад наслулизи диахъули, Чамсудинхъала къамли талхъандеш хердариби сари. Илди Хайдакъ-Даргала уцумила амруличи чумали чекабизуртира саби...
— Айдамирхъяжи камсиван ташизур ва, алав-гъалав херилзули, даймиуб.
— Нуши лерилра дунъяличир замана гъялчи сарра, дайм кавлуси мицир жан лебси ахен... Гъанна замана баили саби Гъазагала талхъан Чамсудиннис сунела талхъандеш марзла урши Сайдуханнис аманатдарес. Илгъуна пурбан уцуми Ряхимханна шайзид нушани хушазира - уздентазира, цабутлаван, рягъят адамтазира - иргъахъулра... Гъанна дигахъира Чамсудинна урши Сайдухан нушачи гъамиубли.

Уцумила наибла жиличи Сайдухан итира сабурагарли херсигъуна сайри. Бекличиб бухари къапара балбарили, ил гъялчи гъамиуб, икрамбирули бек гъяшбуциб. Сеад сунела харидеш дигъянбарес дигули виалра, илала жаниварлагъунти хулбазиб лямци бумхули бильни чебаэслири.

Айдамирхъяжи сунела мякълав гъапулси хяйчивси Гъазагала талхъан Чамсудинничи шуряхъиб:

— Хурматла талхъан! Гъарли-марли умуси гъякулизив ху разили сайри Гъазагала талхъандеш хела урши Сайдуханнис аманатдарес?

Чамсудинни илмадан жаваб чархъебариб. Айдамирхъяжини суал тикрап-бариб:

— Ху разилирив илгъуна хукмуличи?
— Разилира, — гъаш-гъашли иб талхъай. Сеннира талхъа тамализив илцад халаси разидешра багъесли ахенри. Гъай бурухъелира ил уршиличи херикъули ахенрину, Къямхъу ургубаличи вякъкадизурти, дайм дяхъили къадарии хурхъачи ласяхъили сайри.
— Разилирив? - сагали чехиб иличи уцумила вакилла тъама.
— Разилира, - иш гъакъис талхъай тъама гъячихъли дурабатур.
— Гъанна хуни се бурида? — Айдамирхъяжи сагали виркъуси талхъайчи шуряхъиб.

Сайдухан бараван гъузгъалдинубгу, сеннира илала кар-карбикъуси тъама къайдизурти адамтачи баис:

— Нуни чейсула Гъазагала талхъандеш дила хала бегитаниван умули ва хурматличил хердарес. Илкъайда чейсула Хайдакъ-Даргала хурматла уцуми, нушала бек талхъан, Ряхимханна амру-насаблис марсили виэрса. Хядурлира Гъазагала ва алвати маҳубала жамигъяллис бархъси къуллукъ Пеббучес...

— Бихая иса Къуръа табтар! — жиухъун Айдамирхъяжи.
Илмадан ца нукерли Къуръан — ашкарли, илини гъалабал ил шалкъуб бихъули виишину — гъамиубли наибла някъбази баахъиб. Наибли, къелра някъли цацъали буцили, Къуръа табтар Сайдуханнис гъабуциб. Сайдуханни биалли, гъати селра имцахъебарили, Къуръайчи балуй някъ кабихъиб ва ахъли иб:

— Чевяхъиси Аллагъла дурхъаси Къуръайчи хъя бирулра Гъазагала талхъандеш хурматличил хердарес!

«Сепайда гъати, ху сегъуна адам сайрил иса цалабикибтани ва уцуми-

ла вакилтани балули биалри...» – илкъяйда пикриухъунси цалабикибазивад ца адам сайри: шадлихъличи вакІиси Щуриша маҳыла уздан Амирбег.

– ХIурматла жамигІят! ИшбархIиличивад Гъазага шила ва алавти маҳурбала талхъан Чамсудинна урши Сайдухан сай. Илгъуна саби Хайдакъ-Даргала уцуми РяхIимханна амрура. Икрамбарая сагали викІиси талхъайс! – вазипа ахирличи биркахъили, тАмадариб АйдамирхIяжини.

Къямхъу диркъаличи цалабикибти маҳлукъат, сагали викІиси талхъайс мукІурдеш чебиахъули, къукъубачи гIяшибиуб.

Къямхъу ургуба дам-дядли гIурра чебаргъахъиб. Адамти, къарлизир цИцимкуливан важбиубли, ита-иша гезбулхъули сабемцIур. Саби-ургаб гъайкабухъун: камли къаршибиркути адамтас дурестикIун даари лерри. талхъан викІнила декIар-декIарти пикрумира камли ахIенри. Юх, илдачиле я узденти я рягІят адамти ахъли гъайбикIули ахIенри. Чини бала, белики, гъанбиркули бурги илдас гъаб-убла «МухIли буцалли, бекI уцар» ибси бурала...

Ца замана чилирил ахъли вявбяхъиб:

– ХIеръая БацIари бехIличи! Дузабличи урчи дурхъули саби!

Уркухъла шиличи бяхIчиси БацIари бехIличирад хясала вера ахъдиуб. Илабад тугъбарили урчала мурдни Къямхъу диркъаличи баэс арцуртиван ка-бухъун. Чидил гъалав, чидил гIелав сайрил гъачамлис белгибарес гъамадли ахIенри, аммаки урчала абзаначи гъирадухъунти саби-ургаб гъайлизиахъиб.

– ЩурмигІянлан КъурбанхIяжила хIунтIена ябули дузаб сарху.

– КъалабамайкIуд, узи, Шумралла гIяякан ХIясаттала гъалабухъес асу-бирап.

– Хурухла БайцIали цалра ябу гъалахIебиркахъу.

– Чидил Хурухла викIулри?

– Иркниша маҳылилизивадси Сулайба Хурухла...

– БайцIали мажахIят дузаб сархес.

– ХIуша се дикIадалра, талхъа букIун Гялимирза чедииркур.

– Гялимирзала ябу лебни хIебагъурра.

– Баз гъалаб, Ахъушала илхъилизивад чеббикIили, кибси саби, ДягIруч или ура бихъили.

– ДягIван къалабаси ибси балан?

– Саби, гъайгъай.

– Дузаб, дила узи-урши, урчилизирадцун дигахъути ахIен, иличивси мурдала къадрира камси хIебирар.

– Бархъси саби, хIязлис ахIен къалли ябула куц мурдали лебку бикIутира.

– Бургар, аммаки гъайличиб барькуди гъаббашахъни гIяхIси саби.

– ХIекъли дурусси пикри леб, дила узи, нура хIечил къабуллира.

– ХIердикIexIe...

Адамти жалтази ахъили лебли, Къямхъу диркъаличи бихуси ласбулхъли-шибад лямцIван къалабали шинкъян цудара юргъа багъарбиуб.

– ХIера, их Батир! ХIера, Батирла Къарчигъара!

– Гъу, гъанна бухили дукъеная! Чис хабарри бурщакан Батирли дузаб сарху или?

– ГIе, Аллагъли гIевуцибисила бираар гъарбилзусира...

ЦархIилти ябнас даршал ганзлацад гъалабухъи, диркъаличи баиси ва хъулухъмабиркъуси Батирла юргъа мурул адамтани алавбариб. Батир урчи-

личивад кункли ванзаличи т҃яхIухъун. ИлхIелицун чебаиб адамтани Батирла Къарчигъа улихъя агарли биъни.

- Серхурси мурдас улихъя хIяжатти ахIен.
- Урчилисра дуцIбухъес гъамадли бирап.
- Итира Къарчигъа дузабла мицIираг биъни багъесли саби.
- Бурцакан Батирлис деза диаб!

Чедибдеш сархибси жагъил мурда, селрацад харидеш чехIебаахъили, гъаббуцили урчира, талхъя чаятира гъала гъамиуб. Сунечи хIерти хужаимтас ва талхъайс Батирли икрамбариб.

Итира разиси гъавлизивси Сайдуханни илмадан сунела ириличи баршиби арцла къяртIалала бегI ханжал арзив, баркаллара балахъули, Батирлис гъабуциб.

Урчала дузаблис гIергъи Гъазагала жамигIят кигъми кадатурси чялили алавбарибси ибяхълаличи гъамбиуб. Жалтира абзанияра илар даймдиуб. Цаличи ца чедиркути кигъмала халати ва делсунти мукукуразирад цIилцIилагуни урцутиван сарри. Гъарил кигъала вегIли сунела мицIираг хIяршибиулри, къацIла къидикъличил лявибулри, чедибдеш сархахъес тиладибирухIеливан, иличил шивкIивулхъулри. ЦацадехI кигъмала мукукурачи ранг-рангла гъимирити даршилри, цархIилтала хъябаначир гIапри жибжирудхъири. Илди ишаратуни, бурни хIясибли, къугъадешщун ахIенрину, хIербикIутала хIули хIегахъесра сарри.

Чялила ца дублав, мукеки буцили халаси бухъмуйла бегI нешер кигъара сайра ташкайзурли, цIуриша маҳыила уздан Амирбегра леври. Ил хIерлири, цIала бушни хIясибли, сунела кигъаличи ярга баайчи.

– Ирий санакан БяхIимудла кигъа чедибикибсири. ИшбархIи чейули ахIенгу?

- Чеэс вирапу, ил мискин пякъирла лебси цацун кигъа баз гъалаб бецIли кабушиб биалли?
- Цала вегIла бирап мас дурзамла дублаб къаршибиркусира.
- Бирап илкъядара…
- Ит цIуришакан Амирбегла кигъаличин абзикеси ишбархIи чилалра хIебургар?
- Сен или викIуда?
- СенахIенну, хIериизи итичи: эмхIецад леб биалли.
- Эгъ, уртахъ, къарапади гIягIиниси ахIен, уркIи гIягIиниси саби.
- Къугъати гъай гумайлар гIяхIти дирап. Чебиидая, се бирул илала кигъали.

– Амирбегли Баршамайлизибад кибси бургар? Илгъуна жинсла маза-мас гъар-ур илала маҳылизизир чехIедаира.

- Хайдакълантани чула гуяв вайтIа хIелта.

– Гуявра вирап гуявра. Амирбеггъуна ахIимакъ адам гъамси тухумличивра гъалаулхъан. Сахаватси някъла вегI сай: чумал дус гъалаб сунес дукикъянадеш дирути хIябал букIун, гъариллис вецI-вецIал хIясибли маза-масра дедили, рягIятдешлизибад азадбатур. Гъу, чили биру илгъуна барьуди?

– Халал ГIяяла хужаим ГIябдулмажидлира сунела хъубзурас ванза бедибси ахIенрив?

- Сабри, сунела бунагъ-хатIа урдуц, ил гъабзала барьудира хъумартеси ахIен.

- Илдигъунти сеннира баҳъал-декіар агара...
- Агара, гъайгъай, гъар-гъар давлачевла някъбазирад масра азаддешра рягъят адамли гъамадли дитіес хіейрап.
- Сай багъадур виалра, Амирбеклара халаси талихІ хіебургар?
- Сегъуна талихІ викіулри?
- ДурхІя atIxIekIуб, дудешла мина мицІир-бацІли калун. ДурхІя агарси хъалибарглизиб сегъуна талихІ бирарап?
- Хіунира далути агара: гъалавван илис урши варкыили сай. Гъанна илала Издагай уршира сарира бегІтачир сари.
- Марлив гъари?
- Нуни, дила узи, къяна-шилтахъ далути ахІен. ЧевяхІсини илдас къаннинван игъбар хъурабариб.
- Издагай бегІтачи сен пархыили?
- Нуни аргъни хіясибли, урши хъябшли сай бикІар. Белики, ил гІяхІухъахъес, циила къяшмачи кайзахъес диркъала гъавали кумекбәресгу или, пи-крибарили бургар.
- Бургар. Ил гІяхІла хабар саби. Шадлихъ таманбиубхІели, сеннира Амирбеклес ца-хіябал ванати дев дуресра гІягІнибиркур.
- ГІяхІси девли зарал хіебиру... Гъари, лехІ! Амирбекличи кигъя жалаэс ярга баисигъуна саби.

Ил манзил кигъмала абзанас халалварибси жагъил гІулухъани Цуриша маҳъилизивадси Амирбеклес някъ гъакІбариб. Амирбеклира сунела кигъя муекеки буцили чебаахъибси мерличи арбукиб. Сай ила вакІбхІейчибад илини кигъя батхІеиб, иличи гъаман хіерикІес гІягІнилири: кигъя вайбухъ-биублири, адамтацияра чебулхъули.

Амирбеклес гъанбикеб, секъядың ца бархІи сунечи гІяхІлад вакІбси юлдашли ил чебухъунал ва, хъурсбикІули, мукукурачил ил маҳъила удиси авараглизи кайкахъибал. Деңгеси анцІбуку ахІену: вегІла хіурмат барес вакІбси адам кигъали язихъвариб, илала пикруми сегъунти дирапа хъа вегІличила илгъуна анцІбукул ис гІергъи? Я илис гІур илала унабурхІ ахъес дигахъув? Сунени къалли илизи чевверзни тиладибариб. «Чевкархурлира» или юлдашли бурра бурибугу, хіегъ къалли уркІиличиб кавлан...

Амирбекла кигъаличи хіерли калунси ца сабри: гъазагалан Увайс МяхІямадла халаси бекІла бегІ цІудара кигъя. Илала мукукури рурсила чуриван делсунтири ва андаличирад гъаладжІ дурадикибти сарри, хъяблишиб дубсила биштІаси гъайкІарира лебри.

Келра кигъя жаллизир веңІнара-сера къячдикиб. Амирбекла кигъала къянкъубазирад хІира дархли дурадикиб, Увайс МяхІямадла кигъала мукукуразирад хъими пухІдухъун. Чедибдеш кІилалра биэс хіебири, сенахІенну цІакъси сеннира цІакъси сабли белгибирап. Ахирра ахир, гІур жал даймба-рес хіебиули, Увайс МяхІямадла кигъя тІашбизур, Амирбекла кигъя илала шайзи мукукура бирхъухІелира, къаршидеш хіедариб. Ил бархІи Амирбекла дурзамлизир хІябал кигъя имцІадиуб.

– Лебкули, лебкули! - вяявбяхъиб гІурра манкъушли.

Къямхъу диркъаличибити муръухъулала къадубани берхъибси къасигъуна хъучибад дурабулхъуси къяшла дякъличи хіербизур. Илавад, къянкълизи мегъла гІумула баршибси хъула бугъара гъаббуцили, гъанна Халал Гія маҳъила ари сунези бедибси ВайсулхІяжи, Чамсудинна гуяв, дуравхъун. Чя-

лила духІнар, бевла агурбира каили, гъаларти къяшма ванза икъути хІядусанти-авдусанти зурбати бугъни садемцурлири. Илдала бегІти чялила ца шайчи къукъабарил ташбизурлири, бугънала пишначи гъираличил хЕрбикІулри. ВайсулхІяжини, Гиягъизра гъаргбарили, гъардуца убкасили, сунела Хъулара чялила бухІна бархъиб.

– Ишдус къалли ВайсулхІяжи цАкъси бугъя баргес бажардикили сай.

– ВайсулхІяжила илгъуна бугъя лебси ахІенри.

– СирхІязибад кибси хЕбиалли? Дирбагъла, Гияшти-Къункъила хабардерхурти бугъни дирап.

– АхІен. ЧехІебиулрайв гъатИ? ИлкІун Халал Гияла уздан Гиябдулмажидла саби.

– ХIуни сели балулри?

– ХIебагъес лебу? Халал Гиялизиб ил чуйнара чебаира, биштIаси хъула къача сабхІелил балуси саби.

– Нунира илаб ил бугъя чебаиси саби, - гъайлизи гъудурухъун къукъаличи гъамли ташизурси Амирбекра.

– ВегІебиша дунъя, бунагъ-хатІа урдуц, ит пякъирла лебдешличи кункли някъ кабихъес бажардикили къалли?

– ГІе, уртахъ, цАкъла вегІла дунъя саби иш...

– Зулмукартас Къудратла вегІли ахиратлизиб танбихІ гІеббиахъу.

– Иш дунъяличиб лебай сен танбихІлахІебирутил?

– Тавба икІен! Аллагъла сабур халаси саби, бунагъкар адам пикриухъялес валтули сай.

– Гияшли бура, дила узи, лацлара лихІби лерти сари. ХIебалусира хIебуралли, ГияхІси саби.

– Се хIебалуси?

– Се ахІенну, хIела гъай хIясибли, талхъайчи Гияибити диули сари...

ХIякъиқатлизиб биалли Гиябдулмажидличи илгъуна мусибат бяхІчиаиси муршид АбулхІянапи сайри. Илини дакІу-гъаргли Халал Гиялизиб сунела байрахъра катІири...

– Ил хIела пикри саби: АбулхІянапи Аллагъличи вирхуси муршид сай, дин багъандан жан хъябла дигъунси. Ил зулмукар ахІен.

– ХIулбани чехІебаиси дурусбires ГиягІнили ахІен.

– Дурусбируси чи сая?

– Диур, узи-урши! ЖалдикIес сабабти агара.

– ХIераягу, се бирулил ил Хъулани?!

Чялила бухІнаб ца гияжаиси къяима сабри. Алавла бевла ташхIедизурли дирхІулри, гъар удикибси, Гиясидешли хIунтIендарибити хIулбира шалигъарли вякъаили, чялила ца дублабяхІ гъаббулхъулри. Хъулани чумал халати бугъя, хапли чебиркули, герайб, цархІилтачил, дугати мукукурира ибкъали, сунела гъаза даймбарилри. ЦАкъти-декІар камдирару? Илдасра чедиб-деш Хъулас гъамадли бедес дигули ахІенри: гъараҳъра диркулри, кIинас чардиубли чера дулхъулри.

Чялиличи ацІили, ВайсулхІяжи вявикилри:

– Гъу, гъари, дила Хъула! Гераа ца ит БяхІЦара! ИлхIели чедибдеш хIела бирар. Чебаахъа цАкъ!

Сунела вегІла амру аргъибхIеливан, Хъулани тяп ил БяхІЦара гъаббухъ-ахъун, гур, хIерая, иш ну чебаабая бикІухІеливан, ил чялила бухІнаб хамли къузбухъун, чуйнарил геларти къяшми лардариб, бевбикІули ца мерличиб

тПашбизур. Ил бикIусигъуна сабри: «Гъанна гIур калив набчил абзикеси? Рахли кали биалли, кабухъаб чялилизи. ИшбархIи ну сабра бегIла цАкъси бугъа...»

Хъулани имиулала чумал къада мукукура пухIличи шурдатур, гIур дуцIли чялиличибяхI бетухъун. Урухбиубти адамти «Илизибад берцуди биаб! Ил бугъа ахIенну, жанивар саби! Къагъбиубсигъуна саби! Гъараҳъдикирая, гъараҳъдикирая иличирад!» или, ита-ишбаяхI тутПукабиуб.

Къугънабиркъуси Хъулала пишначи ВайсулхIяжи харили хIерикIулри ва, иличибяхI някъра гъабатурли, ахъли дукаркIулри:

– УрухмакIудая, узи-урши! Ил адамтачи чебулхъуси ахIен, бушинбариб-си саби.

Сайдуханни гуяв сунечи живариб ва лихIилизи серил шивкIивбариб. Ил-мадан, някъбазиб гъардуцра гъакIибури, ВайсулхIяжи чялила ухIна ацIиб.

– Се бирули илини? MexIур-мага виублив?! Къагъбиубси бугъа буцес ар-къулив?

– МицIирагли сунес къуллукъбируси адам валуси сай.

– МажахIят, циила ряхIятбайчи паргъатли батни гIяхIси ахIенрив?

– Урехила хIулби халати дирап.

– Ламарт барапли, хIулби къалли халадиахъу, гIур къаннира бирар.

– ХIерая, гъари, хIерая, илини се бирулил!?

«Баши, дила багъадур, баши. Диур хIязанира, гъамбии набчи» или, Вай-сулхIяжи камси манзиллис кIайбизурси бугъачи гъамиуб. Се бетарарап хIери-ли, цалабикибти шипIбяргIиб.

Хъула сунечи урехиагарли гъамиубси вегIбекIличи ташмишли хIер-бизур, амма лебси мерличибад вяшхIебухъун. Гъанбикеслири, ил сунес гъ-амси адамличи лехIихъули бургар или, илала хъарбарь таманбиру или.

Гъалли бугъала гъала ветаили, илала къянкълизиси гIумулаличи гъар-дуц бигъес или, ВайсулхIяжини някъ гъамбарибхIели, мицIираг тирхъбухъ-ун, бекIра гъакI-гъакIири, пурхдущиб. ГIур, гIеларти къяшмира ахъли лардарили, ВайсулхIяжичи бетухъун.

Аргъиб вегIбекIли Хъулани сай мучлахIерили виъни ва сунес урехи ба-лахъули биъни ва, лайбакIили гъардуцра, хапли гIелавяхI вебшиб. Сепайда, ил чялила дура ветаэс бажардихIейкиб. ГIеббаиси бугъали ВайсулхIяжи мукукурачи ахъуциб ва сунела къакъличивад чялила ухIна лайвакIиб. Лям-цIван жургъбухъи, ил гIелабяхI ласбяхъиб, сагали чебухъун. Иш гъакIлис мукукури ванзаличиви гервариб, гIурра бегIимиван гъаваличи ахъуцили лай-вакIиб, лезмира дурабушили, бевла тIамаличил ил ганзвариб...

Манкъушунира талхъа нукертира тIерхъубачил чялилизи бухIнабикиб-хIели ва бирхъули бугъа гъараҳъбикахъибхIели, анцIбукуь таманкабиублири: ВайсулхIяжи жаназаличи шурухъири.

Хъунул-дурхIяла чIярла тIамали цалабикибтала уркIби каҳдиахъуб...

Гъазагала талхъан виркIуси шадлихъла бархIи ясличи шурбухъун.

«МицIираглира сунела вегIлис къадин чеббирцIули кали саби. Чис хабар-ри? Дунъяличиб лебайра вайнукъяби ЧевяхIси Аллагъли танбихIлабиури сай», – викIулри сунези сай Амирбег, кигъмира гъардашахъули, сай-вегIси Щуриша маҳъилизи чарулхъули...

(Хъараҳъуд бирар)



Хадижат ХЯБИБОВА

ДИГАЙ – ГЛЯЖАЙБСИ ЦАКЬ

Асиятли рурси ратаиб, амма сари т҃ашкаризурси мерличирад вяшхIе-рухъи лералри.

– Нуни ирис, дила дудешла гIелабти разихIебикиб я магъар дихъахъес, я ну аррукъяхъес. Амма ну аркъяс иличил парх.

– XIу меxIур-секIал риублирив? XIед къияндулхъан. Ил секIал мабирид.
– Асиятла биса дурадикиб. Нургъби чяхIдухъун.

– Се гIямал баришара? Дила игъбарагар. Нуалра язихъIериуправ хIу-ни?

XIу багъандан нуни дила гIямру ялгъузли деркIира. XIечи пикририкIули хIянриубрагу, дила ахIер. XIела дурхIнази аархили, гIямру дуркIис рикIу-сири. XIу биалли ретахъес хъулрикIулри, – бисаличил гъайрикIескарииб Асият.

– Неш, хIушани лерилра секIал вайла шайчи дихулрая. Нуша кIелра дархъли ГIядбуллатIипла бегIтачи аркъехIе. Нура илдиван, илдачил парх хIеррирус. Гулжанатли буриб, илди дебали гIяxIил хIербирули саби или, –
Мариятли неш лявриескарииб.

– Се гIяxIдеш бирар или гъанбиркули хIед урхIла мер-мусаличиб? Игуй-зивад ухъунси дус висур, ВатIайзивад ухъунси – вебкIайчи. Бахъ къулай-ли хIебурггар илдасра. Ну хIечи къакъаракIили, уркIи децIлизибIели сарра, дила ахIерси, илкъайда рикIуси. УрхIла ватIа шаха держес чемабикаб чи-салра.

– Бурсикайрап. Итабтира халкъ саби. Ванза гъяраили дураухъунси левси ахIен, – рурсила гъай чедидиркулри. – Неш, ну ратаба наб дигуси баражъес или, дуракарухъун. Неш гIеларад дуцIрухъун:

– Бахъ къиянси сабигу хIед дигуси. Улгас, се бетаэсара? Илини иргъ-улри, рурси гъаман сунечир кахIелни. Ил мурт-биалра шери редес гIягIини-ли биъни. Амма илгъуна шериличи хIерли ахIенри. Илис Гергъи сарира Гулжанатхъайчи арацIиб. Игъбарлисван Мирзакъадира къаршиикиб. Къ-аршиикибси ахIенри ил, Гулжанатли тIалабварибсири. Илизи Гулжанатли хIякъикъат бурилри. Марият пархъес Мирзакъадира разихIейкиб. Я магъар дихъес разихIейкиб. Ил урухиуб. Сайра гъаман хIякимтани тIалабиулри. Урухиулри. Мижит бехъес дигниличила аргъибIели, илдани се-дигара ба-

рес бирар или лехІкахъилри. Я Аллагълизибад, я бунагълизибад, я гІяйибли-зидад урехи-урези агарли чебиулри. Мижит хІебехъубли, культурала анкъи бетаахъурлири. Илала гъалар жагъилтани дигалли дарган мезла пъесаби че-диахъти. Дигалли – къумукъ мезла. Комсомолецуни дайдуги баайчи разили булхъули, далайбикІули чебиулри.

Марият сарира комсомолка сарри. Гъябкъябала гъарька рири. Ил бекІлибиусгъуна хІянчилизи ихъи. Гіялим-Паша Салаватовла «Айгъази» пъесализир илини Гюлькъизла роль бузахъи. Сари, марлира, Гюлькъизван рилзи, Айгъази биалли – ГіядуллатІипван. Мурт-биалра Айгъазиван ГіядуллатІипра сари аррукес лявкъиличи умутличил хІерлири. Хіера, гъанна вакІили. ВакІиб живарибсиван. Гур се саби хІед гІягІниси? Айгъазичив усал гъабза ГіядуллатІипра уили ахІен, иша вакІес виубли гІергъи. Гюлькъизлайчиб гъанна дила рольра къулайси ахІен. Сари тяп пъесализирси игитван каризурлири, ва сунечи лебилра хІербикІанти хІерлири, се биурл.

Магъар дихъахъес Мирзакъади разихІейкнилицила Гулжанатли Марият-лизира Асиятлизира буриб, сай Мирзакъадира кайили левли.

– МехІур жагъ дурхІнала бекІлизи се бакІалра, ил барес гІягІнилив? – вехІихъиб Мирзакъади.

– Илди цалис ца дигули гІергъи, нуша се дикІутира? – иб Гулжанатли, Мирзакъадичи гымрукІили.

– Дигай хъумуртути сари. Нушани ил секІал барахІелли, гІямрулизиб хъ-умхІертеси анцІбуку кабиркур. Ветихъахъу нушала ГіядуллатІип, урхъули-зи кабикибси шинна кІантІван. Илис гІергъи хІура ретихъуд, Марият. ХІу-шаб илди шикъ масхуртиван дилзулив?

– Масхурти ахІен. ГіядуллатІип ветахъибси мерличир нура хІядурлира ретахъес, – дурабикиб Мариятла.

Асиятли ил вяврариб:

– ХІу хІекъи хІаялизирад рухъи руилригу. Чичил сарри хІу гъайрикІу-си? Асият Мирзакъадичил гъайрикІес урузкІули рири. Мариятли нешла гъ-айла чеди гъай хІеиб. Сарира ибсиличи пашманриуб.

– Марлира, мехІурриублирав ну? – уркІиличи бакІиб илала ва гъайхІели дуракарухъун. Илди бахъхІи гъайбикІули калун.

– Ташаа хІела рурси. ГіядуллатІипла бекІ буга илини, – ахирра иб Мир-закъадини.

РахъхІи кахІели, Асиятра хъули ракІиб. Дақъа дехІибала дируси замана байлри. Гъалабван акбарла тІамали дехІибайчи жибирули ахІенри. Аргъла лишантачил балулри. ДехІибалара дарили нешлира рурсилира гъай даймда-риб.

– Магъар дирхъути гІурра камли ахІен. Ну аркъяс, хІуша се дикІадалра. Ит гъараҳъливад ГіядуллатІип вакІес уруххІейубхІели, ну урухриэс гІягІнилив, илгъуна игитси гъабза дила мякълавхІелира? – или Марият гІурра дуракарухъун.

– Чина аркъусири хІу дугели? – Асият илис гІергъи къалабарикиб.

– Гулжанатличи аркъулра, мурт илди аркъулил багъес.

Аскандар гъала вакІили, ил тІашаиб:

– ХІу чиналра хІаяяд. Рукъен хъули! – иб илини буйрухъла тІамаличи.

– Ну Гулжанатхъайчи аркъулра, – бархъли буриб урухриубси Мариятли.

– Се къуллукъли? – къяркъли хъарбаиб Аскандарли.

– Ца иткъи. Хъарбиуси лебли, аркъусира.

– Дугели хъардиути хъедирар рурсбала. Нуша халкълис цахмадира-ба. Азбарларад чиналра дурахъерулхъад. Иличил Аскандарра хъули ацИб. Аскандар илдачи камли вашули хъалли, къараулдеш лебсири, гъала-гъала Асиятличи. Илис дяхълабияхъеси секъал аги. Марият ГъядуллатИипличил чуйнаалра дуракарухънира балулри, унраличив ахъенкъи. Илдас къараул-кайри. ГъядуллатИип Аскандарлисра Гъяхъилзуси дурхъя сайри. Сунела узи-ла цайли калунси рурси ГъядуллатИиплис ураркъни Гъяхъисили чебаиб. Илди хъайчикабатес бусягъятра гъелумхъелзи, эгер урехи хъебиалри.

– ГъядуллатИип межур виалли, лебилра межурбииэс Гъягъинилив? – ГъядуллатИипхъала кадихъибти секъал чардарая Гулжанатлизи, – иб илини Гъя-найчи кайрули.

– Ца тъулекара, цадехI бекI-къяшла палтарра ахIи кадухес бажардихъеби-киб илди, – буриб Асиятли.

– Се диалра, кадуха исха, Асият, – иб Аскандарли.

Асият итил хъули рухънарухъун. Къанилизир илди декъарли кадихъили лертири. Дуракасили кадухиб.

– Ну ишав левли, ардуха Гулжанатличи, – буйрухъван хъарбариб Аскан-дарли.

Асиятли, илди дергурли, таврализи кадихъиб ва касили унзаличиряхI ра-трихъиб. Илис гъергъи Марияттра ратрихъиб?

– XIу, Марият, чиналра хъякъяд. Неш чарриайчи, ишар руэн, – тъашаиб Марият Аскандарли. – ГъядуллатИип арукъяйчи, XIу азбарларад дурахъе-рулхъад, аргъирив?

Марият унзала мякъла тъашкаризур. Дуклуми дячунси арцайчи мешу-лири гъанна ил. Я гъала ганз кацес рибули ахъенри, сенкъун кахъейцъахъни балулри. Я гъеларяхI чарриэс рибули ахъенри. Гъямру Гъяжаибти сари. Цаца-бехътачил илди хъязтадиркъули сари, цабехътас дирхъули сари. Илис дунъя балли цъяббиуб. Ахирра багъали шуррояхи, итил хъули рухънарухъун. Рашес гъунараагарриуб. Лебилра чарх хъялагарбиънилис сарира тамаша-риуб. Чилилра чехъериуси мерличиб биса барес къулайлири. Илала пикрири Гулжанатличил рапх ГъядуллатИипличи рукъес. Сепайда бетхъеур.

Асият Гулжанатличи уруз-урузли арацИб. Иличи рисули хъябруцкиби. БахъхIи къелра бисули калун. Заб дарес гъалаб аргъ хумарбира. Заб дарал-ли, дунъяличибси хумардеш уббизан, ванза къугъали кабилзан. Къелра хъу-нул адамла нургъби чяхъидухъи хъалли, уркъиличибси Гъядаб ва хумардеш къунхъедацИб.

– Се бирусив? Илдала къадурти илдигъунти дуили сари, – иб Гулжанатли.

– Агъ, дила цайли цаси рурси рахъ талихъагар уррухъун. ГъядуллатИип арякъуну, илис паргъатдеш хъебирап. Дугели русни хъебирап. Халкълизи чехъедиахъули хъалли, гъаман нургъбазир сари къалли дила рурси, – Асият-ли биса тъашаэс рибули ахъенри. – Щуръа адамла талихъ-декъар биэс бира-ру? Талихъ биалри, илала дудеш кавли.

Гулжанатра къилисалра децИрикъулри.

– Се или рукиша ГъядуллатИипла гъала? Се рикъиша? Жайзивад чев-керхурли, ца мурадличил исха вакъили, мурадра бетхъеурли кавлулив дила Гъязиз узи? Ва, Аллагъ, се баришара? Ва, Аллагъ, хъувалра кумекии илис. Къанниван Асиятлизиси тавра хабарбариб. Иличила сари Асиятлира хъу-мартурсиванри.

— Бара хъумуртули калунра, ишди секІал. Ма, иш тІулекара.
Гулжанат гъятІира ахъли рисирииб:
— Ишдиалра датадри. Марият дила рузиван рируси сари. Илди чардара икіуси чи сайри хІушази?
— Аскандарлис бигули ахІен. Илини чардаражъиби сари, — рисули иб Асиятли.
— Илди дила хІулбала гъала диркалли, къулайли бирап рикІултив хІу? Дати Мариятлис. Дати, гелешмешлисван хІейгули диадалли, садакъалисвалнара датирая.
— ХІериус, дила рузи, Аскандарли илди хъули чархІедирахъу. ХІушани дедая чис-біалра садакъалис.

Асият илдира датурли, хъули чаррухъун. Аскандар сари ракІайчи хъулив левалри. ХІулби демдурли рухІнарухъунси Асият чераили, Аскандарли селра хъархІебаиб. Асиятли хъарбаиб:

— Марият чинара?
— Итил хъули рухІнарухъун.

Аскандарлисра декІлири, бареси балули ахІенри. Сунела буршуси тІама гъянна назикбиусиван гъайикІескайиб:

— ХІед гъанбиркулив, Асият, наб Марият талихІчерли хІейгулра или? ГлябуллатІип наб дебали гІяхІилзуси дурхІя вири. Иличи дила дурхІяли-чиван уркІи изули саби. Аллагыли илдас къадурти декІарты хъуракадариб. Нушала цАкъ агара, къадурти дарсдарес.

— Мирзакъадинира нушала пикри къабулхІебариб. Белики хІуша дархъли дургудая, — иб хала гъигъ абатурли, бареси хІебалуси Асиятли.
— Рурсиличи къараулбара. Ил жагъли сари. ХІира ниъра бекІлизи дургъуси замана саби илала.

— ТІашизи бисмилла барес, — ахъриуб Асият.

Аскандар илдачи вакІили хъалли, цайналра беркайчи гъамиубси ахІенри. Ил секІал Асиятлира балулри. Балалра, Асият беркала гъала кабихъес алavrulхъи, Аскандарли ил тІашши: — Баркалла, баркалла. Дуги гІахІираб или, Аскандар дуракавхъун.

Асият итил хъули рурсиличи арацІиб. Илала мякъла гугрииб:

— ХІуни лерилра дакъири, дила рурси. Къадурти нушала илдигъунти ду-или сари. Марият нешличи хъябруцрикиб ва гІурра рисирииб. Ратаба, неш, нуцун. Неш дуракарухъун. Рурсили гІяш-гІяшли уркІила деңI дурабушиб:

**ХІу или булгуси чакарла уркІи,
Паргъатбарес дарман чинар дургути?
Дарманагар дардли буцибси хамха
РяхІятбарес гІямал севан бургуси?**

**ДягІилра архІехув дуңІар саламти
Сапарли вакІиси дила игүйлис?
Сапарла архІяра дижгурли сайра
ПелавяxI чарирул къабулил шалайс?**

Нешли гъанхІедуциб ва ахъли рисирииб. Рурсиличи рухІнарухъун, кІапІруциб. Кіелра хъябруцкили бисескабииб. БалгІяличир чІиллайти дучІусиван нешлизирад декІаррикили, руржуси тІамаличил қа гъятІи сарин белчун:

**Такъсирагар туснакъ беркIес къадарси,
Дихъиб дигай ахъес имкан агарси,
Бухъи каҳси бурям гъакIарварибси,
Набчи вакIес хIела ихтияр агув?**

**Игулра цIакъ цIали хIуни бикъурси,
ЦIа дишаҳъес хIела ахъри агарсив?
Туснакъван дуркIисра гъамру нунира
Мурад бетхIеалли, нуша кIилалра.**

Мариятла, дигай дихъила, уркIилизир далуйти алкIулри. Дигайли адамлизир гъалаб агарси пагъ дакIубиахъес дирап, гъарли-марси гъунар алкIахъя. Илдани дукаркIахъу, висахъу, урцахъу, хъусикIахъу.

Далай белчIунхIели, илди лерилра Мариятлизи дархдикилри, уркIи паргъатбиусиван бизур. Рисули рамсурси нешлара биса хIярхIдиуб. Мякъла гугриибси, ил аризур.

— Вай, Аллагъ, агарсив ца гъамал? — гIурра неш нургъбани кIантIрикIескарииб.

— Неш, ну аркъяс иличи, — харчизур гIурра Марият. Мариятли ГъабдуллатIипла рахливан ахIи у ихъули ахIенри. Ахъалра дяхIличир урузиънила лишан — хIунтIендеш дакIудири. Рурсбани гелешмешла у ихъуси гъядат хIебири.

— Неш, нушаб хибти секIал чардариив?

— ГIур се бариша, гъятIи?

— АнцIбуқь секIултазиб буилигу. Илди дуилигу нушала уркIби цахIандяхъибти. ХIебиалли, ваяхI дуили сари бекIлидиубти. Илди чардариб — къуллукът абикиб. Дишун нуша ургарти дигай. Детахъиб нушала анцIкъи-децI. Гъанна ну илала гелешмеш ахIенра. Чардариб секIал. Хъумартурра ил нуни, яра ну сунени. ДукаркIесли ахIену, гъятIи, неш? Лерилра гъунчидушили дуилрагу иличирли. Нуша цадиахъубти савгъатунани ахIенра, къалли, неш. ДебкIайчи нуша гелешмешуни сарра. Аргъирив? Глергъити гъай рурсили илцадра багълали, зуздитIахъи, гъашли иб. Халаси гъигъ абатур. Ташванризур, ахъли къалабали иб:

— Ну аркъяс, ил чеэс.

Марият аризур.

— Аскандарлис ил секIал дебали хIейгули саби. Илдала у халкълис цIахмабирид хIуни? Илди урухкIулира саби, ГъабдуллатIип учили туснакъири или.

— Нуни хIези, неш, гъалабра ира. Иличил туснакълизиб къулайли бирараб наб, илизирад декIарли пачала издаггарили каратниличиб.

— Дила селра барес ахъри агара, дила рурси, — иб нешли арилзули.

— Ну жягIял Гулжанатличил аркъяс, хIуша се дикIадалра. Мурт аркъулил багъуррив, неш?

— Нуни хIебалас. Жявли дуракарулхъан. Гъуни бухъянси саби. Гулжанатлисра къулайли ахIен, узилизи секIал чардариб или бурес.

— Ну Гулжанатличил аркъяс иличи, хIушаб илцад хIейгули диадалли, чаррирус.

— Юх, дила рурси, чиналра мякъяд. Гъанна хIу илала гелешмеш ахIенри.

Марият дукарругиб.

ИлхIели Асият урух ралли риуб, рурси меxIуррирулив или. Амма дебали духули ва паргъатли гъайрикIухIели, Асият паргъатриуб.

– Сен секIайчила Гулжанатли буруси? Нуни дурис гъар секIал.

Асиятла уркIи тирхъбикIули, рурси гIур чераэс хIебиркур или. Абзурли дуги я рурсили, я нешли ца хIули къяпIхебариб. Шаладикибмад, Марият Гулжанатличи рукъес ратрихъиб. Хъалла унза абхъибмад, Аскандар гъала тIашизур.

– ХIези нуни ибсири, чиналра хIякъяд или. Дугели нуша узби яргали хIела унзала гIелар калунра. ГIябдуллатIип арукъяйчи, хIу чиналра дурахIе-рулхъад! Аргъирив?

Марият къалабали хъули чарриуб. Нешличи хъябруцрикиб ва рисирииб:

– Неш, бура азизи ну бусягIят чаррируси сари или. Ца секIал бурили, чар-рирус. Гулжанатличил чаррирус. Асиятра иличил рапх рисули.

– Неш, сен хIебурултив азизи? Ну чиналра хIякъяс. Дила магъар хIедихъили, ну илала хъунул ретхIерус. Ну чаррирус. Неш, рукъен, бура азизи.

Неш багълалири. Селра эс я барес ахъри аги. Аскандар, камси замана ар-бякъи, ухIнаухъун. Рурсили дурути гъай дақылри. Сай вехIихъиб:

– ХIед гъянбиркулив, наб хIела талихIбиубли хIейгули сай или? Набра дигусири хIуша хъайчи кадатес.

– Ну шери аркъули ахIенра. ХIушаб хIейгуляяв, хIякъяс. ЧIянкIли дила илизи буруси леб. Илра бурили, чарруулхъас. Нешра рапх ракIаб, дирххIеру-ли диадалли, – бегIъалар сарри дудешла узичил Марият илкъайда гъайка-рухъунси.

– ХIела илди шикъли дурхIя ветихъахъид. Гъачамлис чилилра багъурли ахIен, багъалли, чебиид, сегъунти тIама-гъама ахъдираал. ХIякимтала вы-ходной бурхIни сарни талихI бетаур илала. Камлив шилизиз мез диханти? ЦадехI гъай даршна тикрармадирахъид. ХIу чиналра хIякъяд!

Марият тIашкаризур. Я бибуриси я буруси хIебалули хIякризур. Илала уркIилизир дигайра гъимири дарсдургъулри. Жалрухънилизибад гIяхIдеш агни балули, итил хъули рухIнаухъун. Улкъайлабад гъуни чебиулри. Ил гъайчи хIеррикIули, улкъайла мякъла тIашкаризур. Ахирра Гулжанатхъа-ли мурул-хъунул дуракабухъун. Мариятла сурслизи биса дарцдикиб. Ахъли агыи дурабикиб. РахъхIи рисули калун. Мариятлис валхIелуси дудеш гъани-киб. Белики илини наб къянхIедулхъахъи. ГIурра гъайчи хIерризур.

– Дила саламтилра дуралри.

Улкъай абхъиб. Илди бисуси уркIиличил гъуниббатур. Дебали пашман-нири Гулжанатра. Иlinи се ируси билалули ахIенри. Илгъуна къянси архIя биубси ахIенри Гулжанатла ГIямрулизиб. Ца гIяхIдеш бетаур, гъайчиб Ма-медкъалализи кабаайчи, пургъум къаршибикни. ГIябдуллатIип чеибмад, Гулжанат рисули хъябруцрикиб.

– Селра барес ахъри хIебакIиб, узи, – бисаличил иб Гулжанатли.

– ХIуцун чераибхIели, аргъира. ХIеракIиб Марият, – иб халаси гъигъ аба-турли, ГIябдуллатIипли.

– Ил Къасумлис гъайрарили руили сари, иш тIулекара чарбариб, – къяна буриб Гулжанатли. Ил къяна бурибсира узила уркIи паргъатбиахъес сабри.

– Сари чераирив хIуни? РакIес къабулхIерикибу? – гъалаксаур ГIябдул-латIип. Илис тIулкмалара секIулталара авара аги.

– Ну гъанна цархИилла гелешмеш сарра, – рикИи. ХIериус ракIес, рикИи, – Гурра къяна буриб рузини. Гъйчи лябкъухIели, мурул-хъунулли пикри-дарибири илди, Гур буреси агарли.

– Сари илкъайда рикIив яра хIуни дурутив илди, Гулжанат? – ГлябдуллатIип гъалакиуб.

– Нушани багъра хIебагъурра ил уаркыни. Илра сунени буриб, – Гулжанатли илди цашайчи хIеррикIули дуриб. – Узи, ил нушала хъунул руили ахIен. ХIу биалли ил багъандан вебкIес хIядурлири.

– ХIуни дурути дархъти ахIен, Гулжанат. Чинар бурсириубрив къунби учидирхъес? – Гулжанат руцили тямхъярраиб. – Дархъти ахIен хIуни дурути, Гулжанат! – Гурра вявбяхъиб сабурлизивад ухъунси ГлябдуллатIипли.

Гулжанатли селра эс хIериуб ва рисикириб. Муруй ил гIерруциб:

– ГлябдуллатIип, Гулжанатли дурути дархъти сари. ХIед илдачи вирхаэс хIейгулири.

– ХIейрус, вирхаэс. Мариятли дила тIулека чархIебиру. Ил чарбараҳъили саби. Лебилра нушаб къаршили кабизурли саби. ГлябдуллатIип меhIуриру-сила хIайчикиб.

– Ну аркъяс ил чераэс, – ватихъиб ГлябдуллатIип. Тавсултанра Ибра-гъимра гъалакабизур.

– Ил секIал мабирид, ГлябдуллатIип, нуша багъанданалра. Ца хIуцун хIеркуд НКВД-ла адамтази, нушара хIечил дарх тамбихIладибура, – иб, ГлябдуллатIип урцули, Тавсултай.

ГлябдуллатIип тIашизур. Тавсултан Гурра вехIихъиб:

– ХIу вакIини багъалли, бусягIят туснакъиури. ХIела бегIтира хIечи хIер-ли саби. Разирикили ахIен Марият хIечил ракIес. Сабурбара. Сабур, дила ГлябдуллатIип.

Ибрагъимли селра эс вирули ахIенри. Чули пикридарибачи ГлябдуллатIип вирхХIеур. Гур се икIусив? Гъанна се бурили хъалли, лехIхIейхъур.

– ХIебиалли ну чарирус. Поезд мурт сабив? – иб ахирра ГлябдуллатIипли, ва укъес вализур.

– ХIу дурамалхъад, ГлябдуллатIип, нуни гъар-се секIал далас.

ЖягIял аркъяд, – иб Тавсултай.

– Ну дила ВатIайзив тIимкълизив виъни хIебагъурра. Ну азадси адам сай-ра. Тавсултан, се бетарара ну хIечи вакIиси ахIенра или дуракавхъасли? Гъамли, дебали гъамли дила ригуси лерли, илра чехIераили чарулхъулра? Лерилра нуни дариби дугIли дуилиги. Се или чарирусира ну бегIтачи?

– Хала бегIтала Глямрулизибра, бегIтала Глямрулизибра, хIушанира къи-ян кабихъили, бучибси давла бетахъибгу бусягIят. Нушала Глямру илдигъун-ти сари, – илала уркIи паргъатбиури Тавсултай.

– Гур наб Марият чераэс хIебиркусив? Ишкъайда къяркъиси бетарар икIу-ли гъанхIебикиб дила архIя. НукIун Марият аррукес халаси бирхаудиличил вакIисира.

– Сари хIякъялли, аррукес вирару, гъатIи? Илинин ракIес къабулбарили ахIен. Къабулбарибси риалри, ишдачил рапх ляркъи, – вехIихъиб Тавсултан, се бурусил хIебалули.

– Ил хIеракIахъили сари. Нуни балас. Ну ишав левни балули, ил хIеракIи-ли хIеруи. Илисра набван къадагъабарили саби. КъакъавакIибдешли селра

барес хIейрули ца някъли итил някъла тIулби дурцули, къябчIдикIахъулри. Ита-иша вашули.

– Илис чилилра къадагъабарес хIейри. XIу ишавад дугIкаибси адам сайри. XIед урехила саби. Илис хIедгъуна урехи агара, – иб Тавсултай.

Гулжанатли биалли биса ташаэс рибули ахIенри. Ибрагьимли ил паргъатрапес вирули ахIенри. Селра барес хIерирули, бисализib берцуди бургусиван сарри.

ГлябдуллатIиплизи къакъахIекIахъести гъай дурули хъалли, ГIяхIдеш аги. Вирхарули ахIенри ГлябдуллатIип, Марият сари хIеракIиб бикIули хъалли.

– Иша хIеракIесрив, гъятIи, Марият гъар хIулби къяпIдашибIели, набзи жирикIуси? Илала уркIи набзи жихIебикIули биалри, ну иша хIякъаси. Сари жирикIули вакIибсира ну иличи. Балултив, Тавсултан, сари жирикIули вакIибсира.

ГлябдуллатIип гъариллис язихъизур. Тавсултаннира буреси балули ахIенри, биалра илала уркIи паргъатбиахъести дугъби дургули:

– ШайтIа муэртани виргIякаргили уилри хIу, ГлябдуллатIип. XIу духуси дурхIя сайри. Сабурра хIуни халаси бургид. Паргъатдешра биахъес вируд. Даршлизибад цалара дигай ихъути ахIен. XIед гъанбиркулив, илди даршалра дигай багъандан улхан или? Цалра алхунси агара. Камси сабурбара.

Рузини гIурра къяна буриб, узи паргъатиахъес:

– Ну гъанна урхIла гъалмагъ сарра. Гъамли мекъ бируси саби или сунени сабри ибси. Саламти дура рикIи. Сай лявкъни балуси риаслири, нуни Къасумла тIулека сатIхIейсаси, – рикIи.

ГлябдуллатIип дирхалаагарти хIулбачил рузичи хIеризур, гъайхIеиб.

– Савли жявли поезд аркъуси саби, – иб Тавсултай, – Багъладеш бара гъанна. Паргъаткай. БегIти хIечи хIерли бургар. XIед къяйцIяла дехIхIедихъили чарухъес чебиркур. XIед гъанмабиркахъид, нушаб хIу хIейгули яра декIиубли урхъуси сайри или, – паргъатли гъайикIулри Тавсултан.

– Нуни балулра. XIуша чедаънира наб паргъатдеш саби.

ГлябдуллатIиплизи Султанат гъанрикиб илра бегIтас бигуси барес хIядурли сарри. Белики лебилра руреби илдигъунти бургар. Сари илкъайда рикIули гIергъи, ну сейкIусирав? – сунела уркIилис маслигIяттикIулри ил. Дугели муэрлизир гIурра Марият сунези жирикIули чераиб. ЧеваргъибIели, вахъхIи усаэс хIейрули калун. Усаун. Усаунмад, Тавсултай чеваргъахъиб.

– Айзи, ГлябдуллатIип, нушаб жявли дурадухъес чебиркур. Хъулисти лебилра абиизур. ГлябдуллатIипличил вокзаллизи Гулжанатра Ибрагьимра бакIиб. Ханбикани берклумани бицIибси таврара бедиб.

– Ма, дила урши, XIед гъуйчир ГIягIинидиркур. Гъанна ГIяхIти гъунби диаб. Саламти дура лебтазилра! Нура ляркъясигу вокзаллизи, дурхIни хIянчиличи букъяйчи бахес ГIягIили саби.

– Баркалла хIушаб, лебтасалра. Чердерхиная набчирад, хIушаб къайгъни имцIадарнилис, – иб ГлябдуллатIипли, Ханбикала някъ бурцули.

– Селра хIебирар. XIу ГIяхIил арукъес къайгъибара. Вахъ ГIяхIли децIра майкIуд. Селра хIебирар, – Ханбикала уркIи кIантIибиуб.

Авалра вокзаллизи арбякъун. Поезд бакIини багъахъур. Гъарилличи хъябруцикли, ГлябдуллатIип биштIаси ганзухъличи ацIиб. Гулжанат илис гIергъи поездличи арацIиб. Рисули узичи хъябруцикIулри.

– Саламти дура лебтазилра. Сен ГIяхIси баррил хIу вакIили? Ну дебали

пикририкIулри хIушачила. ХIуша чинар саррал, сенрал багъахъурри. ХIела мурадра бетаурси биалри, гъатIира гIяхIли бири. Баркалла, гIяхIли арукъен, – рузини узи ляввирулри, тяп нешли къайда. Илизирад декIаррикес рибули ахIенри. Тавсултай ил вяврариб:

– Поезд батбирхъули саби. Къалабали карацIи.

Гулжанат карацIиб. Поездличил парх, някъбани гъакIрикIули, дуцIрухъун. Илала уркIилис гIядаблири. Узи гIур чеэс хIебиркусиван, къакъалири. РахъхIи ташли рисули калун. Лебилра иличи хIербикIулри, сенкIун илав цархIил висуси аги. Ил Тавсултанни ляввирулри:

– Диур гъанна. Бисализидад гIяхIдеш бируси ахIен. Бисали биса дургу. Паргъатрии.

Ибрагымра гъайикIулри, ил хIерисахъес:

– Диур хIед. Чеири узи. Разириэс гIягIнили саби. ХIу биалли, рисулри.

– ДащехIе, аркъехIе хъули, – иб Тавсултанни.

– Нушаб ишарад дурадухъи дукъес къулайли саби, ишарад шилизи аркъехIе.

– Даширая. Цакамси багълара барили аркъядая, – иб гIурра Тавсултанни.

– Баркалла, Тавсултан. ХIушаб халаси баркалла. Чевверхи, нушаб дашес бигулра. ДурхIини хъулиб сабицун саби.

Илди хъурали батбихъиб. Байхъалара-сера гъуни ахъили илдас пургъум гIеббаиб. Иличи кабиили Мажалислизи чарбухъун. ГIябдуллатIип вакIиничила бахъли багъурлири. ДигIян-ГIяшчи цализи цали бурулри. Баахъилри НКВД-ла агълулизира. Илдани бусягIят Гулжанат ташлабариб:

– Нуша гIяхIлад дякъунти сарри. Нушани хIебагъурра ил вакIини. Чинав сая ил? – селра хIебалусиладариб Гулжанатли.

Чуйнара ташлабариб. Хъулри умцIур. Селра бурахъес я баргес хIебиуб.

Мирзакъади валли ташлабвариб.

– Нуни чехIеира. Чинав сая ил? – селра хIебалусиван кайзур Мирзакъадира.

Гулжанат чаррухъни багъурхIели, Марият азадриуб, къараулти арбякъун. КIел бархIи ил дуранухъахъи ахIенри. Дуранухъунмад, Гулжанатличи дуцIрухъун. Гулжанатлис Асиятли бариси децIагилри, амма Мариятлис къяркъхIериуб. Мариятла гъалар сарира такъсирла регIван рилзулри. Сунела узис гIяхIдеш бирулра или, Мариятличила къунби дурни цIахбилзулри. Ургарти гъай кIелра шайчирад детарули ахIенри. Бетаурсилизирад Марияттра уруз-кIулри, сунечиб гIяйиб хIебиалра.

– Даг ракIибси риадри хIу, – хумарли иб Гулжанатли.

– ХIу чаррухъунхIели, сарра ну мурахасиубси. Ну хIяrukъяхъес, дудешла узбани дебарарра, – рисирииб Марият.

– Марлив, гъари? ХIуша хъалладиубли илдас илцадра хIейгулив? – бурибисиличи уркIкарухъун Гулжанат.

– Хъалладирниличила ахIенри гъай, хIу багъандан ГIябдуллатIип ветихъахъид бикIулри. ХIуша хъяшнала мехIурдешли гIямрулис хъумхIертесил балагъ лябкъяхъидая, икIулри Аскандар, – биса ташхIеили, дуриб гъар секIал Мариятли.

– Мирзакъадира илкъайда икIулри. Нушала ишар сари ишди авара. Тумеюплизив биалли селра икIуси аги.

– Туснакъдирура бикIухIели, нуни ГIябдуллатIипличил туснакълизир

риэс гъамадли саби наб, ира. ХIу дуракарухъунхIели, нура хIечил парх ракIес унза абхира, унзала гъалав тIашли Аскандар. Абзур дуги яргали, дудешла узби къараулкабиили буили саби. Гъанна бара сарра ясирилизирад азадрухъунси, – Марият рисули тIашризес рибули ахIенри. Гулжанатли ил кIапIруциб, иличил парх сарира рисули. Сунени дурибти уркIиличи дакIили, гъатIира урухриуб.

– Марлира, ишала гъалар ну бунагъла регI сарра. НуникIун узилизи бекIли декIарти гъай дурира. Агь, дила лезми беръ! Се барира нуни? ГIур наб бареси кали ахIенри, – сунес сунени маслигIятбариб Гулжанатли. Мариятли илала пикруми къябаib:

– ГIялагъажа чардаражъисира Аскандарли сарри. Саби се бикIулихъали, иличи хIерли даршал дус ардукъяллира руус. Гъанна вакIес виубси, ГIурра вакIес виар, – иб, нургъби ушкули, Мариятли.

Гулжанат илди гъайлира уркIаib.

– Марият, хIу марли рикIултив, гъари?

– Вай, гъоя, ну ребкI, илкъайда ирасигу узилизи. Итцад децIикIахъули вархъхIейаси. Ил багъурси риаслири нуни. ГIябдуллатIипликIун буриб гъабкъаби дусли гъачам чула ВатIайзи бархъули саби или, шабагъатла баривтан.

– Ил секIал ГIябдуллатIипли жявлел балуси сай. Ил аркъухIели, ибсири нуни. «ХIу чариайчи, ну хIечи хIерли руус». Илини балули сай. ГIурра лявкъян. Ихтиярличил вархъли нушачи вакIалли, дила ГIелабтанира наб сегъ-уналра къадагъа хIебиру. Илдас цашайчиб цахра билзулри, ну или рукини, вегIагарси дугIрухъван. Ташванизурли: – Нуни балулра, ил ГIурра лявкъян, – иб Мариятли, сунени сари уркIичеррирули.

– МажахIят ГIур вакIес ГIябдуллатIип. Нуни илизи хIуни тIулека чарбариб или бурра, – иб Гулжанатли рисули. Амма цархIилти сунени дурибти хIедуриб. Илис илди дурес цахбилзули.

– ТIулека нуни чарбарибси ахIенригу, Гулжанат. Сен нуни чарбариб ири?

– ГIур наб буреси кали ахIенри, Марият. ХIу набчирад черрерхи.

– ГIябдуллатIипли нуни сунела тIулека чархIебирни бала. ХIечи вирххIепар ил, – умутличил гъайрикIулри Марият, тяп ГIябдуллатIипван. Илди ил-цадра цали ца балули, цаличи ца бирхулри. Гулжанатлис ГIябдуллатIипла гъайра гъандикиб: «Мариятли дила тIулека чархIебиру, ил чарбарахъили саби». Суал бухIнабси хIерличил Мариятличи хIерризур. Ятимли кали хъали, илизи ятимдеш дагъахъурси ахIенри дудешла ГIелабтани. Гъанна сарри ил Гулжанатли ятим-пакъирли чераисра. Иш гъакIисра Гулжанатлис къяна бурес чебуркъиб:

– Набра гъанбиркули саби ГIябдуллатIип чарулхъан или, Тавсултаннира илизи ибсири, ихтияр сасили вакIи или.

– Марли, рикIултив, Гулжанат? Нуни балулра къалли ил лявкъни, – рази-риуб Марият. – ВакIи ибхIели, сейкIив ил?

«ВакIес къайгъибис. ГIурра лявкъяс» икIи. Гулжанатли Мариятла уркIи паргъатбиахъес пикридашибти далдикиб.

– Хъалибаргличила се хабурти дуриба? Султанат сели риркъули? – гъанна бекIлизи бакIиб Мариятла хъалибаргличила хъарбаэс.

– Лебилра ГIяхIли саби икIи. Атас уршира акIубли сай. Хала дудеш СалихIла у бихъили саби.

- Се гІахІси биублил? СалихІла ура мубаракбиаб.
- Сели биркъули хІербирули итаб илди? –гъар секІал дагъес дигулри Мариятлис.
- ХІянчи тер икІи. Ишабси тяхІяр саби итабра. Саби бахчабазир дузулра, икІи. Дудеш – фермализив . Неш хъулир сари. Сабиavalра гъабкъяби сарра, икІи. Байрахъ гъаман чула бригадализиб бирар или буриб. Итар низам-зегъя гІахІли сари, икІи.
- Низам-зегъя лерихІиб бархъдешра бируси саби, – иб халаси хъунуйван Мариятли. Камси гъатІи гъайкабикІули кали, Марият, уркІила кункдешли-чил, хъули чаррухъун. Неш иличи хІерлири.
- Гъу, се сагати хабурти дуриба Гулжанатли? ГІядбуллатІип арякъив?
- Арякъи сай, – къяркъли ва хумарли иб Мариятли. – Нура иличил парх рякъунхъар, селра урехила буили ахІен.
- Урехила хІебиалли, сен исха хІекІибси ГІядбуллатІип?
- Ил гІахІялли вархъили ахІен, нушала ишабти хІякимти балули. Ну иха, чилра шакхІейкахъили рякъунси риасри, сегъуналра урехи буили ахІен, – сари хІярукъяхъни дебали хІейгибизурлири Мариятлис. ХІушабра набра де-бали къулайли бирар гъанна.
- Нуни хІед сегъуналра къадагъя хІебарра. ХІела дудешла узбани сабри къадагъабариси. Нушаб къараулти НКВД-лара лебти саби. Набшиб гІайиб агара.
- ХІуни ахІенрив, гъатІи, наб гибти чардарабси? – рурсили нешла дяхІла-бяхъиб.
- Набзи илди Аскандарли чардаражъиб.
- Аскандарлизи багъахъесра хІяжатдеш аги.
- Се рикІулри, гъари, хІу? ХІела магъар илини саргу дирхъути. Ил сай хІела дудешла мер бурцуси. Илизи хІебагъахъурли, дила ихтияр лебрив, гъатІи, хІу пархъес?
- Ихтияр агархІели, ну ишар калунра. Сен нушала гІямру илдигъунти сари? Сен нушаб дигуси барес ихтияр агарси? – суалприесрятІиб Марият.
- ХІела суалтас нуни цалисалра жаваб гес хІерирус. ХІела талихІ биалри, хІела дудеш мицІирли кавли. ГІур сегъуна талихІ бигулри хІед?
- Марият итил хъули аррякъун. Нешлис ил сарицун ратес дигули ахІенри. Илис гІергъи нешра аррякъун.
- Биур, хІуцун калунри кІел бархІи. УркІи паргъатбиахъес, рукъен гъал-магъ рурсбачи.
- Гъаннара наб нуцун дигулра, нуни чинабалра паргъатдеш баргес хІери-рус. Неш, ратаба нуцун.
- Нешли гъайхІеиб, дуракарухъун. Мариятлис авадан дунъя къакъабиуб. Лебилра хІейгибизур. УркІилизиз гъими имцІабиуб. Амма чичи сабрил ил гъими багъесли ахІенри. ГІядбуллатІип илала хІулбала гъалавад ветихъули ахІенри.
- ГІядбуллатІипра Мариятра цали ца чехІебаили буэс бирули ахІенри. Илди къаршибирки. Амма ГІядбуллатІипла пикрилра аги Мариятличил аварали-зи ахъес. Илдала ургарти мурити ва бизити гъай, шаладикайчи, кадурхули


ахIенри. Халал замана лехIкахъили буркIи. Дугела лехIдешличи ахIенри илди лехIихъути, чула умути уркIбала лехIдешличи лехIихъулри. Марият гужли нешли хъули аррики. ГлябуллатIип биалли, чегъурли варгъира, илдала бурхличи ацIили, шаладикайчи кавли. Марият дураухъайчи кавли.

Агъ, дигайла халаси цАакь! Ил мерсла, бурямла, лямцIла цАакьличиб гЯ-дабли буили саби. Адам чарх-бекIлизив, уркIи-уркIилавад цАакьси виубцад, дигайла гъалав урцIали уили сай. Дигай илгъуна адамличирад гъамадли чедидикес дирули дуили сари, усал адамличирадван ахIи. Усалси адамлис дигайличибад чедибдеш сархес гъамадли саби. Ил чис-дигара селис-дигара ламартдеш дарес гЧелумхIелзан. Ил багъандан саби илис усалси бикIусира.

Дигайла цАакь чедибиркни хIебиркни усалдеш асишдешлизибад хIебургар. Сен? Усалси дигайлисра усалдеш дарес гЧелумхIелзан. Амма асилис усалдеш дарес гъамадли ахIен. ИлхIели дигайла цАакь чедибикили, аслиси вялчIа. Илала уркIи бялча. Бячун уркIи ГлябуллатIиплара. Чила усалдешли сабри, гъатIи, ил бячунси?

Ил бячахъунси – заманали сабри. Дунъяла дархъагардешуна сабри. Гумайла вакилти-халкъла вакилти бетаур. Бузерили белкунти – халкъла душманти бетаур. Хъулухъен ил секIал барсбарес? Гъайа иличила? ХIед бетаруци гIур чебиид. Репрессия или, чули дирути кахдешуни иргъутира далутира агарбiresкабииб. Чила цАакьли? Села цАакьли? Чила буйрухъ сабри ил?

(Хъарахъуд бирар)



МяхІямад ХІЯЖИЕВ



ПОЭТ-АНХЪЧИ АРЯКЪУН

ТабигІятли пагъму бедибси адам, сегъуна санигІят бузахъулихъалли, декІархІевхъи кахІевлан. ИлхІели, гъайгъай, вегІлира гъалавяхІ вашес къайгъибires хІяжатбиркур, сунезирти устадеш гъаладяхІ дашихъес. МяхІяммад Хіяжиев биалли илдигъунти пагъумкар адамтазивад ца сайри.

Дарга марайли саби, сенкIун ца базла бухІнаб авал адам, авалра пагъумкар писатель, поэт, журналист сабри. Илдазивад ца сайри МяхІяммад Хіяжиева. Ил поэтра сайри, сайри журналиста, урибси гъундури диранра, анхъчира, сайри ил чыгъир диранра, пергер далайчира. Бахъал гъалмагъуни марайбиахъуб ил пергер адам ГІямрулизивад арукънили.

М. Хіяжиев Гіаймаула шила Советлизи кабурхуси Буцрамахылив 1950 ибил дуслизив акІубсири. Урга даражала школа Хіурехъиб таманбариб. Шкоализив учІра ил ункъти учІусири. Белчіуди даймбарес Дагъиста шила хозяйстввала институтла экономический факультетлизи керхур.

М. Хіяжиев чумал дус шила хозяйстввала хІянчизартала профсоюзла ре- скомлизив узули калун. Гур сайри «Дагавртодорлизи» экономистли шу- рухъунси. Илав узули калун МяхІяммад пенсияличи арукъяйчи – планти дируси отдельлис бекІдеш дирули.

Илав узути лерилра дусмазивра ил назмурта лукIули калун. Чумал жуз назмуртала дураиб. МяхІяммадли делкIунти дигайла далуйти даргала ГІяхІ- цад далайчибани дучIули сари ва халкълис илди ГІяхІдилзули сари. СС- СР-ла гъундурала министрли М. Хіяжиевлис Хіурматла грамота бедибсири цаибил гъундури диран – писательтала Союзла член виъни багъурхIели. М. Хіяжиев хІянчизарра пергер сайри: илис Дагъистан Республикала ва Росси- яла Федерацияла урибси экономистла хІурматла уми дедибтири.

Пенсияличи аибхIели, гъатIира пачалихъла хІянчиличив узес къасхIеба- риб. Илала дачализиб пергер анхъ лебри ва лебилра заманарапа цАкъанияра анхълис харждирусири. Ил анхълизиб хIебухъуси цIедеш хIебири. Гъан- биркур, шадиб бякъунти гъалмагъунази илини сунени дакIахъиби чумиз- дагуни халдаражъили. Илар киви булан духъулри. ТабигІят дигуси ва ба- луси адам сайри ил. Илала дахъалгъунти назмуртира табигІятычила сари. МяхІяммад галгубази гъайкайкIес вири.

МяхІяммад чагъир диресра урибси уста сайри. Чумилра гъалмагълизи илини сунени дарибити чагъир халдарахъиб, Гіялдешлисра хъярхъси сайри МяхІяммад ХІяжиев. Кабяхъяхъес назмуртала подборкаличил «Гъалмагъдеш» журналлизи лявкъухелира илини сунела чагъир хес хъумуртули хЕйри. Иш яргалис хибси подборкализиб Россияла Игит МяхІяммад НурбахІяндовла неш Кумсиятлис багъишлабариси назму леб (Ил М. ХІяжиева тухума сари).

ХІяжиев МяхІяммад пергер дудешра сайри: хІябалра уршилис ГІяхІси бяркъ бедиб ва багъуди касахъиб. МяхІяммадла хабчбра ГІяхІлдешлис хъярхъси дам сари.

Хабарагарли ГІямрулизивад арякъун пагъумучевси поэт-анхъчи. Бахъал гъалмагъунала уркІби марайдариб ил хабарли. Нушаб Гур илала далайличи лехІахъесра хЕбіркүр. Амма ил нушала уркІбазив кавлан, мицІирли лерал-цадхІи я хъумхІертехле.

МяхІяммад ХІяжиевла хъалибарглизира, узи-уршилизира, лебилра шантазира нушани халаси пашмандеш балахъулра.

«Гъалмагъдеш» журналла ағылу

КУМСИЯТ

(Россияла Игит НурбахІяндов МяхІяммадла неш)

(Поэмализибад бутIа)

Дила авна къариган
Пергер адала рурси,
ГІякълу, сабур, гъабзадеш
Абали арикъурси.

ГъанхІебирки хЕчира
Лябкъни или ит балагъ,
АкІубла чехІесибси
Цалра адамла бунағь.

ГІяхІбарес ахІи, цархІил
Чархлизиб пикри агар,
Адамтала гапъала
Иргъути дахъ-дахъал шар.

Дила ахІерси рузи,
Къадар илгъуна бурги,
ГъанкІ агарти цУмлизир
ДеркІади чумра дуги.

Душмантира кабушиб
БуцІиван вацІализиб,

Паргъатриахъес бара
ХІед Аллагъыли имкан гиб.

Багъур ГІяламли урши
ХІела сегъуна сайрил,
Хъяганагван чУмаси.
Виригу виштІахІели.

«Дузеная, узби!» иб,
Аркъулра хІушазивад,
БегІла ГЕргын бурибси
Ил гъай арцур дунъякад.

Аманатван билзан наб
Бурибси МяхІяммадли,
Илкъайда бурибу Гур
Гъабзадеш агарсими.

Селра баресра хЕйрап,
Къисмат бурги илгъуна,
Нешла децІ бицІхІебицІур,
Сенад дусми аркъялра.

ВАВНИ

Нешла ниъли бухъути
ДурхIиван дилзан вавни,
Ванзала къакъличирад
Къябудути нушани.

Илис биэс бисуси
УркIи дила гъархIели,
Вавни адердес или
Анхълизи вашухIели.

Гъалаб хIясибхIейрира,
Удалтира, далхира,

Гъар вавалис рурсбала
Уми булан дирхьира.

Гъанна чархла биркIанти
ДекIардирутиван сар,
Вавни агар мерличиб
БерхIи ванахIебикIар.

Нешла ний хIедерхьили
Убасиби дурхIиван,
Бисули уркIира леб
УрцIабиубси хъуван.

АГЬ, ДУСМИ АРДЯКЪУНТИ

Гинизла гъалар сарри
Гъалар къаршидиркути,
Шин багъанадарили
Гинизличи дашути.

НушабкIун баисири
Ца гъачам хIердизнира,
КIел хIер цахIнадикили
Ургаб алкунси цара.

Ил цIа саби гъаннара
БархIилис цIакъбикIули,
Дуслаavalра манзил
Чарх ванали бихIули.

Гъаларриван шин ахъес
ХIериадра рашули,
Сайра гъар вакIибхIели
Гинизличи вашули.

Хъули хибти шин рахли
Кадерхурли, агарли,
Ляркъяд или хIерлира
Жинжирагъван лукъули.

Сепайда дила дусми
Ху хIякъули аркъути,
Се баралра чардарес
Имкан, ахъри агарти.



Жүшагиб гляхладли

Наби ГИСАЕВ



НЕШ ВАНЗАЛИ ГІЕВУРЦИРА...

Ваттан дила ахІерси,
Хъумартуррив хІу нун?
Хіечила никрихЛейкІул
Вируси севан поэт?

Хіечивад гъараҳхІели,
Сайри ну хІед учыси,
ХІу багъандан дергълизиб
Алхунтасра висуси.

ХІела ургуба, къурдби,
Гъаларти хҮркІбала кІух,
Неш ванзала далайван,
Дучтар дила лихІбазир.

ХІед дигул набра саби
Дурхъаси жанничибра,
Асилдеш дихІяхъес ну
ХІуни сайри вяркъурси.

ВиштІали левай къапІа
Бихахъес бурсиварра,
Хъулив виас я дурав –
Адамли калахъунра.

Аллагъали гибси пагъму
Поэтливан хІед гира,
Дила гІямру хезирад
ДекІардарес хЕйрусра.

ХІу наб сабри, неш Ваттан,
Маккара Мадинара,
Хіебирхадли хъарбаа
Къярдлизибси хЕркІлизи.

Хъарбаэс бируд гІурра
Ахъ дубурла бекІлизи,
Узиван кабизурси
Наб къияндикибхІели.

КІапІдуцес дигусиван,
Дубуртази вявира:
«Неш ванза нугІебхІели,
Разили сайра нура.

Баркалла хІед, Шаури,
Наб цАкъ гибни багъандан,
Арцайс дуклумиван, наб
Урцес имкан гибнилис».

НЕШ

I.

Гъйчир ардякъун дила
Глямрула гляхлад дусми,
Калун илди гърахъли,
Гъанра диркур рах-рахли.

Амма даймлис калун,
Рирхаи, неш, ахъерси,
Хъела хъерла ванадеш
Урклилизиб бихуси.

Виштиали вирухъели,
Наб гъанбиркур гъаниара,
Хъу мякъла кариради,
Някълаб бири субхъянра.

Хъела ванати някъби
Ахъдурцади заклизи.
Бурагу, неш, итхъели
Се буррил Аллагълизи?

«Дила дурхънани вайдеш
Хъу мабагъаб рикъадив?
Къияйзи бикаллира
Хъу уцахъен рикъадив?

Цархъилтиван, дилара
Рахли зягъипбикалли,
Хъуни вируд, сагъбара
Или-мага рулгадив?

Гъими-къяс ва зулмурти
Дахъдаили сарину,
Дила дурхъначи илди,
Гъаммадирахъийид хъуни.

Багъудлуми касахъес
Илдас икъалавии,
Балагъ анцъкъи-децъ дихъен
Илдачирад гърахъли».

Цацахъели иргъулра,
Неш, нуни хъела тъама:

«Бура ца хъу сен сайрил,
Дила халаси урши?»

«Къакъамарикъуд хъу, неш,
Дурхъаси Аллагъли ну,
Гъурра, вайтъа хъелтара», –
Паргъатли рии, неш, хъу.

Дила далайла тъама
Иргъули саб гърахъли.
Дила далай иргъути
Вай адамти саб къясли.

Илдази чебаахъес
Ахъбурцула нуни хункъ,
Дила далай лебцадхъи,
Хъякъян илдас мурил гъанкъ.

Усал баркъудиличил
Я багъа хъебуунра,
Арц-масла лугърачил варх
Я вашули хъевъира.

Бегътала гъядатуни
Дулъантас –душман сайра.
Чула ши бархъбатурти –
Неш хъумкартурти саби.

Гъалабгъуна гъавра леб
Назмула тугъи каргъес,
Дила тъама я арцлис,
Гъеч, агара къас бицес.

Хъуни дунъя батурси
Хъебла базлизиб нуни.
Гъанрикахъес дигули,
Вирус ца абилкъули»...

Дурхънас нешани саби
Адалкун чиргъмigъунти.
Дурхъни лебай нешани
Ахъен я хъумуртути.

II.

ХIу агарли нуни, неш,
Бурагу се бирузил?
Нургъбира хIяршдирули,
ЩумикIулра хIечила:

Нушаб къайгъна риркъули,
Ардякъун хIела дусми.
Алжанала анхълизи
Каратаби Аллагъли.

Гъачамалра хIеири
ХIу гъуйчив чеввалкIунри,
Нуни бурул насихIят
ЛихIбази хIебуцири.

Нуни гIурра някълизи
Кайсулра дурхъал Къуръан,
Илизивад улгулра,
Неш хIялалрати, Аллагъ.

Аллагъли лерил секIал
ДелкIи сай, бикIар, ишар.
Иличи лехIихъуси
Мурталра вархъли вашар.

Нушази бархъси гъуни
Илини чеббикIахъаб,
Дунъализиб дурхъаси,
Ислам ахIи, агу наб.





Махмадшапиг
Бяхимгалиевлис - 65 дус

ТУХТУР РУРСБИ

Агъ, рурсби, тухтур рурсби,
Больницала жанялар,
Атхеб мукъри къядали,
ДецI агарли думхути.

Дигахъира набра хи
Жагъдарес, сагадарес,
Гъркикъули, хушачил
Набра ургади умхес.

Агъ, рурсби, тухтур рурсби,
Палатала духнарад,
Вавни мяштидикъули,
Анцилтиван дашути.

Ишбархъи, чумал дусла
Дигахъира жагъиэс,
Хушачил варх вамсайчи
Набра хязтани виркъес.

Агъ, рурсби, тухтур рурсби,
Хушазибси уктемдеш,

Зурхъябла къяли къяда,
Жагали кадизурдеш.

Дила гъав ахъбиахъес
Думхути диадалра,
Хушала хи демжурли,
Думхути диадалра.

Викъус хял мабагъаба
Ряхимуагар изара,
Гъардизурти урдухъаб
Хушазирти дигайра.

Думхена, тухтур рурсби,
Мукъриван хуша гурра,
Хушала разидешли
Гъав ахъбиру дилара.

Ил разидеш бишеси
Гъеч биъмабиаб селра,
Щакъси бурямра, дергъра,
Хушала алаб децIра.

АРГЪА

(Далай)

Хела чурми чатирлис
Диур дила даргантас,
Хела нудби дяхиллис
Диур даргала шимас.

Ху пишряхъядли, закиб
Улкан кийибил берхъи,
Далайадли, гяламла
Хулдуркъар тумазир хи.

Ца хIела кIунтIбазибад
ХIябцдеш кайсу вавнали,
Ца хIела хIулбазираад
Шараб кайсу гинизли.

Жагадеш сипатбарес
ХIейрар цалра поэтли,

Вавнала съездличиб
Ил секIал архIерзали.

ХIела жагадешлизир
Дургар сихIру, балулра,
Балукъи, масхарлисра
Хъумартес вирхIейрулра.

АРКЬУЛРИВ?

Аркьулрив, хIила гъяжра
Дила гъалакбарили?
ГIямрулизиб бегI гъалаб
ГIялам хIаяранбарили.

Аркьулрив, аваданси
Улка пашкайхъухIели?
КъацIбикIутала къушум
Гъалакли бумхIухIели.

Армякъяд, хIили зубри
Дисахъули хIерели,
Байдуги шаласи бац
БурщухIели гъуграни.

Ну дугIкаадли, дунъя
Булъан зубри кайкили,
ХIу мицIирли кахIевлад
Зубарти кадикалли.

* * *

Муиран бурушличи
НикIалай базла юргъан
Ца иткъи чебушили,
Щуб ниъла барибси чарх
ГъанкIлизиихъухIели,
Хъула хIярила мякълар
Дарибти дила уммай,
Улас, гъансадикахъя?

Миръакантла махIяри
Чурмани садурцули,
Хъярбукан шанда миршли
Ургуба иршухIели,
Арши ахъил хъуличир
Нуни хIу кIапIсаруци
Башаҳъен уркIиличи.

Чурмала бурх барили,
ХIулби чирагъван алки,
Шантала сяхIбатличир
Арсанван арцурхIели,
ХIечил делхъла дураэс,
Вари жан, хъумартаба.

Гулвавнала хIеркIлизир
ДуцIрум куртIрикIухIели,

Жагадешлис бишIал хIеркI
Макъамта бучIухIели,
ХIеркIла дублав дарманси,
ХIисабвараба, рурси,
Дигив гъябжа ветарус.
Улельяла рашаҳъес,

Дигив, вацIа ветарус,
Щедешличи рашаҳъес,
Дигулрив, хIи думхIяхъис.
ЧерралкIилра гъаррикIен,
ЧянкIли хIуни къасбара
Аргъес гIяшиклила уркIи.

Рашен хIу гинизличи
Гъалав ша вакIаслири
Шичи дуцIрулхъусири,
Унра-хунрасра балли
Шараб-шин дихутири.

БархIехъ гинизла шулгIир
Нуша цугдиркутири.
Ахирагар хабурта
Дугъули думсутири.

Цаличи ца байдикес
Шакра хIедиркутири,

Хъалладиэс, хIердиэс
ВягIдурта диркъутири.

БелчIуди хъараайчи
ХIерлира рикIусири,
Дурути мардирули
Някъ цIацIабириусири.

ИтхIели селис сайрил
ХIед «Шалда» викIусири,
Шагъарлизир дурашан
Марургид рикIусири.

ХIу ахIенси жагаси
БирхIебири селра наб,
БикIутири адамти
Гъарбизаб, жагъти, хIушаб.

Шагъарлизи аркъяси,
Агъи или рисади,
Базла духIинар хIябцIали
Кагъар набчи лукIади.

Чумра издаг батурра
Ну бикIули бикIибти,
Гежбуниван бумхЛути,
Мукъри къаяда жагати.

Тер викIаси шилизир
Шараблара арцлара,
Ну чарухъайчи хIерси
Бамбалара базлара.

Чарухъи дикили сар
ГIяхIцад дусми, ахIерси,
Дигай маслис дицибси,
Диги ганзкадарибси.

Ургубалар, я гIинзир
АхIенри чериули,
Набзи камайруд, бикIар,
ХIу урхIлизир ратурли.

Нясти някъбазирадли
КерхIейсүри, ралтари,
Хъулкила давлализи
ГъатIира каралхIаби.

Ца тилади леб хIези,
РакIи ит музаличи,
АбитIен, уртахъ, занзи
АтIунси уркIилизи.

РакIес риыхIериадли,
Рашен шичи зумали,
Гъаргалав вирусррану
ДигIянни хIерикIули.

Ил бургар наб белкIунси
Къудратла вегI Аллагъали,
Къисматличил жаликIес
ХIелтулира ламусли.

СЕРГОКЪАЛАЛА РАЙОН

ХIелацад багъадурти
БургхIебургар баҳълара,
ХIезибцад дагъричебти
БалхIебалас, бурулра.

Пагъмуртани берхъибси,
Батирай хIериубси,
Бургъаби, хIу, бургъаби,
Сергокъалала район.

ХIезибцад гIяхIти гъубзни
АтIхIекIуб чинабалра,
Ханумуван хабар халал
ВиъхIейуб чинавалра.

ГъалабяхI ганзбикIуси,
Дагъистазиб балгунси,
ХIулбукIаби машгъурси,
Сергокъалала район.

Къиян-жапа дяхIиид
ХIурматличил мурталра,
Гъабзадеш зубариван
Чихъли дихид, вирхулра.

Даршули хIербируси,
Узидеш цIакъдикIуси,
Мурад бааб, дурхъаси,
Сергокъалала район.

**МЯХИЯММАД
ТАХСУРМАНОВ**



АГЬ, ДУБУРТИ, ДУБУРТИ

1.

Агъ, дубурти, дубурти,
Хамти, ахъти дубурти.
Вава-къарла дубурти,
Дагъиста ахъ дубурти!

Пахру саррая хуша
Адамла, табигиятла.
Пахруая – чакнала
Урдара – дирихъмала.

Дубурти – бурям-дяглис
Гъабизуни ва бару!
Дубурти – гъармукалас
Шанданна чумал дазу!

Дубурти, бикъумира
Каркутас дунъяличир,
Дубурти, къалурбира
Къияндикис мерличир.

Дуб буцили дубура
Гъяхигъубзиас пешкешбиру.
Ватлан ва халкъ багъандан
Жанра ахъбиру вегила.

Ахъ дубуртала гъалаб
Душманта бекI гъяшбуциб,
Чуйнара гъармукаби
Дубурлата дуглаиб.

Дубурти ташли сари
Зубрас белшунси лацван,
Гъармукаби-душмантас
Гъакабуцибси гъуцван.

Дубуртала хазнурба
Улка давлачеббиру,
Илдала мургъи-арцли
Яшавра эркинбиру.

Хушала давлумачи
Дураулкни къясдирап,
Мурталра мяштидирили,
Дайм хъясадли дирап.

Агъ, баркабан дубурти,
Агъ, хушала жагадеш!
Агъ, хушала дурхъадеш!
Агъ, хушала дебадеш!

II

Дубуртала табигият
Бирар хекъли пергерла:
Иштихи-гъира алкъахъа,
Гъавра ахъбиру вегила.

Дубриб зярхиси гъавали
Чарх ряхияткабирахъу,
Гъавала умудешли
Биркъантан цакъдирахъу.

Агъ, илабси жагадеш!
Агъ, илабси тяхIудеш!
УркIилизи дашути
Пикрумала жагадеш!

Бахъ тIягIямли бираргу
Илад алав хIерикIес,
Дубуртала, диркъбала
Мер-муса хIисабдирес.

ГIурра тIягIямли бирар
Къунздирес сагни-гIявни,
Муриси гъанкI башаргу
Алав лерхIели вавни.

Щуб арцла чяхI-чяхIиби
ВихдикIар дубуртачир,
Бахъ тIягIямли бираргу
Бамсиихъес илдачиб.

ВацIала-жанивартас
ХIуша дярхъ-гIая сарпа,
Базла бурушунира,
Эркин къумурти сарпа.

Дубуртачиб цуэри
Бахъ азадли гезбикIар,
Дяхъурби ва излуми
Илар жявли сагъдикIар.

Дубуртала бургачир
Дирар къяцни думхIули,
Чедир – гъагулти-ургар
Чакнира, кIайдяхIили.

Маза-масла дурзамти
Дубуртачир гIядикIар,
Вава-къарла тIягIямтас
Мурталра икрамдикIар.

БукIунра дубуртачив
Алжанализивван сай,
Лазат, тIягIям, бизидеш
Кайсули узули сай.

ХIушала къарла къалтин
Алжан саб мицIирағлис,
Арцгъунти урунжуни
Шараб сари гъар жаннис.

Дирихъма кIапIдурцула,
Заб-маркали ицула,
ЩярцIярбикIул берхIили
Шала-ванадиула.

Гъар дайм гъагултачи
Гингишуна диркъулра,
Дунъяличиб бегI халал
ТIягIям-баркат кайсула.

ЯНИ

Лябкъули саби яни,
Чиякъяръили бучIули,
БугIярдешла урехи
АбицIахъули хъули.

Яни, илала чилла
Тяништи сар адамтас –
ДяхIила ва миъбала
Бабздеш дигахъу илдас.

ДягIра – илала бузи –
АлтIан гъарил биркIайзи,
Авлахъкад гезбикIуси,
ШятIла макъам кайбси.

ДяхIи къяржбикIахъули,
ДурхIни саб кабулхъули,
Къянурбачил чехъерти
Саб урунжла башули.

Яни саб къунзбикIули
Шимазиб, шагъуртазиб,
Унза-улкъай лукIули
Сари някъиш-сирисли.

Хъулчрала дубхъначира
Сулдурумти диршули,
БугIярдешла гъигъличил
Саби яни бушули.

БугIярдешла цIакъдешли
Шякъкадикиб къаркъуби,
БугIярдешли гъамадли
МиъартIахъиб гъундури.

Щуба къалтинна удир
ГъанкIизир сар лерилра:
ШялпIялагра, ядара,
Ванзала дибIян жанра.

Янили ва чиллали
Буциб дунъяла ари,
Халкълизиб буруливан,
Белчун дугIбани сарин:

«БухIнабухъи, рухъиала
Къянарира баргиис,
АнцIил бурхIер бугъала
Мукекира пIякъиис!»

РУШБАТ

ЦабехIла азир биркIан
Варакъдарилри хIуни,
ЦабехIла дай уркIилаб
Урдумбяхъилри хIуни.

Дубуртачи дирихъван
Чеакилри халкъличи,
Камагарлири буртван
Ниъла дертур-къямличиб.

ХIярам рушбатла цIахдеш,
ЦIах рушбатла убяхIдеш,
Мискинти халкъла лебдеш
Къяраэс цIахагардеш.

Рушбатли кIибайдиру
ЯхI-ламус ва адамдеш,

Рушбатли гъуни ибхъу
Дерхъахъес яхIагардеш.

ХIярамси саби рушбат –
Илис Гелавадмаркуд!
Ил муриагахъадли,
ХIура бахъалван каркуд!

ХIяким-пуртI, вари, бати,
ХIуни гъарахъли рушбат,
Илини, къуртмаливан,
Дуга хIела адамдеш.

ДакIудара гъабзадеш,
Тудяхъя рушбатличи,
ХIядяхъядли, ургури
ХIу жагъаннабла цIали.

ЧЕБЛА

Чебла агарси адам –
Урми-ургаб бацгъуна,
Сунечиб чеблала вегI –
БецIлис мукъараагъуна.

Сурс-хъяб дурцу чеблали
Дирихъли дубуртиван,
Чебла – дех чебикиби
Инсан урцу хутIливан.

Чеблали гъанкI бумцIахъу,
Лига-тIякъыла изайван,
Чеблали чарх гъяжбири
КъацIдурцли мегъ-шанданван.

Рах-магли чеблачевси
Каршу пинцIукъ хасмушли,
ТIентIлизилра хIедиру
Адамла жан нажасли.

Агъ, чебла, сасес кункси,
Чарбарес бахъ къиянси.
СайсухIели – алжана,
Жагъаннаб – ихъухIели.

Чебла хIечи къизбикIар,
Тяп къядгала занзбиван,
Чебла хIейхъуси вирап,
ТIимкъли буциб вацеван.

Чебла, гъуц къяйда, алтлан
Адамла уркилизи,
Ях агарсила уркли
Гелабушес хилизи.

Хергар инсан цайналра
Чеблалиу хлейкибси,
Талихичевси сай адам
Гъеч чебла хебарибси

МЕЗЛУКЬЯ

Увяхиси мезлукъяла
Мезла агъулизивад,
Гъамадли ахлен верцес
Нясла загърулизивад.

Мезлукъяни тинтидиру
Гъай-мез ва шутини-къунби,
Гъимбуркъахъу кел гъалмагъ,
Къидабирахъу узби!

Изай къаццуцибисилис
Дугели гъанкъ хебашар,

Гъай-мез тинтиедаралли
Мезлукъя усес хейрап.

Илала лезми – агъу,
Илала гъай-мез – хярхъя,
Илала уркли – шаха,
Хер – гъимила лямциала.

Шутини-къунбала хунжи
Гелахъили къаяцли сай,
Гъай-мезла ца удикъес
Халкъла ургав гезли сай.



Проза

Жамбулат
МЯХИЯММАДОВ



МУИРА МАРАЙБИУБ

Камси гъаларван Жамбулат Мяхияммадовли сунела харжаначил мар-марли гъяхити кел жуз дураиб. Саратовлизиб операция барахъили гъергъи, ца хүйзи шала чарбухъун или развиублири ва итил хүйзира операция барахъес укъес хядуриублира виктар. «Гъалмагъдеш» журнالлизир дураахъес сунела сагати белканира хили, ил редакциялизи дурайкиб. Я арадешла даражаличи зигарикүли ахенри.

Машгъурси муршид Гъабдуллагъ-хъажи сунела тулкнала цализив виктули сай: «Инсан хулаги язихъдиш: хъул гиркъал, манзил къантла». Хапли хабарагарли, гъанагарси бехлемцли нушала пергер гъалмагъ, пагъумкар журналист ва поэт нушачивад арукиб. Бахъла уркби хумардариб ил декиси хабарли.

Жамбулат Даҳадаевла районна Журмачила шилизив 1950 ибил дуслизив актубсири. Табигъятла жагати мер-мусаличив халаваибси ил назмурта лукъесра жывли вехихъибсири – школализив учтули левалли. Журмачила, Трисанчила ва Уркухъла школабазив учтули калун. Илала дурхъяли левалли бахъал гъалмагъуни бири. Жамбулатли диндана бирхъи, жагали далайра бучи.

1973 ибил дуслизиб Ж. Мяхияммадовли ДГПИ-ла филологический факультет таманбариб ва учительли узес вехихъиб. Журмачила гехел дусла ва Трисанчила урга даражала школабазив узули калун. Гур Избербаш щагъарлизи гечиуб ва илабси шагъарла газетализив корреспондентли узули калун. Жамбулатли дарган мезлира урус мезлира жагали лукъес, пикруми аргъесли каргъес бали. Чекайзурси па пагъумчевси журналист ветаур ил. Илбагъандан сайри Г. Абу-Бакарли «Ленинна байрахъ» (Гур «Замана») газетализив узахъес живарибсира. Жамбулат гъяхыцад дусмазив Хайдакъла ва Даҳадаевла районтазив собкорли узули калун. ССР-ла журналистунала Союзлизира керхур. Илала белкани газетабазирцун ахенну, дектар-дектарги журналистизирра дурадулхъутири. Илини делкүнти чумилра назму далуйтаси шурдухъун. Илди суненира дучтули вири даргала цархилти далайчибанира.

Жамбулат Мяхияммадов пергер тилмажра сайри: уруслана Дағъиста гъяхыцад миллатунала поэтунала произведениеи дарган мезличи шурдатур.

Бархъдеш дигуси, адамлис кумек-икъала г'ердаахъес бикалли, лебилра дунъя сунес бедибх'еливан разириуси адам сайри Жамбулат Мях'яммадов. Илбагъандан ил валутамира иличила аргъитамира илала халаси х'урмат бири.

Жамбулатлизиби журналистла пагъму хаслира дак'убухъун ил Даҳадаевла районна «Шила Г'ямру» газетала редакторли узух'ели. Республикала районтала ва шағурутала газетабала ургабси абзлизиб «Шила Г'ямру» чуйнал чедибикиб ва шабагъатлабариб. Ил редакцияла коллектив уржахъес бажардиикиб Ж.Мях'яммадов.

Пергер журналистла сабухъчебси бузерира ахъли кыматлабарибсири, ва илис Дагъистан Республикала культурала урибси х'янчизарла х'урматла у бедибсири.

Ж. Мях'яммадовла назмурти ва хабурти гъала-гъала «Литературала урунжунни», «Савгъат» ва царх'илти дархти сборникуназир дурадухъун. Илала сай вег'тира г'ях'илад жузи дурадухъун. Ил луг'илизирад сарри «Дардла далайчи», «Иргъх'ергъулра замана», «Дяхъибити вавни» ва царх'илти. Ж. Мях'яммадов Россияла писательтала Союзла членра сайри.

Жамбулатла юртличибад гъараҳъли ах'и, Уллучайла дублабси катругуси ахъси лусенна чедиб, жавх'елла байхъу гъят'ибуబси къала т'ашли саби. Хабарла Къаракъурешлизи аркъуси гъуйичиб саби ил. Жяв замана къалализи душман гъамик'ули виъни балахъес т'ашбатурсири ил. Жамбулатчи г'ях'иладли дякъунх'ели, илини нушази сунела ши-алавти лерилра тамашала мер-муса чедаахъиб ва илдачила тамашала баянти дуриб. «Амма урехила мерличиб саби х'ела юрт, лесла дубхъикад лац белшес яра царх'ил тях'ярли мях'икамдеш барес г'ях'исири, – дик'утири нуша илизи. – Чис хабарри, шурмала ил лесли сай Жамбулатлис ламарт бирни!»

Жагати Г'ямру дерк'ири х'уни, Жамбулат. Хъалибаргли ва луг'илашал баҳъал гъалмагъуна х'иу хъумх'иртури. Чеалк'ути наслубала урк'ибазира х'иела произведениебани гъуни бургу. Х'иу нушачивад арукъни – даргала литературилес биубси халаси бетахъри саби. Х'иб нурли биц'аб х'ела! Х'иу нушала урк'ибазив кавлад.

«Г'амалмагъдеш» журналла агълули ва Жамбулатла гъалмагъунала халаси къукъяли илала хъалибарглизи, узи-уршилизи ва лебилра журмакунлизи халаси пашмандеш балахъули саби.

«К'АРК'АРАН МУЗА»

Дусла сегъуна-дигара манзиллизиб дигахъис наб т'абиг'ят, иличили гъунинвиэс, гъамси юлдашличиликес, урк'и гъаргбires. Илх'ели цархла бирк'анти датдулхъян. Тяп дек'иси маҳ чебасибх'еливан...

Ца г'ядатлисван, биштаси бардара дила бухъна ФЭД-ра касили (манпа-г'ятла суратчи х'ейасра), «К'арк'аран» ва «Г'улдила» музурбала ургабси дила бишт'ал шиличи х'ерик'ес т'абиг'ятлизи арх'яличи дураулхъупра. Северла шайчибх'и автомашинабала гъуни. Гур къяшла дякъ. Алгъай ва балуй шалубачибад галгубани, къадубани берхъиси халаси шурила байлабад адамтани някъ-някъли «кабердибси» катругси ганзухъ. Эмх'еличиб урца дехличиб ишавад катх'ел шалг'евухъес къиянни бирар, хаслира янила замана. Г'аббашуси эмх'ела дех чекабуцили х'алли, дях'иличиб, миъличиб

«духъяна лихІбар» цУхІбулхънила, къардбулхънила, ругбулхънила урехи кавлан, Къаркъала ганзухъла чедиб, шурла хъинжлизиб, Аккаев Зайпуллагъли къантІси арличилси буркъа къелхІе бихули вири – дяхІи-шахличи Гянжи пухІдирес багъандан. Агара гъанна къелхІе. Я Зайпуллагъ агара. Къизларла районнисив хІериуси ва учительли узуси ил, ара-сагъси адам, бурессад багъана агаркъи, гъямрулизивад шалгІевухъун. АкІубти мер-мусаличиб, дудешлис тяхІярли, ахиратла мина хІебикиб. Иш ганзухъличирад лаг-кат-хІел дашули калунти чумра наслу бикІуливан, итил дунъяличи гечдиубли дургар. Ганзухъ ахъили, лагвяхІ чевяхІхъулра. ХІябъяй. Ца дякъ «Пандугла хъяблабяхІ» аркъули саби. Балуй шайчи ласиубли, лагвяхІ вашес дамирулра, гъигъбатес урга-ургади тІашилзули. Гъинталиван кункли иш мер ихъуси заманара бири. Дагрив? Гъабил бархІири? Марлира, шакалра хІейкили, бурхІни-бузрала, дусмала хІенкъ арбякъив? Агъ, гъямру, гъямру! Дуклуми кункил гъунуц! Шуряхъес валкъхІеури левай, шалгІердулхъули сари.

ХІера иш, ахирра-ахир, «Къаркъаран муз». Гъараҳълавад хІерикІухІели, муз гъуцван гъанарули хъалли, ишаб занзбачи кайисиван ахІен. Гъарзали, хІятта эркинни саби. Сирмугла, мигла, шимла, гІинцла, хъярла, дергла, мяхІяулала, жияла галгубани буцибси бекІличив азадли къунзухъес вирули сай. Гъала хІебла замана музала гІела шай chir, берхІила нурани камли чейгули, пурпила, шимла, сирмугла, хивла галгубала удир гъятури аршиван духъули дирап.

Гъалли шиличи хІеркабикІуси бехІличиб гІиччугІрала къадубани алавбуцибси шури леб, чирчала дубхъиван гъаббакІили. Шурличи гъяширулра. Чумал дус гъалар илар дисла бехІли алъунти белкіани лерри.

Марлира, Хайдакъыла ва Къаракъурешла тарихлизиб «Къаркъаран музала» халаси къадри буили саби. Нушала манзилла X-XII ибти даршдусмазиб Къаракъурешлизи урдумяхъибси Хайдакъыла уцумили «Къаркъаран музаличиб» хІеруди бирутас къала тІашбатахъурсири. Гъанна ил цУрла къел-хІерзи кали ахІен, я илаб цУр лебниличила бахъли балхІебала. Ил музалис гъамли далцути, делгІути, анкІи-мухъили мекелли духъути хъуми дирниличила гъести гъямура адамтани хабурти дурули сари.

«Къаркъаран музаличири» лацла хъулчни лерни бахъли бала. Ишарад гъячихъли чедиути шимала мераначир цУрани кали сари. Амма «Къаркъаран музаличибси» цУр бегІлара мягІничебси буили саби.

Алавчар карцІли хІерикІулра. Къаркъала къалала къараулла кіалгІяли-чирад Зубанчила, Кудагула, Зилбачила, Ирагъила, Гъяммузгала, ГъярбуқІла, Сулеркала, Хайдакъыла районна Гъулдила, Лищала, ЖираਬачІила, Дяхънисала, Сурғигала шими хъатларван чедиули сари. Илди шимазиб дила юлдашуни-тянишуни леб.

Зубанчив, Гъулдив учительли узули калунра. «Ленинна байрахъла» корреспондентли узухІели, Даҳадаевла ва Хайдакъыла районтала лерилра шими хъурали ва машинтачир чуйнара чедидяхъира. Хала бегІтала минала гъяхІли баргира. Сагати гъяхІялдеш дигъунра. Сен сабира бахъхІи чехІебаиби дила юлдашуни? Камли къаршииркалли, гъамти адамталара ургала гъараҳъ-биркули къалли. «Капитализм» бикІуси, мас-давлаличиб лушуси ишхІелла заманалира къара къурушла хъулчиличир сари бархбасуни кадилзахъути. Кепекличи гъаргъдешли гъяхІялдешлис мер балтулив? ГъяхІялдешцену, гъятІи, ишбархІи пулкІуцІдирути?!

ХIерагу гIебшнила аргъван, пикрумира дарсдикIули, жургъдикIули сари. Сен-сарил пикрумира пашманти сари, хIятта савлиличибад гIяxIси гъав-личи жибикIуси берхIи кIайбизурли биалра. Нуранаур шинишли духътуи, хIунтIей ухути кIарани багъла-багълали чула мина бархъбалтули саби ва, гъаваличир лапIардухъи, ванзаличи тIама агарли кадиркули сари. Яра ур-га-ургади чебулхъуси циркIси цуэрли къялубачирад илди къядирили сари, гъядяхъили, гъараҳъи ардихули сари. ХIеркайкIули левли, хIулбала гъя-лаб жагадеш бубкIули саби, я кумекбарес ахърибикIули ахIен. ХIера иш ишаб, някъ чебетиүйхIиб, дергла галга. Хурдаси хурван, ил бусягIятал тамай «умчIуси» ахIен. Кашаурти, дерцIиби цIедеш, ванзаличир диалра, къялуба-чир диалра, март-апрельчици бикайчи, хIеб дакIайчи, кавлан. ИлхIелира ма-за-къяцалис, тIабигIятлис мardеш дихIути арцантас, нугъунти архIяликъя-набас хурегли детарули. Гъанна дугIла цIедеш рахлира пайдаладирили ахIен – баҳъ хамбиубдешли. Дургъбала жапати дусмазир чумдехI гIямру гIерду-циба илдани!

Нуша диштIали дирухIели, гъарилла юртлизир, имцIаливан къапула хъ-алчличир дургбала чIупри дири. Янила гIеркъати дугурбазиб «Пайт1ула унзала» гъала учибиркути жагъилтани чIала бушили илдачи чябхъин бируди бири. Илдани, кIарала дяxIудущиби дургба, къанцIли, сирмугуна, хива буркъунзала къумур жагабири. ГIярбукила базарличи хамис бархIи дицес дихи. Чармадухъаб къиян-жапали делкъунти, къарциндешла чиллали чярхI-дикIути байтарман дусми!

Дикъурти-хIедикъурти дургбира хIясибарили, «Къаркъаран муз» бархъбалтулра. Каспила ругертачиб хIябцдешли белкъунси хIяна дирихъра дубурла хъуцIрумачи кабииб. Савли, вацала хIуливан цIивбизурли, берхIи тIабигIятла хIяста гIяжаибирусиванри. ХIерейс аргъли дяxI дарсдариб.

**Чихъ зubaрази бургъули,
Азиr дус тIашлири хIу,
Чили журмукан тарих
ХIуниван чихъли диху?**

**Чум насабла, наслула
Бикъири хIу къисматла?
Къяркъси лехIдешла тIамри
ГIералгъан гIяламатла.**

**Сецад шалгIердатурри
ДяxIи-шах, хъябхъя хъярхъти!**

**Бурямти дулхъи хIела
БекIличир цIуцIла делхъли.**

**Бяxъяни дяxIиахъес
Набра га хIела сабур,
Дила шила у бихIес
Къарауичибси дубур.**

**Манзилла мявализиб
Калаби жагъбикIули,
Зубрала ахъдешличи
Хъулчиначил жибикIули.**

ГIЕРДИРУТАЛА ГIЯКЪЛУ СЕЦАДХИЛИС БИУРА?

Миллионти россиялантыван, нура викIулра: 90 ибти дусмачибад бехI-бихъили, чедибтани гуж-гужли чебилгъуси жамигIятла-политикала иш ни-зам белгиагарси саби. Я социализм ахIен, я капитализм ахIен. Гъанмабикаб, СССР – алжанала анхъ сабри викIули ахIенра. Компартия буйрухъбикIухIе-лира, хIябилра дахъал шиш-къиш, имцIякъ ва дургIети авара лерри.

ИшхIелла думяхI гъатIира қахти сари: жягIялла бархIиличи умут ага-ра, меxIе дерхIибиti нажасунази хъямхIебарахъес дурхIни школализи някъ буцили бикулра, къачагъунала дигIянати ва ламартла гIямулта диргIядир-гулра, бархIехъ къакъурбази дурадухъес урухкIулра, дурала пачалихъуна-зирад дихути продуктунаци хъардиркулра, дипломти исулра, киса бацIли азарханализи адацIес хIедибулра, ВатIа культурала, литературула, искус-ствола дяхI детихъахъулра. ЦархIил бати, «материнский капитал» бикIули, биштIати алкIахъес лявдибулра. Гъайла къантIа, ляв-кIучIличи, гIямултачи, рушбатунаци белшунси хIукуматлизир язихъли хIердибулра. Г!е, имцIати-гъунти адамти. Мурдайэс урчи асес инса ахъри агархIели, давлачебти яхта-бачиб, саби бегIти самолетунациб баштути миллионертачи, хIякимла утали-чи кабииби дакIу-гъаргти хъулкначи гъимихIедулхъану?

Партияла уличил къяркъси тIул гъакIибуруси манзиллизирра дахъал гъун-дuri къаркъуба гъакадарилри. Гъайли аргъахъес хIейести къадагъуми дiri. Сегъуна-дигара сабаб леббиаб, хъарахълизи, Ногъайла авлахъличи колхозла хIянчила хIякъултив – хIайван бухIнакайули (гIяибла бегI ил саб-сиван). Вирутицад хIайван-къача, маза-мас адилкъахъес ихтияр хIелуги. Шагъарлизи архIяличи укъес – бекI изахъуси масъалари, сенкIун шагъарли-зи автобусуни камли дiri.

Партияла органтазиб бузути хIякимтас – хости тукенти, буфетуни, ду-рала улкназирад дихути дурхъати, черикIла масани дiri. Гъари, вирадли, райПО-лизи бакIибси мас райкомла секретарьла ихтияр агарли шимала ту-кентази бутIа. «Союзпечатлизиб» гIяхIси жузлис къулбасбарес имкан хIе-бири. ГIядатла инсай райПО-лизибад декъла гавлаг асес хIейри.. Райкомла бягIуси къакъли имканти гъакадарилри.

Наб тяништи мисалти гъандуршиc. ВеcIал биштIатала дудеш (МяхIям-мад виаб сай) райисполкомла председательла заместительчи декъла ца гавлаг белкIахъес дугъайзурли сай. ЗугIяла аргъили, зампредли райПО-ла председательчи телефонназирад зангъдяхъили сай:

– Гяли Гялиевич! Пулан шилизивад пулан адам набчи вакIили лев. ВеcIал биштIати абилкъули сай. Килограммти хIясибли илдигъунти хъа-либаргунас декIардирути декъ диули ахIен. Мискин яшав барес дуцIрумла замана ялчнадвашули сай. Кулпет язихъхIебиахъес, хIела хъали, ца гавлаг декъла бедахъа. БусягIят хIечи лявкъян.

Ил секIайчила аргъили, нуни МяхIяммадлизи хъарбаира:

– Гъу, къуллукъ барибу хIела?

– Исполкомли вахъ язихъизесли сипатварибIели, райПО-ла председа-тельчи ацIес урузиубра. Мар-марли илгъуна усалси даражаличиврав ну или гъанбикиб. Спекулянтунаизирад кIиркаси багъалис асира.

ЦархIил мисал. «Ленинна байрахъ» газетала собкорла къуллукъличи ГяхIамдхан Абу-Бакарли ну къабулварилри. Районна хала хIякимличил тянишиэс (редакторла хъарбарь хIясибли) райкомла цашибил секретарьла кабинетлизи ацIира. ХIери гIергъила замана сабри. Приемнаялизив чилра аги, шимазибад чула зугIяла лебли бакIиби адамти арбякъи бииши. Гъ-айкадикIули лерли, кабинетла унза жикъдухъун. РайПО-ла председатель-ли мяхIкамли бекI гъаббакIахъиб. Цала мерлар кIел чедаили, унза багъали къяпIдариб.

— Ит валаду? — чыбарличи бяхыбси къалтинничив къунзикюси «райком» уталичи кайбси набчивях шуряхъиб.

— Валас.

— Нушала районниси хыу вакъес хябал бархыи гъалаб набзи балахъен. Хиед дигуси секюл бирахъис.

Кахидизур иличил ариш-баришла гъалмагъдеш.

Гъала-гъала «Ленинна байрахъ» газетала редакциялизибра цацабехити хянчизарти дила хялалдешличи ташмишли, хебирхули кали саби. «Сунел арилизивси собкор, илис гъалабти юлдашуни тяхырли, хъямикъес бурсикайрап», — бикюли буили саби редакторлизи. Илдира хатабикиб.

Избербашлизивад Мажалислизи күлпетличил гечиубси наб, арцлис «гъадурцути» хъали-хъайлив къяйцыха-хейкюли, хукуматла за хъа биалра квартира гахъес, бунағ-хатта урдуц, Гияхимадхан Абу-Бакар Хайдакъла «такшилизи» вакъиси. Цаибилличи адацпира. Яхши-хушлис Гергъи Б. Гияхимадов виктар: «Район на хорошем счету в республике. Ваш корреспондент не заходит, не согласовывает, ищет, чего бы покритиковать». Нушачил бержакъес Хунгияла къадани кийибил секретарь, Гярабатта Мирзажанов вархыбиси.

Культурала анкъурбала усалси бузерила хекълизиб Жавгъатлизибад бакъиси Гярза хясибли критикала дила макъала «Ленинна байрахълизиб» дурабухъунхели, Бибала Гялескендевичи ишкъайда ибси: «Секретаря райкома охаиваешь, какого-то проходимца поддерживаешь».

Партияла замана журна-журала савгъатуни ва шабагъатуни чили ва секъяды кайсутири? ОТФ-базиб, МТФ-базиб бузули, халати шабагъатуначи «лейикъирканти» мицираг адилкъанти- хякимтас дирути хурмат-хатир хясибли бири. Фермабази баштути хякимтас хурмат баррив — «Хурматла лишан». «Аркъяналис» нешер кигъала къак кабихъирив- жакъни килизай демгахъес ихтияр сархулри, сабира орденна ахъдешличи абиуси. Уртахъла бригадала мукъри хечи делкъахъен — хубузерила гъавкъяри.

Масхарала илдигъунти номерти, вузлизир дучухели, Геббурни хясибли, нуша студентунамира чедиахъутири. За дус бузерила практикаличи Мамедкъалализи, Ш. Гялиевла уличилси совхозлизи тутти дучахъес дархъитири. Гърацланнлизивадси М. Гябдулвагъабовличил вягъаладиубли, Чала бушира. Мяхыммадла у бакъис. Тутти дурчнила шайчиб бедибси норма нуну херибаайчи таманбираси. Хери Гергъи далцунти «берхила цедеш» Мяхыммадла бадиравизи дашутири. Дурусли гъанхебиркур, илис «социалист абзлизиб» кийибилрил, хябъибилрил мер бикиб. Премия вягъиды хясибли цуг-цугли буттира.

Ишхелира даражлуми, абзаначир, конкурсуначир, олимпиадабачир гъаларти мерани вегъла бажарди хясибли сари диркахъути. Хябилра дахъал пишни-шикъ лер нуша-алавра. Илис биэс, хукуматла бургани социализма цацадехи Гядатуни, лишанти чардирули саби.

СССР пашбехъубла дикибти дусмала духинар социалист тяхырла сегъунти Гяхидешуни чардиубли? Къулай-къулайбарибси гимн ва илала музыка. Миноборонаукала сипта хясибли, 2009-ибил дуслизир сагали акъахъубти студентунала стройотрядуни, халкъла Гяхылати дружинаби, бузерила Игитла у, ГТО, ДОСААФ, школьникунала цагъуна форма, лебилра бучан-

тас хасбарибси историяла учебник, Гърмиялизир замполитунала (офицерти-воспитательтала) къуллукъуни.

Цархилти сегъунти дарсдешуни диэс асубирара? «Аргументы и факты» газетализи лукIуливан, медицинала вытрезвитель, масанала качествола шайчибси лишан, бехIихъудла давиласи хIядурдеш, пионертала ва октябрятунала организацияби, «Неш-Игитла» у.

Писатель ва политикала хIяракатчи Эдуард Лимоновли лукIуливан, «СССР – ялчнала ва хъубзурала пачалихъри. Гъанна нушала пачалихъ олигархунала саби, ва чумал азир хъалибаргли ил буцили саби. Лерилра дарсдешуни бахъал багъандан ахIи, илди багъандан дурадуркIути детаури сари»…

Марлира. ишхелла «чарбарьнуни» нукъуйс някыш вара? Нушала хала хIякимтани гъарли-марти, халкълис манпагIятдиэсти дарсдешуни дирули вара? Мискинти ва давлачебти даршубиругала Гердирулира? Гердирутала гIамултар Гякъулис Гердаэс нушаб имканбакIесара?

БЕЦІ – МИЦИРАГЛА ДУШМАНУ ЯРА ВАЦІАЛА САНИТАРУ?

БецIличила дахъал тамашала баянти делчIунти, аргъибти сари нуни.

БецI – хурала къамлизибадси урехила жанивар саби. Күц хIясиблира ил хяличи мешубиркур. Амма хури, ашкарливан, адамтала юлдашуни сари, бецI биалли адамли мурталра сунела душмайзи халбир. БуцIи гъар мурталра хъа мицIираgliчи чедулхъан, янила замана – адамличира. Адамти бахъIи буцачил гъазализиб бири, илдас гъарли-марси дави багъахъурли. Ил давилизив, гъайгъай, адам чедииркулри. Кабушиби гъарил бецIлис хIятта премия кайси. ХIера илкъайда Англиялизир буцIи хIерзи хIебатурли къирдарибири. Ил анцIбукулис хасбарибси памятник булан тIашбатур.

Северная Америкализир, Аляскализирад Мексикала югличи бикайчи хIердирули дирути буцIи чIянкIли Канадализир кали сари. Миннесота штатлизибра чумцIалил бецIлис дерцес бикили саби. Луизиана ва Техас штатунала ГяцIити дуба-карчIализир сецадал буцIи кали сари. КъерхIе буцIи. Индиялизирра илдигъунти дираар. ХIушаб Киплингла «Маугли» бикIуси жуз гъанбиркуру? Илаб чула гъабкъянали бекIдешдируси буцIала хIенкъ къерхIе хурала хIуребаличил бяхIисири. Илди хури гъарли-марли къерхIебири, цархIилван буралли, хIунтIена буцIири.

Гъайбил даршудуслихъла ургайчир, селрацад секIал хIебатурли, буцIи агардарибири. Таманни къирдарес асубиригу – Гяжаидеш дакIубухъи саби. Дахъдаиби гърми, пурс къяцни, барткелти хъумачи чедашандиуб. ДегIнуби дерцахъес тяхIярагарбиуб. ИлхIели инсай аргъили сай: буцIи пи-кридарибси тIабигIят мар-марли пасихIкар буилигу. ТIабигIятла царугдеш бецIли гIеббурцули буилигу, къар дугутала къам цАкъли берхъахъес хIебалтули. ИлхIели адамли бяхъ хIярхIбарили сай, цадехI мераникIун хIерудила дураг датури сай. ЦацадехI улкнас жаниварти асес балли чебуркъиб. СенахIенну буцIи, цашибил яргалис, зягIипти, гъунарагардиубти мицIираgliчи сари чедулхъути. Ил багъандангу илдас «вацIала санитарти» бикIутира.

Амма буцIи цункъаби, урехилати, дебали къяркъти дираар бикIути хабурти ца или демдахъурти сари. Цункъа буцIи камли къаршидиркур. УргIебли, буцIи къукъинадли дираар. ЦацабехI Гялимтани буруливан, буцIала Гямуру адамталайчи мешути сари. БахъIи буцIачи хIеруди бузахъули калунси

специалистли илдала табигиятлизиб беклибиубси «къиликълизи» гъалмагъдеш дигахъни халбирули сай. Илцадра буцли дархдалгунти сари. Къуйрукъуни силтедирирули ва къянкъуби сунтедикъахъули илдани чула диги иргъахъу. Буцала хенкъ дебали уржибси ва зегъячебси бирар.

Буцли журалуранганала дирап. Масала, Канадала буцли цударашиби дирап. Россиялизир хъанциа буцли имчили къаршидиркур, тундralизир цубаби дирап. Халабаибси бецла бухъяндеш, къянкъла бехличибад къуйрукъла бехличи бикайчи кел метрличи халбирули саби. Декедеш – 40-45 килограммла. Северла буцли югла буцлачир халати сари. Аляскала цацадех жанивартала 80 килограммла битлакл бирар.

Амма лерилра буцланы ункъли гягли бикъу, хиятта 1,5 километрла гъараҳъли. Гъундури гъамадли чекайсу. Хияжатдеш биалли, 55-60 километрла хъярхъдешличил дуцедикъар.

Буцала «Хенкъ» 2 – 36 бецлизибад цалабикес бирар. Амма хенкълизир имчиливан 6-8 бецдирап. Ил хенкъ уржибси хъалибаргличи мешуси бирар: ада-аба ва дурхини. Хъалибаргла зегъя чумаси саби, гъарилли сунела мер бала. Лерилра жалти урехила күчани кадуцили ва гъугъидикъули ирзу. Цаличи ца къаршили кел дехидизалли, илдас зарал бетаайчи, чумал бецли цаличи чедулхъан ва низам кабилзахъя.

Дуцрумла замана хенкъ дугели гиярбашар. Херели, буцлархели – бамсриихъу. Бергала белгибаралли, къалабахъедикъули, тамиа-гъама агарли илис гөргъи дашар. Буралли, 450 килограммла барткел урехила къаршикар саби, хаслира ца мерла ташбизурхели ва къашмачил ларбикъухели. Ил секил балули, буцли гъалакхъедикъар. Эгер бебшес аварабухъалли, хапли чедулхъан, сенкун дуцбикъуси замана къаршидеш дарес барткеллис къиянбулхъан. Амма буцли имчиливан зягиптачи, духънабачи, гъунарагартачи чедулхъан. Гияр гъарбизалли, гъигъла манзиллис 6 килограмм дильда буга. Бикибси халасигъуна бутла гурлис дигиянбир. Делкъи гөргъи, буцала хенкъли урехи агарси мерличиб бамсриихъу. Закличибахи бекл ахъбуцили, цали каҳси «далай» бехибэрхуу, цархилтани багъла-багълали ил гөлбүрцу.

Буцли селис авдикъулил специалистунани гъачамлис балули ахен. Белики, декъардикитази илкъаяда жидикъули дургар, белики, чула мер-мусадиъниличила унрубази балахъули бургар...

Янила замана, хаслира январь, февраль бузразир буцли къукънаддиркур, бикъуливан, багъдирирули дирап; гъачамлис дурхини даркъили ахенну, чула канила къайгънази диркур. Адамтала шайзирад хияжатагардеш мягълумдиубу – берцуди бара.

Гинзи кули шинни дужахъес дукибси Шайххисанов Махияммадкъадис ца «бекл» агарли хъайгъи чарулхънила се хабарри! Гелабяхъиси гъуйчив шилизи ваэс байхъала километтра каҳели эмхес урца дех барес геллав калунгу – «Жунабла бахъличир» хъанциа душмай къя урдубази ганжуби атлахъун. Къя каҳти тамири аргъибти дукикъянаби Акаев Арсен ва Хияжиев Махияммад музабухъи, къял капуллабиахъес хебатур. Белгъун. Архъес, дильбарбарес шилизибадра кумек гөлбайиб: Махияммадов Гиябулжалил, Султангъяхъимадов Ибрагимбек, ва цархилти. Шилизи умхлачир хибити дильби, бикъуливан, ванзаличи кадаахъес хедатур. Асиб. Зарал кункбиахъес – журмукантала илгъуна гядат лебси саби. Цархилти шимазибра бургар.

Бецл, синкаван, цураван. «някъличи бигъес», бяркъес вируси ахен. Илис бургар ишгъуна бурала дакъубухъунсира: «Севан балхадра, бецл вацализи хөрбикъар». Вари махкамдеш баая илизибад. Вацала санитарли калаб саби!

АРЯКЬУН ПИСКИ МЯХИРА

Заманалис сай иши шаласи, амма аргъес къянси Дунъяличи адам лявкъуси. Сунес дигуси биули, сунес дигуси бурули хIериубси чевяхIси ахъушанра итил дунъялизиси даимдешла хъули арякъун.

Писки МяхI илини касибси чеу сабри, ил сай биалли МяхIяммад Глябдуллаев сайри. Писки МяхIли дунъяличир 84 дус деркIиб. Глямрула Гергъити кIел баз сайри ил зягIипли калунси. ТабигIятли илис чIумаси арадеш бедилри. Ташагарли къалиянти дитIикIули вири, ва бурушличи викайчи ил битIикIули калун, ца назмулизив булан ил викIули сай: «ПехI къалли лайбакIира, Пагъ мурт бархъбатишара?» Селичилра хIерхIели, Пискис бархъдеш бурес дигахъи, ил бирес ишбархIи урехиласи булан биаллира.

Пискис багъуди касес хIебикиб, сенкIун илала дурхIядешира гъамадти ахIенри, сунени узули сархибси къацIла тIем багъес илис жявли чебуркъиб. Хъубзарлайчил илини цалра санигIят цугбурицули хIейри, илцадра ил чебяхIли чебии. Лерилра Глямру бузерила адамлис далайикIули деркIиб.

ТабигIятли Писки МяхIлис бугаси Глякъура пасихIси лезмира дедилри. Ил сайра илди ГлягIиниси тягIярли пайдаладарес бажардиикиб. Пикрибарагу ѳа, секъяйла кIел тугълизив иши нушала пасадси ва юмкуси замана дурусли сипатбарес бажардиикибал ил пасихIси поэт:

Вирултив: аса – бица,
ХIейрултив – мухIли буца!

БегI гъалав Писки МяхI машгуриубсири «Дила ахъушантани уркурли Гляра бурицу» белчIунхIели. Илизиб пагъмула халаси цакъ лебли биъни тасдикъбариб веџIани дусмазиб сунечи лебилра дарганти паҳруличил лехIихъули калунси «Тухумти» бикIуси далайли. Гъайла къантIа, ил дигалли лирик сайри, дигалли – сатирик. Пискини поэзиялизиб Батирайлара Иминагайла Глязизлара бетуц даимбариб. Батирайлис багъишилабариси назмулизив Писки МяхI «далай белчIунхIели, хIела унц белгъун биалли, ну туснакълизи катурра» викIули сай.

ГIе, нушаб ГIур Писки МяхI телевизорлизивра видеолизибра ахIи, я улхъули, я далайикIули чеэс хIебиркур. МяхIли сунеласун жагали далай белчIесра бали, илала делхъличи къалли илди чедаибси бухъянси заманалис Гляшикъиусири. Глямру дигуси ва илдала жагадеш иргъуси адам сайри ил.

Секъяйдали Гляк-ГлякикIил Писки МяхI! Гумайлизи кабишибти тя-мадабани савли Пискила Гляк-Глякла аргъалри, «Писки Гляк-ГлякикIули Гергъи, ишбархIи нуша Дунъяличир паргъатли хIердиэс дирехIе» или бурусири.

Писки МяхI писательтала Союзлизи керхесалра валхIейзур, сунес ил барахъес чилра диргалаулхъуси левли хIейалра. Ил сунела жузи дураэстра гъалакикIули хIейри. Дурадухъунти чумал жузра илала поэзия дигутани итмадан хъямдарили асиб. Хала хIякимти илис Дагъиста халкъла

поэтла, далайчила яра делхъчила у бедесра шакхъебикиб. Халкъла поэт туни бетаэс багъандан сегъунти-дигара авара дирути лебли биаллира. «Халкъла поэтла у хала хъякимта ахъен лугусину, халкъли саби», – бурули вири илини. Гъарли-марли, Писки МяхI, тяп Батирайгъуна, халкъла поэтра сай.

МяхI гъямрулизивад арукънили, марлирагу, Дарга цыуръабариб! Чумал бархIи илала муръаличи Ахъуша Дагъиста шими-шагъуртазираад децI багъахъес музабулхъути адамта дицIобти машинти хъеркIван да-шупри.

«Хъяж барес сен хъякъули, Писки?» бикIухIели, ил викIусири: «Зиярат барести мерани Ахъушарра даари лер». Шантала хъябрала мякълабси сунени къараулбируси школализи цадикибхIели, илди дишес адамти дурахIебухъунхIели, Писки хъябрази ветацIисири ва ахъли викIусири: «НахIа мицIиртазибад гъяхIдеш агарану, алхунти, хъушалра адизирая!» Гъурара, къакъализив къаршикибси Писки МяхIличи, андалишибси майара ушкули, гъеркIули ватихъибси ца вабза адам «Хъушала роддом чинаб саби?» или, дугъайзурли уили сай. «Ихаб!» или, Пискини хъеркIла дублабяхI чебаахъули сай. ХилхIи дуцIухъи ватихъибси вабзас гъелавад хъеркIули, МяхI викIули сай: «Умгули мага ургар их!»

Пискичил детаурти тамашала анцибукъуначила ва илини дуриботи пасихIти никрумачила арагIеб жуз белкIес вирап ва ил халкъли иштихI-личил бучIи.

Филологияла гъилмуртала доктор, критик ва писатель Гъядбулла ВяхIидовли Писки МяхIла творчество руркънилис багъишлабариси мурхъси мягIналичилси халаси статья белкIун ва «Замунтала хъябъяй-личиб» бикIуси гъилмула жузлиги каберхахъур. Амма илинира ПискиИла творчество бяркъурли ва тамай кыматлабарили биъни иргъахъуси ахъен.

Пискила далуйти гъурра дахъал дусмазир зайдикIули ва даргантас разидеш бихули кавлан. Ил – нешла мез далути даргантала уркIазив даймлис кавлан. Илала гъяхIцад назмурти ва далуйти урус мезлира дураэс чебиркур, Дагъиста цархIилти миллатунала вакилтазира ил вагъахъес багъандан. Сай мицIирли левалли, ил барес чилра шакхъейкиб. Нулачивад арякъун, бикIуливан, могикантазиваадси бегIла гъергъиси чевяхIси дарган – Писки МяхI.

Писки МяхIла марти гъалмагъуна илала хъалибарглизи, узи-уришилизи, лебилра ахъушантази халаси децI балахъули саби.

«Гъалмагъдеши» журналла агълу



Поэзия

Писки МЯХІ



Сатирала назмурти

ШАЙТАЙС ДИГУЛ ДАЛАЙЧИ

Дин хІейгүл далайчиби
Нуни чехІебаира.
Далай хІейгүл динчиби
Чумилра чебаира.

Пагъмула вегІли ахІи
Далай белчІес хІебала,
Гъякъулла вегІли ахІи
ЛехІкахъесра хІебала.

Шаддираллира уркІби
Далайличил шантала,
Динчи викІар далайчис
Юлдаш сай шайтІунтала.

ШайтІунти-илбисуни
Саркъира лерил чузир,
Ялгъян динчиба чейу
Илди далайчибазир.

Сунес юлдашварибси
Шаддеш бихул далайчив
ШайтІан духуси бургар,
Душман варибси къямбар.

ХІебалас цІуба сабил,
ШайтІан цІудара сабил,
Тамашала бургар ил
АкІубси саби-сабил.

Балулири, бекІбяхъ, хІуни
ШайтІа вайдеш, убяхІдеш.
Г'урра ункъли балули
Ургуд шайтІа неш-дудеш.

Шадси далай, ванал дев
Мезлукъуна мадакъаб,
Мунапикъра мезлукъра
Лебси мерлар мерс дақъаб.

ЧинкІирти бакІибхІели,
Дубуртази нушала,
УркІдухъи, бишун, бикІар,
ШайтІунтас нурла шала.

ХІела шанти хІейгуси
ХІечибКун, чИнкІир динчи,
ВерхИна-гехИна гъалав сай
ШайтІайс дигул далайчи.

МАСХАРАРА БУНАГЬРА

Селра сабаб агарли,
Абдалцун дукарирхIур,
Амма, сабаб агарли,
Духуси дукархIерхIур.

Халкъ дукаркIахъусилис
Биур бикIути бунагъ,
Леб цабехI альбахъуни,
Акарти чучи Аллагъ.

Накълу виубли идбагъ,
МарайбиубхIели дин,
Динна агълус Аллагъли
Вархъиб Мала Насрадин.

Насрадинна масхурти
Лер гъаннара мицIирли,
ЗайдикIули гъар мерлар,
ДукелцIили дицIили.

Баэс гъягIиниси бунагъ
Бугътантанта итусилис,
Бунагъра халал биур
Халкъ биргIябиргусилис.

Се бикалра букасли,
Кани изнира балас.
Гъанбикибси бурасли,
Ну цахирнира балас.

Аммаки масхарачис
Бунагъ биур бикIути,
Илди саби идбагла
Гъйчибад чеббалкIунти.

Бунагъли вагъаслира,
Балагъли ульяслира,
Масхара хъебурили,
Ну хъериэс хъейрулра.

ПИСКИ, ХIЕМСУРЛИ УРГЪЕН

ТIама бахъ ахъбарили,
ЗипIикI, зянкъярмабикIуд.
Сецац зянкъярбикIадра
Дядличи ахIебиркуд.

ГъугIу-мугIу бикIули,
Дагъа, инжитмабируд,
Булбулан далайбикIес.
ХIу бажардихIебируд.

Вавнази байбикIули,
ТIентI, мухIли малукахъид,
ХIуни, варъа барили,
Адамти хъебукахъид.

ЛихIбира дингаили,
Дяга, хIу дуцIмабикIуд,
Бидавливан, дуцIбухъи,
ХIуни дузаб сахIерхид.

Заблис гъергъи акIубси,
ХIеркI, хIу гъалакмабикIуд,
Сецац гъалакбикIадра
Урхънази кахIебиуд.

Гъякълула чIяртIа чIалтIа,
ЧинкIир, хамли чIярмайкIуд,
Чакала ахъдешличи
Аргъа, дибягъ, ахIеркуд.

ГъалбецI зягIипли или,
ХIявбецI, хIу хIулмабуркIуд,
Итира убяхIси хIу
Гъурра убяхIли бубкIуд.

Ил хIекъдеш хIергъутачил,
Писки, хIемсурли ургъен,
Илди илбисунани
Ибси ургIебли иргъен.

ВАТІАЙС

ВатІан хІечила дахъал
ДурхІедурис гапъала,
Уржилрину хІу дила
Гъар тимхъличил уркІила.

ВатІан, хІечила имцІякъ
Далай хІебучІас нуни,
Дила лерил ахъри-цІакъ
Харждирисра хІу гъанни.

ВатІан, хІечила дахъал
Дугъби дуресра хІейги,
Ахъес хІейрус дугъбачил
Нуни хІечирти диги.

ВатІан, хІу сабри дила
ДуцІар дигайла майдан,
Набзибад лябкъул бирис
Биаҳъес хІу авадан.

ХІечи карцІайла цІали
ХІеб анхъван ухъахъулра,
ТалихІла дуклумачив
ХІуни ну урцахъулра.

Дурхъал дудешла агри
Набзи хІебагъахъурси,
Дила жан, дила алжан –
Дила чебяхІси ВатІан.

РУШБАТЧИБАС

ШайтІан шакхІебикесли
ДигІянали бихули,
«Рушбат бухира» или
Бахъли буру дақІули.

«Рушбат бухира» викІес
Бухибси урузхІекІар,
«Рушбат сасира» или
Бурес сайсан урузкІар.

Рушбат бихан хІяжарра,
Рушбат сайсан хІякимра
ХІявбуцІи саби кІелра
ХатІахІеркур викІалра.

ГъимихІевхъес дирару
КІелра кІарзачи ГІяшти,
Чедивси чевверахъес
Мижитлизи баштуи.

Илдала иман, инсан
Дегъубли сар дацІили,
Узила някъ хІебурцу
Биыни багъалли бацІли.

Илдани балхІебала
Усал гъубзни биынира,
Умматлизибад селра
ДигІянбарес хІейриира.

Къияйчи къакъяхъибси
Къаплан велтІи гъарали,
Къикъимайти къунзбикІар
Халкъла ургаб къугъали.

Илди илбисуначил
ХІейгахъис ариш-бариш,
Илдани мургъи-арцлис
Бираллири рирци неш.

Рушбатчиби, хъямчиби,
Къалпчиби, гъарачиби,
ХІушаб лягІнатхІебикІес
ХІебирад далайчиби.

Уктемли къунздикІути,
Хамли къикъимдикІути
Къуртмаби, ишиди тутгыи
ХІушаб сар къиздикІути.

БЕЛГҮУТАС ВА БИЛГҮУТАС

Яхли яшав лушанти
Яравли саб белгүти.
Хияла ца дишунти
Багъли саби билгүти.

Билгүтала арца лер,
Ахърира леб, цакъра леб.
Белгүтала ламусра,
Адобра, хияра лер.

Билгүтала агара
Адаб-хияя, дацали,

Билгүтани дуцили,
Дихули лер цацвали.

Белгүли саб бузули,
Майъализиб бизули.
Билгүти саб букули,
Цахалра хебилзули.

Цаличи ца гъимили
Билгүти саб руржули,
Саби-ургаб узбиван
Белгүти саб уржили.

АСЕС ХҮЕЙРУД ПИСКИ МЯХI

Эс вируд, гъай агара,
Яшавлизив ункълира,
Амма эс хейруд, къуртма,
Яхлизив къулайлира.

Виклес вируд, вайгъабза,
Къугъали къунзикгулра,
Аммаки виклес хейруд
Ну хялалли узулра.

Хиякимдешла тахличив,
Эс вируд, хийтиггулра,
Амма эс хейруд хүуни,
Рушбатлис улкхелкгулра.

Хед дигута бирцгули,
Хериэс вируд барха,
Амма хейруд хериэс
Хейкгули рушбат биха.

Вируд халкъличил виэс,
Хийули биштия-хайчи,
Амма хейруд усаэс
Халаси рушбат хайчи.

Вируд мургыи арклиизир
Куртикарликхъес хъунул,
Аммаки дяшбяшличи
Хеликарликхъес хейруд хъул.

Манзиллис дигянбарес
Вируд къалпанала къап,
Амма хейруд, къурумсакъ,
Бикхъес къия халкъ гап.

Вируд, дибягъ, доллартаас
Палтурти асес даршдехи,
Аммаки къалпла арклиис
Асес хейруд Писки Мяхи.

ГЕХИЕЛ ТУГЪЛА

Тамяхкартала тайпа
Талихлагарбиахъа,
Мискинси убкхытуи
Тухтуртас арц даахъа.

Тухтуртас арц даахъа,
Мяштиас мургыи даахъа,
Аллагъ, наб арадеш га.
Дила мурад баахъа.

Баракат банканазиб,
Банкани бабзабазир,
Халал хазна урхъназиб,
Урхъни угърашунаизир.

Икра илбисуназир,
Илбисуни кеплизир,
Зурба урхъула ари
Саби пучнаизир.

Гълбенцла гъамси хъявбецI
Хъякимбариб, кабатур,
Хъукуматла кисала
ХъявбецIли някъ кабатур.

Гълбенцли гъамси хъявбецI
Тъутъули батхъебатур.
Удидад убасили,
Угъраш, чеди кабатур.

Халкъли бала бикъурси
Назмули бекI хъйезахъни,
БерцIхъеберцIбси къцIли
Бала кани изахъни.

Дила пагъмурти хъекъли
Сари эс хъейрус цъакъли,
Дила делкъунтас къимат
Луга даргала халкъли.

Умцантира агара
Бунагъуни умцути,
Хъямамтира агара
Бунагъуни ицути.

Базуртира агара
Бунагъуни дирцути,
Бунагъуни агара
Булбултиван урцути.

Лебилра питникарты,
Илди саб бунагъкарты,
Лебилра хъиллакарты
Саби Аллагъ акарты.

Маккала мижитлизир
Дуччаллира акбурти,
Ахъен мунапикъуни
Алжанизи аркъути.

АВАЛ ТУГЪЛА

Байрам саб наб гъар бархIи,
Шанти мукърачибхIели,
Цъябли дирап аргъ-бархIи
Шанти ясличибхIели.

Къиркъирлис дуббуцури
ВебкIайчи кахIедурхар,
КъацIли хъелкъи, къуцури,
Къакъал хъяблизи кархар.

* * *

Ватасли чинкіртала
Бугъантала балагъли,
Халкълис далайикъахъес
Валтара ну Аллагъли.

* * *

Шайтунти-илбисуни,
Бул бердиби хияла,
Чебаэс вируд хүуни
Базарличиб Гияла.

* * *

Мицлирбирап ургуба
Дикали хлебла шала,
Мурт мицлирбиэсара
Урца улка нушала?

* * *

Белтхи хукуматра леб,
Лигаличи бикили,
Дирхули хурира лер,
Лига ургабикили.



Дагъиста халкъла писатель
Абдуслим ИСМЯГИЛОВ



КИЕЛ ГІЯЛАМАТ

ЧянкIу-гъаргбиуб вацIа,
Гъарали белтIунсиван,
БяргIили руржули саб
Пяхъикес биркъусиван.

Бикъуси дягIла цIум саб,
Чебиуси –пашмандеш.
ДягIли ардухибитиван
Арцантала дебшибдеш!..

Дубуртала гIелабад
Хапли берхIи гъаббакIиб –

Нурла хIевали вацIа
Чедибуциб, кIапIбариб.

ХIера, хIеб ляркъутиван,
ХIаярандиуб галгуби.
Мургъи чертIибсигъуна
КIарадиб тяIxIяр саби.

ДубкIухIелира илдас
Жагадеш лугули саб.
ШинишхIебиэсила
ВацIалира децI батаб.

ЗУБРИРА ГІЯСИЛИ САР

Шаладешра бишахъи,
Зубри дамкъурли сари.
Гъагултала урхънази
ГIеладикили сари.

Уркъусиван къукъура
РямкъярбикIули саби.
ЛямцIла гIярчумагли заб
ДеркIибси тяxIяр саби.

Селичи сарил зубри
ГІясидиубли сари.
Дунъя къирили буэс
Дигутигъунти сари.

ЛехIкахъили, мукIурли
Илди дуэс дирулив,
ХIила дявти чучира
Къячдилкули диалли?

Дирихъмала мер буцес
Дашули гав диалли,
Къукъула мерлар туни
ГурдикIули диалли?

Лерни хIебалахъули
Урцул чIакнала мерлар
Дявла айрипаланти
ГъурдикIули диалли?

БЯГЛИЛА ГАЛГА

ЖягIял яра царахел
Хапли дягIбухъес биар,
БиштIали бухъунсира
Бурям бетаэс биар.

Дила бягIлила галга,
Балкъан вавнабяхъес,
Вавнала тIем ва тIягIям
ДягIли архIедухахъес.

Вавнала бизидеш, тIем
ДягIли далра хIедала.

Къялира бячес биар
ДягIли чебухъи, хIела.

ХIела вавнани нушаб
Гъавара умубибу,
ХIела бягIилизибад
Бахъли тIягIямра кайсу.

Варъа беда, делкъахъен
ХIела вавнани мирхъи.
Жяв-жявли садаахъес
Нушаб цIедешли берхъи.

МАНАВША ВАВА

– Ва дила хъанцI-манавша,
ХIу дяхIилизиб сабри.
Дурабси гъавалира
ХIу ваннахIебирури.

Бахъ ванадеш дигули
ГъаббакIиси сабри хIу.
ДяхIи ва миъ дацIахъес
Пишка бяхъибсиригу.

Илцад назикси хIела
Халаси саби къайгъи

Батбухъес азадбиэс,
Гъамру сегъунтил дагъес.

ХIечиб чебларив гъатIи
ХIеблис гъалаб гъаббакIес,
Дахъ къантIти гъамрулизиб
Илцад къиян чекасес?

– Къиянти чердикибси
Замана хIякъухIели,
Ну-декIар кавлусирав
Къиян чехIебаили?

КАБЦЛА ДАБРИ

ХIябразиван айцIулра
Шагъарла музейлизи.
Гъалабла заманала
Леер ишар дахъал хIерзи.

ГъяхIцадхIи хIерикIулра
Ну кабцла дабриличи,
Я тамашахIейрулра
Иша кадихъниличи.

Дихули калунсира
Нуни илди шилизир:

ДурхIядешла урези
ИлхIаязизб гъалабизур.

Дила декIти дурхIядеш
Гъандикахъиб наб илда,
Гъандикахъиб мискиндеш,
Нуни деркунти хъалта.

ТIярхъибулхъи илдази,
Дахъ жявли удра уди.
Ца дусли кIийна-хIайна
Чебиръусири лутIи.

Цахбилзули саби наб
Илди гъандикибХели,
Къакъаулхъахъулра ну
Ишбархила Гъямури.

Дахъ дахъал тЯрхъуби лер
Илдазирра ишбархИи:
Цализирад шин дашар,
Итилизибад дяхИи.

Ахърибикюли ахен
Илди дягIес нушала,

Гъар секлайзи бикили
ТЯрхъубала изала.

Илди цахти дабрили
Чебиахъули саби
Тяп сари дила къяшма
Дарсдарибси тяхIярли,

Лерил Гъямуру цахIнарли
ХIядяргIили лералли,
ЛутIи-хъулчилизирад
Дарсдарес чебли биъни.

Шурд. ХIябиб Гъалиев



Поэзия



Глайшат БИБАЛАЕВА

ВАТИАН

Хечил ну рарсряхъибси
Хебалас цалра бархъи.
Я беркъили хебалас
Пахру бирули ахъи.

Ил бирес перхъихъила
Уркъила кабатурри.
Хейгутас хыу чуйнара
Бугал тур бетаурри.

Ахир агар дазурби,
Дубурти хела дахъял,
Шанда уркъбар гъубзнани
Сен чумали далтахъял.

Дурабулхъи хыу гъанни
Гъубзни хъябла дигъи жан.
Бирадра цацахъели
Хыу илдас убай нешван.

Ишбархъира ванати
Ахъен халкълис хела дяхъи.

Горбила Раисара
Рикъи хела чедир тъяхъи.

Ельциннира минала
Душмайс давла бяхъикахъиб.
Ца Гъяхъиеш – хечи уркъи
Изузи гъабза ахъиб.

Дурасири илини
Хыу ругъла Гъамилабад.
Хъяб ахъли, михъир зантли
Кайзур хела бусягъят.

Гъяхъиубзна бикухъели
Хела игъбарла айгъир,
Гъягъинхъеркули сари
Хед вершабала къайгъни.

Хыу уркъилабли, хечи
Ил изуси сарра ну.
Бегълара талихъичебси
Хела къисмат биабну!!!

КЪАКЪЯХЪУН

Бибала Муртазалис

Шай, дурашай, я душмай,
Балас нуни чумали,
Хебирар хела хурмат
Хебарес, Муртазали.

Хебирар, сенахъенну
Хыу, дубурланри марси.
Тъабигъятра саб хела
Адамтас уркъигъарги.

Гъяхидеш бирид, тухум-шан
Хеили, къалабали.
Мер чебиахъид, рахли
Адам мурдар виалли.

Бирид ламус, сабурра
Леб хезиб дубурлания.
Сепайда, камли къалла
Хугъунти гъубзни гъанна.

Узби-рузбасра сайри
Ху къакъяхъ умутчевси,
Илди гъанни биридра
Хезибадли лябкъуси.

Игъбар саби ху левни
Тухумтала ва шила
Хули хебакъахъунри
Хуни хела дудешла.

Хейгутира бургар ху,
Гъамру – гъамру сарину.
Бекисигъунара, илди
Лебни-агни ахенгу.

Адам акъубла дархли
Къясдеш акъубти сари.
Къабилли Гъабил каршив,
Илкъайда хебиалри?!

Наб дигулра ху кали
Илкъайда – гъахъабзали.
Кархули адам гъанни
Ху муртлара гъазали.

Хезиデザ бурули,
Рикъулра: каммайаби!
Хяна хурхъван ахъил бек!
Хуни гъашмабуцаби.

ДАРГАНТИ

Чили «дарган» ибси дев
Бурили бакъаслира,
Уркъилизиб ламбулхъян
Хиякатла зим хябилра.

Иргъис илизир нуни
Лавшар аршила вяшра,
Къарли дертур сагначир
Шанда къялкъяла хярша.

Дубурти къапидариби
Дурзamtala макъамра,
Дубсила чиябарличи
Мургъи лукъул къаламра.

Гъанарап ханжал-шушка
Къазакъуни архъиби.
Чаргас урчала мурдни,
Муза-къада ахъиби.

Гъаладилзан унхъри-хъу
Сабухъли мадикъути.
Шараб шинна гинзурби,
Парчяхъли рабчикъути.

Далуйти – чархла гъава,
Хекъли хияйбалтахъуси.
Авадан делхъла мява –
Уржибдеш иргъахъуси.

Дагъиста ванзаличиб
Дарга – духуриван саб.
Дарган – зяхъиматчира сай,
Сенкъун сай пергер хъубзар.

Ил уста сай, гъялим сай,
Гибси халкълис Батирай,
Иш ванзаличив ил наб
Бегъи хялалси адам сай.

ТИЛИШАРЧИ

Шими, шагъурти, улкни
Лер жагати гъар шайчир.
Наб ахIерси хIу сабри,
Дурхъаси Тилишарчи.

Бахъли чула мер-муса
Чедиу чихъли жайчир.
Ца хIу сабри дилара
УркIилаб, Тилишарчи.

Дабагъла чакмачевли
ВатIайчивхIели душман,
Ургъес вируси цалра
ХIезив кахIелун ца шан.

Хабар халаси ахIен
ХIела иш дунъяличиб.

Амма гъубзни леб хIезиб
Чихъти яхI-хIяличил.

Ванал берхIила нурли
Бирцибти саби рурсби.
Гъар хъа дицIили сари
Мар-анкIили усурби.

ХIебарадра гIур селра,
Гияникъарни биур наб.
Игъбар саб халал дила
ХIезир неш ретаънира.

Гияникъисира ну хIечи
Гиязиз нешла ниъличил.
Бургъаби даршдусмазиб,
Дурхъаси Тилишарчи!

ПЕРЗИЯТ БЯХIЯНДОВАС

...Барх архIяли аркъути
КIел гъункъянрана нуша?
Къадарбиубти ахъес
Гумми агарси къада.

Ца къасли цадарила
ХIечи пикририкIулра.
Марли, нуша цали ца
ХIедалули калира.

Тупла хIярхIягъуна дев
ДяхIла бурес рирузи.

Азир гъаббази рулхъад,
МикIхIен хабарла рурси.

КахIейрехIе, Перзият,
ХIейгутас дигахъесли,
Ламартла цIа дикъалра
Нушаб уркIби дигесли.

ДекIси, гъараҳъси гъуни
Барх ахъес гъамадсину,
ХIекъа дубура къайда,
ДихIен адамдеш ахъли!





ХЛЯПИЗ АБАКАРОВ

БАГЬИШЛАБИ

БАТИРАЙЛИС

Ишдус кИдарш дус дикиб,
Батирай, хIу акIубла.
ХIела далуйта нуша
ИшбархIира дучIулра.

Даргантани хъумхIертур
Мунгини хIед дуриб гъай:
«Иш дунъя каберхалра,
Камаберх хIела далай».

Чум далай ардухибал
Илини цIяб хIяблизи!?

Чум далай калунара
ХIергъахъили халкълизи?

Алагъали ахъри галри,
ДелчIахъес хIеделчIунти...
Сепайда, хIу айзахъес
Агарли дила ахъри.

Далай багъандан хIечи
Чебирхъи, бикIар, гIякIа.
Калунри, бикIули саб,
Агарли буркъа хIяка.

Давлачебтири, бикIар,
ХIу хIелтути душманти.
ГIурра баҳъбаили саб
Кумбарти байтарманти!

УрхIла къиян беркес саб
Илди дайм хIядурти,
Мискин пакъирти саби
Илдас дайм къурбунти.

ХIела далайли сабри
Къуртмаби руржакъути,
ХIела далай хIебакъес
Сабри дигIянбиркути.

Батирай, хIела далай
ГIурра саб зайдикIули,
Даргантазир даймлис
Гъабзадеш адилкъули.

ГIурра бучIули кавлан,
ЛебалцадхIи иш ванза:
« ГIяхIгъабза адашивад
АдмакIаб вайна гъабза!..»

**СОВЕТСКИЙ СОЮЗЛА ИГИТ
ЗУЛПУКЬАР ГIЯБДУРЯХИМАНОВЛИС**

Ватая ил усахъес,
ХIехъибси гъанкI ахъахъес,
Нуша багъандан сайри
Ил дергълизив алхунси.

Неш Ватлан балтахъули,
Алхун дергъла майдайчив.
БерхIи нушаб калахъес
Чедикиб ил жайчив.

Зулпукуар сайри гъабза
Нушала шав акІубси.
Илала ахІену у
Къаркъализи белкІунси?

Нешлизибад аргъира,
«Сунечил учИиб» или,
ЦархІилтасра бучІахъес
Кумекбири рикІули.

Дергълизи аркъутачил
У бегІ гъалаб белкІахъун.
«Душман вяЧи, чарулхъас!»-
Шантас гъалав гъайухъун.

Я гъайлис къянахІейуб –
Ургъусири ахІамакъли:
Югославиялизив
Ветаур ил хабарли.

Илабти халкъ гъаннара
Башули саб хІябличи,
Вавни дихули саби
Кадихъес хІурматличил.

Душмантачил ургъули,
Ветахъадра дергълизив,
Зулпукуар, калунири хІу
Дила халкъла уркІбазив.

ХЪАНЦА УРХЬУЛА ИГИТ МЯХІЯММАД ХІЯЖИЕВЛИС

Мурталра далайикІус
Ахъли урцул арцаниис,
Ахъ дубур жагабирул
Арцини гъайбат щАкалис.

ДезаикІус мурталра
Урхънацибити гІяхІгъубзнес,
Урхъула лутІи булан
Чус мутІигІбакІахъитас.

ХъанцI урхъула ругерти
СаламдикІули сари:
Урхъназиб алхунтала
ХIурмат бирули сари.

МяхІяммад ХІяжиевлис
Вирусу далайхІейкІес?
Илала баркъудилис
Вирару гъунар хІейкІес?

ХІела гъунарта сабри
Душманти уркІаибыти,

Чумра илдала гами
ХIунири кягІяхъиби.

Ванзаличивван кункли
Шинна удив вашуси,
БегІла щАкъси душманра
ГІяраван убшахъуси.

Шинна удиб саб, бикІар,
МяхІяммад, хІела хІябра,
Цайналра ил чебаэс
Дигахъира наб хІябра.

ВебкІайчи далайикІус
ХIуни дариб гъунартас,
Деза сен викІхІейкІуси
ГІур хІугъунти нартанас?

Далуйтазир дурули
Сари хІела гъунарти,
Даршдусми ардукъялра,
Сарну бебкІа агарти.

И. В. СТАЛИННИС

ИшбархІира адамти
Булгули саби илис,
Мискинtas идбаггъуна –
Хабарла Супелтарлис.

Идбаг Аллагълисван, ил
Марси сайри Лениннис,

Дудешгъуна сайри ил
Ялчи-хъубзара халкълис.

Пачала хІукуматли
Чуйнара туснакъвариб,
Чуйнара Сибирълизи
Чеввикахъес дугІеиб.

Шандангъуна сайхели,
Сталин бихъибсири,
Сиратла гуми булан
МицИрли ахъибсири.

Ленинничил илини
Дунъя убилчебариб,
Мирш-къякъ дихуси улка
Дунъялис машгъурбариб.

Гитлерли адикъурти
ХявбуцИира къирдариб,
БуцІа буциб халкъани
БерхИилиу дураиб.

Хъям-къацI агарси улка
Белшес бажардиикиб,
Щибдешлизиб калунтас
ТалихI чебаэс бикиб.

Ил мицИрли левхели,
Багънира дургIедикIи,
Сегъунал чейухели,
Илис баркалла бикIи.

Имканти лерлихъалли,
Сайра хъям-къацI викIхейкIи,
Хъям-къацIбикIес дигутас
Гъундури кункли НейкIи.

- Нуни гъаннал балулра,
Гляйтази урцура,
Илди набчила бикIар:
«Гъаниркуру ит цура?!»

Сецад дурили хъалли,
Гляйиб-хатІа чехIелкан,
Сагали дягIли бирцIур
Нуни ахъбуциб ялкан.

Угърашуна учили
Хияривад дуаршурा,
Рахли биралри илда
Ну акIайчил каршира.

УрхIла дурхIнас агарси,
Дилайсра хIелугира.
Ялчнас имканагарси
Я нуни хIебукира.

Сели бугъулихъалли,
НясхIебирар дила у.
Нуни белшунси улка
Нясана хIерхIебиру.

Набчири бунагъуни
ДягIли кIариван арху.
Дила хIябличи вавни
ЧеалкIутани лерху.

КIел кIарзани ит улка
Бицили бетахъахъиб,
Ялчи-хъубзар халкъличи
Иш мусибат бакIахъиб.

Лебил улка ишбархIи
Гляяла базар саби,
Хъулкна белтIунси гъариб
Лигаван чIянкIли саби.

ЦабехI бургъули саб хIед
«Аждагъари» бикIули,
ЦабехI булгули саб хIед
«ГляхIгъабзари» бикIули.

Хъулкни саб урухкIули:
«Супелтар лявкъян» или,
«ДигIунти керасили,
Дубдурцахъура» или.

Гтур хIугъунти, мажахIят,
БакIес иш дунъяличи.
Аждагъа виадлира,
ХIерлира нуша хIечи!

ХIугъуалициун вирап
Сагабарес иш дунъя,
Дунъя бицIиб хIявбуцIи
БикIалра цахIнаб гъяя.




Фольклор

ХАЛКЪЛА БУРАЛАБИ

Гъяхъси адамличи къиян-жапа имциали дашар.
Къиркъир къикъли уга, сахаватсила – хъу хъедегъалра духъар.
Адам ца сегъуна-байлра шайчив пагъумарси виалли, ил пагъуму
цархъил шайчибра дакъубулхъан.
Цала мухълилаб хъебуиби, верхълайзибра хъебуар.
Мурул-хъунул хинкъачиб гъимбуркъар, нергъличиб даршубиар.
Вегъла шилизив идбаг вируси ахъен.
Халаси къяналичиб биштъаси бархъдеш гъяхъси саби.
Адамлис жагаси виэс ахъенну чебси, адамли виэс ва адамли
калес саби.
Хъябъапилизизиб авкъапъи баргиби адам талихъчевси виар.
Адам лебтасалра гъяхъсили виэс вируси ахъен.
Ханжъа дяхъи арабиар, мухълила гъайла дяхъи арахъебиар.
Гъяхъял хъешуси хъали – хъали ахъен.
Мявхъебикъуси житани гъяш халал буга.
Эмхъечил барх каалли, къачара вайтабиркъур.
Вайси – вегълара камалаб, гъяхъси – урхълара вебкъимебкъаб.
Анкъилаб цъара цъаличиб шангра далдикили диар.
Хъянзиличиб жанай вава хъебашар.
Урхълис бяхъибсира сунес изааруси.
Шан хяли шан хялис ламартбарес хъебиар.
Някъ белкъари хъянчира кани белкъари къацъра – хъябилра гъяхъти
диар.
Гъянал билли – гъямузган, хъебиалли – хъярбукан.
Къаяцъбикъуси хялис лига камхъебиар.
Аллагъли хъегиби адамта баргес хъебиар.
Бурес багъалли, цацахъели къянара къияндикиби мерлаб унцлизи
булхъан.

*ШяхI МЯХИЯММАДСЯГИДОВ,
Гъуладтала ши.*





Писки МяхI (М. Гябдуллаев)

ISSN 0235 - 0149

Индекс годовой 31176
Индекс полугодовой 73892



Дубуртазир г'елаг'ебшни